

# MATAI

## Pâri ara ñana Yesu Kirisi kâ Matai ingere

Ñine nde pâri ara ñana Yesu Kirisi kâ Matai ingere. Matai nde tonje lâ kinzi pâri tamâta sañao kanañonzi rua, aku i ña tonje nde Livai. I muñga iveta wurâta ñana mbumbu kaina kâ panzi Rom, andeta Yesu isarawa i tu ipono muli papa (10:3). Matai ingere ñgua ñine panzi i nuwala Juda tamâta. Kinzi uru sio tininzi ñana Yautâña Tamâta ñinde Maro Kindeni nanayoni ipa ñgua tu ma isupwa imâ panzi (i ña tu Kirisi), aku Matai itu itula pwataki panzi tu Yesu tamwata nde Kirisi, ina Juda nenzi Koipu Ñalae. Mine kala ingere ñgua rârà ñana kinzi ñgua-tulâña tamâta muñgâña nenzi ñgua, ku itula pwataki tu Yesu iveta nenzi ñgua ñinde ipânga kanaño.

### *Yesu Kirisi timbu wukale ñanzi*

<sup>1</sup> Kinzi tamâta ñine nde Yesu Kirisi timbu wukale: Yesu nde Koipu Ñalae Daviti ne vâsa, anğa Daviti nde Abraham ne vâsa. <sup>2</sup> Abraham nde Isaka tama, anğa Isaka nde Yakopu tama, anğa Yakopu nde Juda wa tai-tua wa tamanzi. <sup>3</sup> Juda nde Peres ku Sera rua tamanzi. Kinzi rua tinanzi nde Tamar. Anğa Peres nde Hesron tama. Anğa Hesron nde Ram tama. <sup>4</sup> Ram nde Aminadap tama, anğa Aminadap nde Nason tama. Anğa Nason nde Salmon tama. <sup>5</sup> Anğa Salmon nde Boas tama; Boas tina nde Rahap. Anğa Boas nde Obet

tama, anga Obet tina nde Rutu. Anga Obet nde Jesi tama. <sup>6</sup> Anga Jesi nde Koipu Nalae Daviti tama, anga Daviti nde Solomon tama. Solomon tina nde munga imo Uria kaiwa.

<sup>7</sup> Anga Solomon nde Rehoboam tama, anga Rehoboam nde Abiya tama. Anga Abiya nde Asa tama. <sup>8</sup> Anga Asa nde Jehosafat tama, anga Jehosafat nde Jehoram tama. Anga Jehoram nde Usia tama. <sup>9</sup> Anga Usia nde Jotam tama, anga Jotam nde Ahas tama. Anga Ahas nde Heskia tama. <sup>10</sup> Anga Heskia nde Manase tama, anga Manase nde Emon tama. Anga Emon nde Josaia tama. <sup>11</sup> Anga Josaia nde Jehoiakin wa tai-tua wa tamanzi. Lâ zo ninde kinzi Babilon ngu sikainzi Isrel ngu sionzi simo Babilon lawea, aku nâna silanzi.

<sup>12</sup> Kinzi Isrel ngu silâ sipânga Babilon lawea lâ, nininga Jehoiakin ipulia Sealtiel. Anga Sealtiel nde Serubabel tama. <sup>13</sup> Anga Serubabel nde Abiut tama, anga Abiut nde Eliakim tama, anga Eliakim nde Asor tama. <sup>14</sup> Anga Asor nde Sadok tama, anga Sadok nde Akim tama. Anga Akim nde Eliut tama. <sup>15</sup> Anga Eliut nde Eleasar tama, anga Eleasar nde Matan tama. Anga Matan nde Yakopu tama. <sup>16</sup> Anga Yakopu nde Yosepe tama, anga Yosepe nde Maria kaiwa. Aku Maria ipagugua Yesu, ina Kiriisi, tamâta ninde Maro Kindeni ipatea tu ivilanzi ne ngu.

<sup>17</sup> Mine kala Abraham see rârâni imâ ipânga lâ Daviti ne zo, ande kinzi ninde kambwanenzi ikura sanao kanaanzi napa. Aku Daviti see rârâni imâ ipânga lâ zo ninde Isrel ngu silâ simo nâna nia lâ Babilon lawea, ande kinzi ninde kambwanenzi

kala ikura saŋao kanaŋonzi ŋapa mine nâ. Aku lâ zo ŋinde simo Babilon lawea, aku ilâ lee ikura lâ zo ŋinde Kirisi ipâŋga, ande kinzi ŋinde kambwanŋenzi kala ikura saŋao kanaŋonzi ŋapa mine nâ.

### *Maria ipagugua Yesu Kirisi*

<sup>18</sup> Pâri ŋana Yesu Kirisi tu ipâŋga tâno kulu mâsi mana, ande mine: i tina Maria, muŋga sipatea i tu ma ikai kaiwa Yosepe. Andeta kinzi rua sipakâe tia yo, ŋinenŋa Koroani Sapâŋa iveta mâsi ŋalae tonŋe papa Maria, kala Maria kapwa lâ. <sup>19</sup> Anŋa Yosepe, ina tamâne ŋinde kinzi muŋga sipatea tu ma ikai kaiwa Maria, ande i tamâta ara, kala tini pwâka tu iveta maŋeti papa Maria. Mine kala itu ipile Maria mwasa nâ. <sup>20</sup> Yosepe nde ilo keno mine yo, ŋinenŋa lâ mbupuleŋa Maro ŋalae ne aŋelo tonŋe imâ papa. Aku aŋelo nde ipai tu, “Yosepe, Daviti ne vâsa noko, noko ma kururu ŋana pwai kaiwa taine Maria imâ imo kuno ndimo. Kulonŋo; muŋga, Koroani Sapâŋa io lâlu ŋinde ilâ ikeno Maria kapwa ilo. <sup>21</sup> Aku Maria ma ipagugua natu tamâne tonŋe ipâŋga. Noko ma kupatu i ŋa tu Yesu, ŋana tu i ma izavaru kiesaka piti lâ ne tamâta tininzi, aku ma ivilanzi tu simo vianzi ku simo nâ.”

<sup>22</sup> Mine kala vetâŋa rârâni ipâŋga ikura ŋgua tonŋe Maro ŋalae muŋga io lâ ŋgua-tulâŋa tamâta tonŋe kawa mine tu, <sup>23</sup> “Taine taipa tonŋe, i muŋga ikeno kuku tamâne tonŋe tia, ande i ma kapwa, aku ma ipagugua lâlu tamâne. Kinzi ma sipatu lâlu ŋinde ŋa tu ‘Emanyuel’. Ŋoa ŋine nde duvi mine tu, ‘Maro Kindeni imo kuku kinda’.”

<sup>24</sup> Yosepe nde imbipole marumbu lâ, ŋinenŋa imandi sânda ku iveta ikura Maro ŋalae ne aŋelo

kawa ngua mine. Yosepe ikai kaiwa taine Maria imâ imo kuku, ku rua sipakâe. <sup>25</sup> Andeta Yosepe ikeno kuku Maria tia. Kinzi simo mine lee, ninennga Maria ipagugua lâlu tamâne ipânga. Aku Yosepe ipatu lâlu ninde nja tu “Yesu”.

## 2

*Kinzi ilo-kalo tamâta soka pa mbwera warika kâ simâ simora Yesu*

<sup>1</sup> Maria ipagugua Yesu lâ Betlehem lawea lâ Judia tâno. Pa zo ninde Herot imo koipu lâ Judia. Aku lâ zoni ndaina, kinzi tamâta pinde soka papa tâno tonje ikeno pa mbwera warika kâ simâ pa Jerusalem lawea. Tamâta ninde nde sikai ilo-kalo njananzi pitu kie-kie. <sup>2</sup> Kinzi simâ sipânga Jerusalem lâ, ninennga sikasona tu, “Lâlu wasaseki tonje ipânga lâ, i ma muli ikai koipu panzi Juda ngu, ande imo ndia. Maka kamora i ne pitu pa mbwera kâ, kala kamâ tu ma kapanea i.” <sup>3</sup> Koipu Herot nde ilonjo ngua ninde, ninennga i ilo rârâ. Aku kinzi tamâta rârâni lâ Jerusalem lawea kala ilonzi rârâ mine nâ. <sup>4</sup> Ninennga Herot ipasupwa ilâ panzi Juda nenzi patarawânga tamâta njalanjala rârâni sitavanzi nenzi pananânga tamâta njana ngua tukunja kâ tu simâ. Simâ sipasau lâ, ninennga Herot ikasonjanzi tu, “Tamâta ninde sisarawa i nja tu Kirisi, ande i ma ipânga lâ lawea ndia.” <sup>5</sup> Kinzi nde sipai tu, “I ma ipânga lâ Betlehem lawea, lâ Judia tâno. Ngua-tulânga tamâta tonje munga injere ngua lâ pepa tini mine tu,

<sup>6</sup> ‘Noko Betlehem lawea lâ Juda nenzi tâno, noko kumo togo lawea kaa nâ lâ kinzi Juda

tamâta nalanjala naonzi, ande tia ndo. Noko ne koipu tonje ma ipânnga, aku ma ikai katonâna panzi nanenğu ngu Isrel.’ ”

<sup>7</sup> Herot ilonjo nenzi ngua lâ, ninenğa ipasupwa paveânğa nâ panzi tamâta papa mbwera warika kâ nğinde tu simbonzi nâ simâ kuku. Simâ lâ, ninenğa ikasonanzi tu, “Pitu nğinde nde ipânnga lâ zo ndia.” Aku situla pitu ne zo pwataki papa.

<sup>8</sup> Ninenğa Herot isupwanzi silâ pa Betlehem lawea, aku iporo lanenğa panzi tu, “Miki kalâ ku karoto sondo nana lâlu nğinde kâ. Mambo kasânda lâlu kulu, ninenğa kakai pâri kataulo kamâ pa nanğa, aku nanğa kala ma alâ apaneia i.”

<sup>9</sup> Kinzi ilo-kalo tamâta nğinde silonjo koipu ne ngua lâ, ninenğa siyâti silâ. Aku pituni ndaina munğa simora pa mbwera kâ nğinde nde imunğa panzi. Pitu iyoka imunğa panzi ilâ lee, ninenğa ipâti itâra âta lâ luma lâlu imo nğinde kulu. <sup>10</sup> Kinzi nde simora pitu, ku sindeka pâta kanaanjo.

<sup>11</sup> Aku silâ luma ilo, ande simora lâlu ku tina Maria rua. Ninenğa sipare tukunzi papa aku sipanea lâlu nğinde. Aku sikai nenzi tânğa kawa piti, aku nenzi wisi-ara kulu nğalae tina silua; mira ara “gol” wa kâu kuwae ara wa samimi kuwae ara wa silua. <sup>12</sup> Aku lâ nenzi mbupulenğa, Maro Kindeni itu kaika panzi tu, “Miki ma kataulo kalâ pa Herot kilo ndimo.” Tia ku kinzi soka nzâla tonje sitaulo silâ pa nenzi lawea kilo.

*Yosepe ikainzi lâlu ku tina Maria rua sikâwa silâ pa Isip tâno*

<sup>13</sup> Kinzi ilo-kalo tamâta nde silâ lâ, ninenğa Maro Nğalae ne anjelo tonje ipatua pa Yosepe lâ

mbupuleŋa. Anelo ipai tu, “Noko kumandi, aku pwainzi lâlu ku tina rua kakâwa kalâ pa Isip tâno. Aku kamo ndaina lee ikura lâ zo ndia naŋa warakâŋgu ma amâ aporo pano kilo ŋga. Herot ma isupwanzi ne tamâta tu siroto ŋana lâlu tu sipu pâta imâte kê.” <sup>14</sup> Ninenŋa Yosepe imandi sânda, aku ndainani nâ, lâ mbo ŋgini-ŋgini, ikainzi lâlu ku tina Maria rua, aku sikâwa silâ papa Isip tâno. <sup>15</sup> Aku Yosepe imo Isip lee ikura lâ zo muli Herot imâte lâ ŋga. Mine kala ŋgua tonŋe muŋga Maro Njalae io lâ ŋgua-tulâŋa tamâta tonŋe kawa nde ipâŋga kanaanjo lâ. Nguwa-tulâŋa tamâta muŋgâŋa ŋinde ikai Maro Kindeni kawa ku inŋere ŋgua lâ pepa tini tu, ‘Naŋa asarâwa pa natuŋgu tamâne, aku iyoka Isip imâ.’

*Herot isupwanzi zugu tamâta tu ma sipunzi lâlu rârâ simâte*

<sup>16</sup> Kinzi ilo-kalo tamâta nde sitaulo silâ pa nenzi lawea lâ, ŋinenŋa Koipu Herot isama tu kinzi muŋga silaŋe i tu ma sitaulo simâ papa. Mine kala Herot wisi nâna ŋalae tina. Aku i kalo ŋgere ŋana ŋgua kinzi muŋga siporo ŋinde, ŋana pitu ne zo ŋana ipâŋga kê. Mine kala isupwanzi zugu tamâta pinde silâ pa Betlehem lawea, aku sikura lawea laiti laiti ŋinde tava. Aku lâ lawea ŋinde sikainzi lâlu tamâne rârâni nenzi mbwera rua tia yo, aku sipunzi pâta sipamateteu. <sup>17</sup> Vetâŋa ŋinde nde iyoke ŋgua tonŋe muŋga Maro Kindeni io lâ ŋgua-tulâŋa tamâta Jeremaia kawa mine tu,

<sup>18</sup> “Kinzi siloŋo sarawâŋa tonŋe tava tiŋa wa kalo-kalo iveta nduŋeŋa ŋalae lâ Rama lawea. Rasele ne vâsa nde sitata ŋananzi natunzi, kala kinzi tamâta silâ kunzi tu siveta ilonzi

ara kâ. Andeta sikura tia, ɲana tu natunzi rârâni nde sipamateteu lâ.”

*Yosepe ikainzi lâlu ku Maria rua ku sitaulo simâ kilo*

<sup>19</sup> Aku muli, ɲinenɲa Koipu Herot imâte lâ. ɲinenɲa Maro ɲalae ne aɲelo ipatua kilo pa Yosepe lâ Isip tâno, lâ i ne mbupuleɲa. <sup>20</sup> Aku aɲelo ipai Yosepe tu, “Kumandi sânda, ku pwainzi lâlu ku tina rua kataulo kalâ pa Isrel tâno kilo. Kinzi tamâta muɲga situ sipu lâlu pâta imâte ɲinde, ande simâte lâ.” <sup>21</sup> ɲinenɲa Yosepe imandi, aku ikainzi lâlu ku tina rua ku soka silâ pa Isrel tâno.

<sup>22</sup> Andeta Yosepe iloɲo ɲgua tu Arkelaus ikai tama Herot nia, kala imo koipu panzi tamâta lâ Judia tâno. Aku Yosepe iruru ɲana itaulo pa nia ɲinde. ɲinenɲa lâ Yosepe ne mbupuleɲa tonɲe, Maro ɲalae itu kaika tu Yosepe ma inɲenɲe ɲana nia ɲinde kâ. Mine kala Yosepe ilâ papa Galilaya tâno. <sup>23</sup> Ipâɲga Galilaya lâ, aku imo lawea tonɲe, i ɲa tu Nasarete. Mine kala ɲgua-tulâɲga tamâta muɲgâɲga nenzi ɲgua ɲana Kirisi kâ nde ipâɲga kanaɲo. Nenzi ɲgua ɲine nde mine, “Kinzi ma siporo tu, ‘I nde Nasarete lawea warika’.”

### 3

*Yoane Lââ-Liliɲa Tamwata itula ɲgua*

<sup>1</sup> Mbwera pinde ilâ lâ, ɲinenɲa Yoane Lââ-Liliɲa Tamwata ipâɲga nia bilimu tonɲe lâ Judia tâno. I uru itula ɲgua panzi tamâta mine tu, <sup>2</sup> “Maro Kindeni ne zo ɲana ikai maro panzi tamâta kâ nde imâ ipâɲga laiti lâ. Mine nde miki kapalele ilomi kalomi.” <sup>3</sup> Yoane nde tamâta ɲinde Maro

Kindeni muᅅga iporo ᅅana lâ ᅅgua-tulâᅅa tamâta Aisaia kawa mine tu,

“Lâ nia bilimu, sarawâᅅa tonᅅe iyoka lâ tamâta tonᅅe kawa imâ mine tu, ‘Kaveta nzâla sonᅅo ᅅana Maro ᅅalae ma imâ kâ’.”

<sup>4</sup> Yoane nde uru isawa pasawaᅅa muᅅga sisuta lâ ᅅgoa “kamel” karae, ku ipu ᅅgoa karae lâ kamb-waᅅe. Aku i uru ika ndemu-ndemu tava sipa siᅅi togo kâ kaniᅅa mwasina. <sup>5</sup> Lâ zo ᅅinde, kinzi Jerusalem tamâta ᅅgu ᅅalae sitavanzi Judia tamâta râra aᅅga tamâta lâ lawea lawea ikeno Jordan Lââ tini laiti, ande kinzi ᅅinde râraᅅni nde simâ pa Yoane. <sup>6</sup> Kinzi sipatula nenzi kiesaka papa, aku ililinsi lâ Jordan Lââ.

<sup>7</sup> Yoane mata ilâ imoranzi tamâta râra lâ kinzi Parisai ᅅgu wa Sadyusi ᅅgu simâ ᅅana sikai lââ-liliᅅa kâ. Aku Yoane ipainzi tamâta ᅅinde tu, “Miki nde mwâta sakamao natunzi! Miki ea ipaimi tu kakâwa ᅅana Maro Kindeni ne wisi-nâna, a?

<sup>8</sup> Miki ᅅandai kaveta vetâᅅa arara ᅅga. Ambo miki ma kaveta vetâᅅa ara, ande ᅅinde nâ ma itula ilomi pwataki tu miki kapalele ilomi kalomi lâ.

<sup>9</sup> Miki uru kaporo kaa nâ lâ warakami ᅅginimi tu, ‘Abraham nde maka timbuma’, aku lâ ᅅgua ᅅine miki katu Maro Kindeni ne pareᅅa-nia ᅅana nemi kiesaka kâ ma iᅅᅅeᅅe ᅅanami. Opopo, miki kapalâᅅe ndo! Naᅅa aporo mao nâ pami; Maro Kindeni ikura tu ikainzi mira ᅅai ku ive-tanzi sipâᅅga Abraham ne vâsa, sitogo miki mine!

<sup>10</sup> Kavasi nde ikeno lâ kâi duvi tini. Kâi ndia uru ipula kanaᅅo ara tia, ᅅinde ma Maro Kindeni iso irumbia lâ yââ kana lâ.

<sup>11</sup> Naᅅa uru alilimi lâ lââ nâ, aku vetâᅅa ᅅine



itula ilomi pwataki tu miki kapalele ilomi kalomi lâ. Anğa tamâta tonje iyoka naņa mulingu mwanğa imâ, aku i ne walo nde ipole nanenğu walo. I nde tamâta nğalae; mine kala naņa amo i kalo, atogo tamâta kaa nâ mine. Nanenğu ara keno nğana akai i ne kie kâmba atogo i ne wurâta tamâta sugorai mine, ande tia. I ma ililimi lâ Koroani Sapâņa wa yââ wa. <sup>12</sup> I ne kâro-kâro keno i mbalau ilo, aku ma ikaro ‘wit’ ne kina itambira lâ. I ma igona ‘wit’ kanaņo ku io lâ kâpwa ne luma ilo. Anğa kina nde ma irumbia lâ yââ nğinde uru mela-mela mine ku imo nâ.”

*Yoane ilili Yesu*

*Malaka 1:9-11, Luka 3:21-22*

<sup>13</sup> Lâ zo nğinde Yesu ipile Galilaya tâno, aku indue imâ pa Jodan Lââ. Imâ pa Yoane Lââ-Liliņa Tamwata tu ma ikai lââ-liliņa lâ Yoane mbau.

<sup>14</sup> Andeta Yoane ilelea i, aku ipai tu, “Ara nğana noko ma kulili naņa. Mine nde mana mana anğa noko kumâ pa naņa nğana alilino.” <sup>15</sup> Andeta Yesu itu lâ kawa tu, “Kupile nğa. Kinda rua ma taveta nğine, ikura Maro Kindeni ne pateâņa mine.” Nğenğa Yoane isâu papa Yesu ne nğua nğinde.

<sup>16</sup> Yoane ilili Yesu lâ, aku walele nâ Yesu ipile lââ ku ikâki ilâ pa pânğa pwali. Aku ndainani nâ samba ipwa pwataki, aku Yesu imora Maro Kindeni ne Koroani Sapâņa itogo bâlu mine indue imâ papa. <sup>17</sup> Aku sarawâņa tonje iyoka pa samba indue imâ mine tu, “Naņa natunğu kala nğine. Naņa ilonğu ndo keno papa wa ilonğu indeka papa wa.”

## 4

### *Sadana ikai samâŋa pa Yesu Malaka 1:12-13, Luka 4:1-13*

<sup>1</sup> Yesu ikai lââ-liliŋa lâ, ŋinenŋa Koroani Sapâŋa ikai Yesu io lâ nia bilimu tonŋe, ŋana koroani saka nenzi koipu ma ikai samâŋa papa. <sup>2</sup> Aku pa zo ŋinde Yesu indi kaika pa tamwata tu ma ika kâpwa tia, kala imo mine lee ikura kari tamâta rua (40) lâ, kala putole ipu pâta. <sup>3</sup> Ŋinenŋa koroani saka nenzi koipu imâ pa Yesu, aku ipai tu, “Noko kutu Maro Kindeni natu, ande ara, kuporo panzi mira ŋai tu ma sipalele sipâŋga sitogo puroŋa mine.”

<sup>4</sup> Andeta Yesu iporo taulo tu, “Maro Kindeni kawa ŋgua ikeno lâ pepa tini mine tu, ‘Kâpwa nâ ikura tu isukanzi tamâta ŋana simo vianzi kâ, ande tia; ŋgua rârâni ipâŋga lâ Maro Kindeni kawa ŋinde tona ma isukanzi tamâta’.”

<sup>5</sup> Yesu iporo ŋgua mine lâ, ŋinenŋa koroani saka nenzi koipu ikai Yesu ilâ Jerusalem lawea, aku io i kâki imandi Maro Kindeni ne luma sapâŋa mende kulu. <sup>6</sup> Aku ipai Yesu tu, “Noko kutu Maro Kindeni natu, ande ara, kusonŋa kundue pa tâno kulu. Ŋana tu Maro Kindeni kawa ŋgua ikeno lâ pepa tini mine tu,

‘I ma ionzi ne aŋelo tu sikatonano. Kinzi ma mbaunzi nâ sisuka noko kâki, kala mira tonŋe ma ikura tu isowe noko kie, ande ma tia’.”

<sup>7</sup> Andeta Yesu ipai tu, “Maro Kindeni kawa ŋgua ikeno lâ pepa tini mine tu, ‘Noko ma kuveta samâŋa tonŋe pa noko ne Maro Ŋalae Kindeni ndimo’.”

<sup>8</sup> Njineŋga koroani saka nenzi koipu ikai Yesu ikâki tuu ŋalae tonje kulu, aku itula nia wa lawea ndoni tava nenzi sinjâra arara papa. <sup>9</sup> Aku ipai Yesu tu, “Ambo noko ma kupare tuku ku kutundu kupanea naŋa, ande naŋa ma kelekele rârâni njine alano.” <sup>10</sup> Andeta Yesu itu lâ kawa tu, “Sadana, noko pwâwa kulâ! Maro Kindeni kawa ŋgua ikeno lâ pepa tini mine tu, ‘Noko ma kutundu kupanea noko ne Maro Ŋalae Kindeni, aku kuveta wurâta papa i simbo nâ.’”

<sup>11</sup> Njineŋga koroani saka nenzi koipu nde ipile Yesu ilâ, aku kinzi aŋelo simâ ku sikatona Yesu.

*Yesu iveta ne wurâta muŋga lâ Galilaya tâno  
Malaka 1:14, Luka 4:14-15*

<sup>12</sup> Pa zo njinde, Yesu ilonjo ŋgua tu kinzi sio Yoane Lââ-Liliŋa Tamwata imo luma sakamao ilo. Mine kala itaulo ilâ pa Galilaya tâno kilo. <sup>13</sup> Ipile Nasarete lawea ku ilâ ipânŋa Kaperneam lawea, aku imo lawea ndaina. Kaperneam lawea ikeno Galilaya Lââ bwalika pwali. Nia njinde nde kinzi Sebulun ŋgu aŋga kinzi Naptali ŋgu nenzi tâno.

<sup>14</sup> Mine kala Yesu iveta ikura ŋgua tonje muŋga ŋgua-tulânŋa tamâta Aisaia iporo lâ. Aisaia muŋga ikai Maro Kindeni kawa ku iporo tu,

<sup>15</sup> “Miki tamâta lâ Sebulun ŋgu aŋga lâ Naptali ŋgu, miki njinde kamo papa Galilaya Lââ bwalika, pa Jodan Lââ tini pinde, aku kamo Galilaya tâno kunzi tinikoa ŋgu, miki kalonjo; <sup>16</sup> Kinzi tamâta uru simo kondoma ilo, ande kinzi ma simora sinâla ŋalae tonje. Mao nâ, kinzi simo nia kondoma, itogo matera nianzi mine. Andeta sinâla njinde ma isinalanzi.”

*Yesu isarawanzi tamâta ñapa tu sipono muli papa*

*Malaka 1:16-20, Luka 5:1-11, Yoane 1:35-42*

<sup>17</sup> Lâ zo ñinde, Yesu imandi ñana iveta ne wurâta ñana itula ñgua kê. I uru itula ñgua mine tu, “Miki kapalele ilomi kalomi, ñana tu Maro Kindeni ne zo ñana ikai maro panzi tamâta kê nde imâ ipânga laiti lâ”.

<sup>18</sup> Zo tonje Yesu iyoka Galilaya Lââ bwalika pwali ilâ, aku mata ilâ imoranzi tai-tua rua, Saimon, i ña tonje Petero, kuku i tai Andaria rua. Kinzi rua simo sitambira viâña lâ lââ bwalika ilo, ñana tu rua uru sikai iña ñana nenzi mbaliña kê.

<sup>19</sup> Aku Yesu ipainzi rua tu, “Miki rua kamâ kaponu muli pa naña, aku ma apananami ñana kakainzi tamâta kê”. <sup>20</sup> Aku walele nâ kinzi rua sipile nenzi viâña ku soka i muli silâ.

<sup>21</sup> Aku Yesu iyoka ilâ, ñinennga imoranzi tamâta rua, tai-tua rua; Yamesi, i Sebedi natu, anğa i tai Yoane. Kinzi rua kala sisañona wânga kulu kuku tamanzi Sebedi, aku siveta nenzi viâña sondu. Aku Yesu isarawanzi rua, <sup>22</sup> aku walele nâ kinzi rua sipile tamanzi imo wânga kulu ku soka Yesu muli silâ.

*Yesu itula ñgua ku ivetanzi tamâta tininzi ara tava*

<sup>23</sup> Ñinennga Yesu iyoka ilâ ikura nia ndoni lâ Galilaya tâno. I uru ipanananzi tamâta lâ nenzi luma ñana pasauña kê ilo. Aku itula pâri ara ñana Maro Kindeni ne mâsi ñana ikai maro panzi tamâta kê tava, aku ivetanzi pukonja tamâta rârâni tininzi ara, kinzi ñinde muñga simo tava pukonja kie-kie. <sup>24</sup> Aku Yesu parina nde ilâ isala nia ndoni

papa Siria tâno kâ. Mine kala sikainzi tamâta rârâni n̄inde pukon̄a wa n̄ana kie-kie ikainzi lâ, ku simâ pa Yesu. Aku sikainzi tamâta n̄inde koroani saka sipakâe kunzi n̄inde tona, sitavanzi tamâta n̄inde uru patanzi wa tininzi ruru n̄alae wa tukanzi pââsââ wa; kinzi sikainzi tamâta n̄inde rârâni simâ pa Yesu. Aku Yesu ivetanzi tamâta n̄inde rârâni tininzi ara kilo. <sup>25</sup> Mine kala tamâta n̄gu n̄alae tina lâ Galilaya tâno, an̄ga lâ Lawea Saŋao, an̄ga lâ Jerusalem lawea, an̄ga lâ Judia tâno, an̄ga lâ Jodan Lââ tini pinde, kinzi n̄inde soka Yesu muli silâ.

## 5

*Yesu itula n̄gua lâ tuu ton̄ge kulu*

*Luka 6:20-49*

<sup>1</sup> Yesu nde imoranzi tamâta n̄gu n̄alae n̄inde simâ papa, n̄inen̄ga ilâ ikâki tuu ton̄ge kulu isan̄ona. Aku kinzi kalo-tawana tamâta nde simâ papa.

*Yesu itula n̄gua n̄ananzi tamâta ma sindeka kâ*

<sup>2</sup> N̄inen̄ga Yesu ipanananzi mine tu, <sup>3</sup> “Tamâta ea kinzi sipasama tu kinzi sikura n̄ana sipavila warakanzi tia, kala sino pa Maro Kindeni simbo nâ tu ma ivilanzi, ande kinzi n̄inde ma sindeka, n̄ana tu kinzi simo Maro Kindeni ne n̄gumbi ilo marumbu lâ.

<sup>4</sup> An̄ga tamâta ea kinzi sipamorai tu nenzi kiesaka rârâ ikeno tininzi, aku ilonzi malia n̄ana n̄inde kâ, kinzi n̄inde ma sindeka, n̄ana tu Maro Kindeni ma iveta ilonzi ara kilo.

<sup>5</sup> An̄ga tamâta ea kinzi uru sipatawa warakanzi tininzi, kinzi n̄inde ma sindeka, n̄ana tu muli Maro Kindeni ma tâno ndoni ilanzi.

<sup>6</sup> Anḡa tamâta ea kinzi ilonzi ndo tu sipâḡa ilonzi mbâra-mbâra lâ Maro Kindeni nao, kinzi ḡinde ma sindeka, ḡana tu Maro Kindeni ma ive-tanzi sipâḡa mbâra-mbâra mine nâ.

<sup>7</sup> Anḡa tamâta ea kinzi uru kalonzi sukâḡa ḡananzi tamâta kala sisukanzi, kinzi ḡinde ma sindeka, ḡana tu Maro Kindeni ma kalo sukâḡa ḡana kinzi warakanzi mine nâ.

<sup>8</sup> Anḡa tamâta ea kinzi ilonzi ndo tu sipono muli pa Maro Kindeni, aku ilonzi rua-rua tia, kinzi ḡinde ma sindeka, ḡana tu muli kinzi matanzi ma simora i nao.

<sup>9</sup> Anḡa tamâta ea kinzi uru silulu tininzi pinde nenzi wisi-nâna wa paraḡa wa, kinzi ḡinde ma sindeka, ḡana tu Maro Kindeni ma ikatonanzi sitogo i natu wukale mine.

<sup>10</sup> Anḡa tamâta ea kinzi sikai nâna ḡana sipaveta kuku Maro Kindeni ne pateâḡa, kinzi ḡinde ma sindeka, ḡana tu kelekele ḡinde Maro Kindeni uru ilanzi tamâta ikai maro panzi ḡinde, ande ma ilanzi kinzi tona.

<sup>11</sup> Kinzi tamâta pinde ma sisama tu miki uru kaponu muli pa naḡa, aku ḡana duvi ḡinde kâ ma siporo ḡgua sakamao pami wa siveta malia pami wa sisowe ḡgua laḡeḡa kie-kie lâ tinimi wa. Ambo mine, ande ara, miki ma kandeka. <sup>12</sup> Miki ma ilomi ara ḡana ḡinde kâ, aku kandeka pâta kanaḡo, ḡana tu Maro Kindeni io kulu ḡalae ikeno indamwami lâ samba ilo. Mao nâ, kinzi muḡa siveta malia mine nâ panzi ḡgua-tulâḡa tamâta simo muḡgâḡa ḡinde.”

*Kinzi kalo-tawana tamâta sitogo tâi wa sinâla wa*

*Malaka 4:21-23, Luka 8:16-18*

<sup>13</sup> “Miki nde katogo tâi panzi tamâta rârâni. Ambo tâi ne makisa marumbu, ande vetâña tonje ikeno ñana tamâta ma siveta ne makisa ipânga kilo, ande tia. Ambo tâi ne makisa tia, ande ipânga itogo kina mine, kala tamâta uru sitambira lâ tâno kulu, aku kenzi nâ sipale.

<sup>14</sup> Miki nde katogo sinâla panzi tamâta rârâni. Ambo lawea tonje ikeno tuu kulu, ande ikura tu ipavea tia. <sup>15</sup> Kinzi tamâta uru sisulu sinâla ñinenğa sio lâ kondo tonje kalo, ande tia. Kinzi uru sio sinâla kâki lâ peke kulu, ñana ma isinalanzi tamâta rârâni simo luma ñinde ilo. <sup>16</sup> Aku miki kala mine nâ, miki ma kao nemi sinâla yâti ñana isinalanzi tamâta rârâni. Ambo miki ma kaveta mine, ande kinzi ma simora vetâña arara kala kaveta ñinde, aku ma sipanea miki tamami Maro Kindeni, ina imo samba ilo.”

*Maro Kindeni ne ñgua tukuña*

<sup>17</sup> “Ambo miki ilomi patea tu naña amâ tâno kulu ñana azavaru Mose ne ñgua tukuña wa kinzi ñgua-tulâña tamâta nenzi ñgua wa, ande miki ma ilomi mine ndimo. Ñana tu naña amâ ñana aveta ñgua ñinde rârâni ipânga kanaño. <sup>18</sup> Naña aporo mao nâ pami; ñgua tukuña ne ñgerenğa kiri-mwata tonje ma zavaruña tia ndo lee samba wa tâno ne zo marumbu. Ñana tu vetâña rârâni ma ipânga muñga lâ ñga, ikura ñgua tukuña iporo tu ma ipânga mine. <sup>19</sup> Ambo tamâta tonje ipu muli pa ñgua tukuña kiri-mwata tonje, aku ipanananzi tamâta tu ma sipu mulinzi pa ñgua tukuña mine, ande tamâta

ņinde ma imo kaa nâ lâ ņgu Maro Kindeni ikai maro papa ņinde naonzi. Anġa tamâta ea iyoka ņgua tukuņa rârâni muli ku ipanananzi tamâta tu ma soka ņgua tukuņa muli mine, ande i ma imo tamâta ņalae lâ ņgu Maro Kindeni ikai maro papa ņinde naonzi. <sup>20</sup> Kinzi pananâņa tamâta ņana ņgua tukuņa kâ sitavanzi kinzi tamâta lâ Parisai ņgu, ande kinzi uru simakâsa ņana soka ņgua tukuņa muli. Andeta naņa apaimi tu ambo miki nemi vetâņa arara ņandai ipole kinzi nenzi vetâņa arara, ande miki ma kakura tu kamo Maro Kindeni ne ņgumbi ilo, ande tia ndo.”

*Yesu itula ņgua ņana wisi-nâna kâ*

<sup>21</sup> “Kinzi pananâņa tamâta ņana ņgua tukuņa kâ uru sipanananzi tamâta mine, ‘Kinda timbunda muņa sikai ņgua tukuņa ņine: “Noko ma kupu tamâta pâta imâte ndimo. Ambo tamâta tonġe ipu tamâta tonġe pâta imâte, ande kinzi ma sikai i ilâ imandi ņgua nia”.’ ņine miki kasama lâ. <sup>22</sup> Ambo taitu ņine naņa apaimi tu ambo tamâta tonġe wisi nâna pa ninambwe tonġe, ande Maro Kindeni ne parenja-nia ikeno papa i. Ambo tamâta tonġe iporo ņgua sakamao papa ninambwe tonġe, ande kinzi tamâta ņalaņala ma situ i sondo. Andeta kalonġo ņga; ambo tamâta tonġe ipai ninambwe tonġe tu, ‘Noko kapa!’, ande i ipânġa yââ ņalae ne mbââ tini laiti.

<sup>23</sup> Mine kala lâ zo ndia noko pwai ne patarawâņa kulâ pa patarawâņa nia, ambo noko kalo ņgere ņana muņa kuveta soki pa ninambwe tonġe kala i wisi nâna pano, <sup>24</sup> ande kuo ne patarawâņa ndue keno patarawâņa nia nao, aku kulâ kuveta



ngua sondo kuku ninambwe munga lâ nga. Kuveta sondo lâ, njenga kutaulo kilo, aku kuo ne patarawâna ilâ pa Maro Kindeni.

<sup>25</sup> Ambo tamâta tonje isowe ngua lâ noko tini, kala miki rua koka nzâla kalâ pa ngua nia, ande walele nâ noko ma kuveta ngua sondo kuku i. Tia ma tamâta njinde io noko lâ ngua-samâna tamâta mbau ilo, njenga i ma iono lâ sambara mbaunzi ilo, njenga kinzi ma siono lâ luma sakamao ilo.

<sup>26</sup> Naña aporo mao nâ; noko ma kumo luma sakamao ilo lee ikura lâ zo ndia noko ma kupare ne mbumbu kulu kinzi sipatea pano njinde marumbu lâ.”

*Yesu itula ngua nana pakâena yaulâna kâ*

*Matai 19:3-11, Malaka 10:2-12, 1 Korin 7:1-16*

<sup>27</sup> “Kinzi pananâna tamâta nana ngua tukuña kâ uru sipanananzi tamâta mine, ‘Ngua tukuña keno mine: “Noko ma kuveta sakamao kuku tamâta tonje kaiwa ndimo”.’ <sup>28</sup> Ambo taitu njine naña apaimi tu, ambo tamâta tonje mata ilea pa taine tonje ku ilo yosi nana, ande lâ i tamwata ilo tamâta njinde iveta sakamao kuku i marumbu lâ.

<sup>29</sup> Ambo noko mata ilajeno kala kuveta kiesaka, ande ara nana noko ma kupasiki mata njinde piti ku kutambira ilâ. Ambo noko mata taitu nâ, ande njine nde ara koña tia. Taitu kulonjo nga; ambo noko tini ndoni ku Maro Kindeni itambirano kulâ yââ nalae ne mbââ ilo, ande njinde nde ara tia ndo.

<sup>30</sup> Ambo noko mbau tonje ilajeno kala kuveta kiesaka, ande ara nana noko ma kutoto mbau njinde piti ku kutambira ilâ. Ambo noko mbau taitu nâ, ande njine nde ara koña tia. Taitu kulonjo nga; ambo

noko tini ndoni kulâ yââ ñalae ne mbââ ilo, ande ñinde nde ara tia ndo.”

*Yesu itula ñgua ñana pakâeña totoña kâ*

<sup>31</sup> “Kinzi pananâña tamâta ñana ñgua tukuña kâ uru sipananami tu, ‘Ambo tamâta tonje itu ipile kaiwa taine, ande i ma ñgere ñgua lâ pepa tonje tini ku ilua kaiwa taine, ñana itoto pakâeña kâ’. <sup>32</sup> Ambo taitu ñine naña apaimi tu ambo tamâne tonje ipile kaiwa taine, andeta taine ñinde muña iveta sakamao kuku tamâta tonje tia, ande tamâne ñinde iveta kaiwa taine ñinde ipânga togo taine ñana itambira tini potomule kâ. Ambo muli tamâta tonje ikai taine ñinde, ande kaiwa tamâne wasaseki ñinde iveta sakamao kuku tamâta tonje kaiwa.”

*Yesu itula ñgua ñana ñgua pâña kâ*

<sup>33</sup> “Kinzi pananâña tamâta ñana ñgua tukuña kâ uru sipanananzi tamâta mine, ‘Kinda timbunda muña sikai ñgua tukuña mine: “Ambo noko kupa ñgua kuku Maro Kindeni ñana ma kuveta vetâña tonje, ande noko ma muli kumbware ñgua pâña ñinde ndimo”.’ Ñine miki kasama lâ. <sup>34</sup> Ambo taitu ñine naña apaimi tu ambo noko kuveta ñgua pâña tonje, ande noko ma kusarâwa pa sâ tonje tu iveta ñgua ñinde kaika ndimo. Noko ma kusarâwa pa samba ndimo, ñana tu samba nde Maro Kindeni ne sañonâña nia. <sup>35</sup> Aku noko ma kusarâwa pa tâno ndimo, ñana tu tâno nde Maro Kindeni ne nia ñana io kie lâ kulu kâ. Aku noko ma kusarâwa pa Jerusalem lawea ndimo, ñana tu Jerusalem nde Koïpu Ñalae Maro Kindeni ne lawea. <sup>36</sup> Aku noko ma kusarâwa pa tamwata kulu kâmba tu iveta ñgua

tonje kaika ndimo, nana tu noko pwura nana kuveta kulu pwau ninde ipânga pâne tâku mâmânga, ande tia. <sup>37</sup> Ambo noko ilo tu kuveta ngua pânga tonje, ande noko ma kuporo tu, ‘Nanja ma aveta mine’, tâku, ‘Nanja ma aveta mine tia’. Ninde ikura lâ. Ngua ndia noko kusenje ilâ tava ne ngua pânga, ande ngua ninde iyoka pa koroani saka nenzi koipu nâ kawa imâ, ina sakamao tamwata.”

*Yesu itula ngua nana vetânga soki parenga kâ*

<sup>38</sup> “Kinzi pananânga tamâta nana ngua tukuja kâ uru sipanananzi tamâta tu, ‘Ngua tukuja keno mine: “Ambo tamâta tonje iyaula noko mata, ande ara, noko kala kuyaula i mata. Ambo tamâta tonje imbware noko niŋo, ande ara, noko kala kumbware i niŋo”.’ <sup>39</sup> Ambo taitu nina nana apaimi tu noko ma kupare nia pa tamâta iveta soki pano ninde ndimo. Ambo tamâta tonje iponza noko gawula pinde, ande ara, kupulia gawula pinde kala ilâ papa tu iponza tona. <sup>40</sup> Ambo tamâta tonje ikaino ilâ pa ngua nia tu ikai noko ne pasawaŋa saŋeno, ande ara, noko ne pasawaŋa kulua, aku ne pasawaŋa luandondo kulua tava. <sup>41</sup> Ambo Rom nenzi zugu tamâta tonje ikaika pano tu pwale i ne kelekele ku pwoka kuku ikura nia mbuku taitu, ande ara, pwoka kuku ikura nia mbuku rua. <sup>42</sup> Ambo tamâta tonje ino pano tu kelekele kulua, ande ara, ninde kulua. Ambo tamâta tonje itu ikai kelekele tonje saŋeno, aku ipaino tu muli i ma itu nana, ande ara, noko ma kupu muli papa i ndimo.”

*Yesu itula ŋgua ŋana tininda mwasa panzi kazâŋa tamâta*

*Luka 6:27-36*

<sup>43</sup> “Kinzi pananâŋa tamâta ŋana ŋgua tukuŋa kâ uru sipanananzi tamâta tu, ‘Ŋgua tukuŋa keno mine: “Noko ma tini mwasa panzi noko ne ŋgu, aku wisi nâna panzi ne kazâŋa tamâta”.’  
<sup>44</sup> Ambo taitu ŋine naŋa apaimi tu noko ma tini mwasa panzi ne kazâŋa tamâta, aku kuno pa Maro Kindeni tu ma ivilanzi tamâta ea siveta mâsi sakamao pano ŋinde. <sup>45</sup> Ambo noko ma kuveta mine, ande ŋinde ma itula pwataki tu noko nde Tamami Maro Kindeni imo samba ilo ŋinde natu. Ŋana tu i uru iveta ne kari ikâki imâ âta ŋana isinalanzi kinzi tamâta saka wa ara wa. Aku i uru iveta karâzi indue imâ panzi tamâta uru soka i ne ŋgua tukuŋa muli wa kinzi tamâta uru sipu mulinzi pa i ne ŋgua tukuŋa tona. <sup>46</sup> Ambo noko ma tini mwasa panzi tamâta uru tininzi mwasa pa noko, andeta noko ŋandai tini mwasa panzi tamâta pinde, ande Maro Kindeni ma kulu ara ndia ilano, a? Opopo, kinzi mbumbu-kaiŋa tamâta sakamao kala uru siveta mine wa! <sup>47</sup> Aku mine nâ, ambo noko uru kuporo ‘Kari ara’ panzi ninambwe nâ, ande noko ne vetâŋa ara imo ndia, a? Opopo, kinzi tinikoa tamâta uru siveta mine wa! <sup>48</sup> Noko ma kuveta kie ara nâ panzi ninambwe wa ne kazâŋa tamâta wa, itogo noko tama Maro Kindeni imo samba ilo uru iveta mine.”

## 6

*Yesu itula ŋgua ŋana pavilâŋa kâ*

<sup>1</sup> Njinenḡa Yesu iporo ḡgua panzi kilo mine tu, “Noko kupakatona sonḡo ḡgua. Noko ma kuveta ne vetâḡa ara lâ tamâta naonzi, ḡjana ma simora wa sisuka noko ḡja kâki wa, mine ndimo. Ambo noko kuveta mine, ande noko tama Maro Kindeni imo samba ilo ma kulu tonḡe ilano, ande tia.

<sup>2</sup> Ambo noko kutu kelekele tonḡe kulanzi sugorai tamwatanzi, ande noko ma kuveta ikura tamâta pinde uru siveta, mine ndimo. Kinzi kawanzi siporo ḡgua kie tonḡe, aḡga ilonzi nde keno piti. Kinzi uru sisupwa tamâta tonḡe imbana tando imunḡa panzi. Siveta mine lâ luma ḡjana pasauḡa kâ ilo wa lâ nzâla wa. Kinzi situ tamâta ma sisuka warakanzi ḡjanzi kâki ḡjana nenzi vetâḡa kâ. Naḡa aporo mao nâ pami; kinzi ḡjinde ma sikai kulu tonḡe lâ Maro Kindeni mbau, ande tia ndo, ḡjana tu kinzi ḡngu nenzi paneâḡa ḡjinde nâ ma ipânḡa itogo nenzi kulu mwasina. <sup>3</sup> Aḡga noko, ambo noko kutu kuvilanzi sugorai tamwatanzi, ande ara ḡjana noko mbau ḡâsi kâ ma izizâla ḡjana vetâḡa ndia noko mbau wia kâ iveta. <sup>4</sup> Mine nde noko ne vetâḡa ara ma imo paveâḡa nâ. Noko tama Maro Kindeni isama ḡjana vetâḡa paveâḡa kâ, ande kala i ma kulu ilano.”

*Yesu itula ḡgua ḡjana nonḡa kâ*

*Luka 11:1-4*

<sup>5</sup> “Aku lâ zo ndia miki kakai nonḡa, ande miki ma kaveta itogo tamâta pinde uru siveta, mine ndimo. Kinzi kawanzi siporo ḡgua kie tonḡe, aḡga ilonzi nde keno piti. Kinzi ilonzi ndo tu simandi sikai nonḡa lâ luma ḡjana pasauḡa kâ ilo wa lâ nzâla pasinâni wa, ḡjana ma tamâta simoranzi kâ. Naḡa aporo mao nâ pami; kinzi ma sikai kulu tonḡe lâ

Maro Kindeni mbau, ande tia ndo, nana tu kinzi nngu nenzi paneâna ninde nâ ma ipânga itogo nenzi kulu mwasina. <sup>6</sup> Annga noko, ambo noko kutu pwai noña, ande ara nana ma kulâ ne luma kisiña pwataki tonge ilo ku kusae nzâla, ninennga simbo nâ pwai noña pa tama Maro Kindeni. I uru imo nia paveâna, aku imora vetâna ndia ikeno paveâna. Ambo noko ma kuveta mine, ande i ma kulu ilano.

<sup>7</sup> Aku lâ zo ndia noko pwai noña, ande noko ma kuveta ngua kapa-kapa luandondo itogo kinzi tinikoa uru siveta, mine ndimo. Kinzi ilonzi tu mambo siveta ngua luandondo, ande nenzi maro ma sipalongo pa nenzi ngua tâ. <sup>8</sup> Annga noko ma pwai noña ikura nenzi mâsi ninde ndimo. Nana tu lâ zo ndia noko kuno pa Tama Maro Kindeni tia yo, ande isama lâ nana kelekele ndia rârâni ikeno pano tia ninde.

<sup>9</sup> Mine nde miki ma kakai noña mine; ‘Maka tamama uru kumo samba ilo, noko na imo sapâna. <sup>10</sup> Kumo pwai maro ikura nia nia. Noko ne anjelo simo samba ilo nde uru soka noko ne ngua muli; maka iloma tu tamâta rârâni simo tâno kulu ma siveta mine nâ. <sup>11</sup> Kama kaniña kulama nîne kari. <sup>12</sup> Maka nema kiesaka ikeno tinima, andeta kano pano tu kuzavaru ninde piti, nana tu maka munnga kaveta mine nâ panzi tinima pinde. <sup>13</sup> Pwai samâna kaika tonge imâ pa maka ndimo; pwaima piti lâ koroani saka nenzi koipu mbau ilo. [Noko maro; noko tini walo; noko zuzuli tamwata; noko

kumo mine ku kumo nâ. Mao.]’ ” \*

<sup>14</sup> Yesu iporo ngua njine lâ, njineŋga ipainzi tu, “Miki kalonjo nŋa; ambo tamâta tonje iveta mâsi sakamao pano, andeta noko kuzavaru ne soki njinde piti lâ i tini, ande noko tama Maro Kindeni imo samba ilo kala ma izavaru noko ne kiesaka piti lâ noko tini mine nâ. <sup>15</sup> Taitu kulonjo nŋa; ambo noko kuzavaru soki njinde piti lâ tamâta njinde tini tia, ande noko tama Maro Kindeni ma izavaru noko ne kiesaka piti lâ noko tini, ande tia.”

*Yesu itula ngua njana tunja kaika njana kâpwa kâ*

<sup>16</sup> “Lâ zo ndia miki katu kaika njana kâpwa kâ, njana ma kakai noŋa kâ, ande miki ma kaveta naomi matami sakamao itogo tamâta pinde uru siveta, mine ndimo. Kinzi kawanzi siporo ngua kie tonje, aŋga ilonzi nde keno piti. Kinzi uru siveta naonzi matanzi sakamao, njana kinzi tamâta ma sisama tu kinzi situ kaika njana kâpwa kâ. Naŋa aporo mao nâ pami, kinzi ma sikai kulu tonje lâ Maro Kindeni mbau, ande tia ndo, njana tu kinzi ngu nenzi paneâŋa njinde nâ ma ipâŋga itogo nenzi kulu mwasina. <sup>17</sup> Aŋga noko, ambo noko kutu kaika njana kâpwa kâ, ande noko ma kuveta kulu pwau sondo wa kupua nao wa. <sup>18</sup> Ambo noko ma kuveta mine, ande kinzi tamâta ma sizizâla njana noko ne vetâŋa njana kutu kaika njana kâpwa kâ. Aŋga noko tama Maro Kindeni imo paveâŋa njinde, ande i simbo nâ ma isama. I uru imora vetâŋa ndia ikeno paveâŋa, ande kala i ma kulu ilano.”

---

\* **6:13:** Nia ndoyo, ngua njine kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipâŋga lâ muli nde isenŋe ngua njine ilâ kuku ngua ikeno munga.

*Yesu itula ngua nana mbaliŋa gonâŋa kâ*

19 “Miki ma kagona mbaliŋa arara lâ tâno ŋine kulu ndimo. Lâ tâno ŋine, ande nzirika wa take kana uru iyaula kelekele, aku kinzi panawe tamwatanzi uru sipu ngumbi pwapwataki ku sipanâwe. 20 Anŋa miki, ambo miki ma kaveta ikura nanenŋu ngua mine, ande Maro Kindeni ma iveta vetâŋa ara ndo pami lâ samba ilo. Lâ samba ilo, ande nzirika wa take kana ikura tu iyaula kelekele, ande tia; aku kinzi panawe tamwatanzi sikura tu sipu ngumbi pwapwataki ku sipanâwe, ande tia. 21 Lâ nia ndia miki nemi mbaliŋa arara ikeno, ande miki ma ilomi keno ndo pa nia ŋinde nâ.”

*Kinda matânda nde itogo sinâla pa kinda*

22 “Kinda matânda nde itogo sinâla pa kinda. Ambo noko mata ara, ande sinâla ma ipane noko ilo ndoni. 23 Ambo noko mata ŋaŋa, ande noko ilo ndoni ma imo ŋaŋa ndo. Mao nâ, ambo sinâla ikeno noko ilo ŋinde nde ipâŋga itogo kondoma mine, ande kondoma ŋinde ma ŋaŋa ndo.”

*Tamâta tonŋe ikura tu ikai wurâta panzi koipu rua, ande tia*

24 “Tamâta tonŋe ikura tu ikai wurâta panzi koipu rua ande tia, nana tu i ma wisi nâna pa tonŋe, anŋa ma tini mwasa pa tonŋe. Aku i ma ipono muli pa koipu tonŋe, anŋa ma ipu muli pa tonŋe. Miki kakura tu kao ilomi ilâ pa Maro Kindeni, aku kao ilomi ilâ pa mbaliŋa tona, ande tia.”

*Yesu itula ngua nana kalonda loko wa ilonda panŋerenŋa wa*



25 “Mine nde naŋa apaimi tu miki ma ilomi paŋgereŋa ŋana nemi via ku kaporo tu ‘Maka ma kaka kâpwa ndia wa kanu lââ ndia’, mine ndimo. Aku miki ma ilomi paŋgereŋa ŋana tinimi kala kaporo tu, ‘Maka ma kasawa pasawaŋa ndia’, mine ndimo. Ŋana tu nemi via ŋinde nde kelekele ŋalae tina kala ipole kâpwa, aŋga warakami tinimi kala ipole pasawaŋa mine nâ. <sup>26</sup> Ayo, miki kalomi ŋgere sondô ŋananzi sii kâ. Kinzi sii uru sipau kaniŋa vâsa, ande tia, aku uru sigona kâpwa kanaŋo sio lâ luma ŋana kâpwa kâ ilo, ande tia. Taitu miki tamami Maro Kindeni, ina imo samba ilo, ande uru kâpwa ilanzi sii ikura zo zo. Andeta Maro Kindeni ne romboŋa pa miki tamâta nde ŋalae tina, ipole i ne romboŋa panzi sii. <sup>27</sup> Aŋga noko ea pwura tu kuseŋge zo kiri-mwata tonŋe pa zo ŋine kumo via lâ tâno kulu, a? Tia ndo kanaŋo.

28 Aku mana mana ŋga miki ilomi ŋalae ŋana pasawaŋa kâ, a? Kalomi ŋgere sondô ŋana mâle uru sipâŋga tâno ilo. Mâle ŋinde nde sipâŋga ku sio matanzi mâsi mana, a? Mâle uru siveta wurâta ŋana sisuta warakanzi nenzi pasawaŋa kâ, ande tia ndo. <sup>29</sup> Ambo taitu naŋa apaimi tu mâle ne siŋgâra nde ara ndo, ipole Koipu Ŋalae Solomon ne siŋgâra arara rârâni. <sup>30</sup> Unza ŋinde ipâŋga tâno ilo lâ ŋine kari, andeta wurita kinzi tamâta ma silamo ku sirumbia lâ yââ ilo kana. Opopo, Maro Kindeni io siŋgâra ara ndo lâ unza kaa kaa ŋinde tini; mine nde i ma ikatona miki ŋana pasawaŋa tona. Miki nemi kalo-tawana nde mota mwata nâ!  
<sup>31</sup> Mine kala naŋa apaimi kilo tu miki ma ilomi rârâ ku kaporo tu, ‘Maka ma kaka kâpwa ndia, wa kanu lââ ndia, wa kasawa pasawaŋa ndia’, mine

ndimo. <sup>32</sup> Kinzi tinikoa tamâta uru kalonzi loko ŋana kelekele ŋinde kâ, kala simo siroto ŋana. Andeta miki tamami Maro Kindeni, ina imo samba ilo, ande isama tu miki kandolo ŋana kelekele kie-kie ŋinde rârâni. <sup>33</sup> Mine nde miki ma kao ilomi ndo ilâ pa Maro Kindeni tu ikai maro pami, aku kapaveta kuku vetâŋa arara ndia itula pami ŋinde. Ambo miki ma kaveta mine, ande Maro Kindeni ma kelekele ndia ikeno pami tia ŋinde ilami tona. <sup>34</sup> Mine kala miki ma kalomi loko ŋana wurita kâ ndimo. Miki ma kakale wurita ne malia tava kari ŋine ne malia ndimo, ŋana tu malia pinde kie-kie ma ipâŋga ikura zo zo.”

## 7

*Yesu itula ŋgua ŋana talea pa tininda pinde nenzi vetâŋa*

*Luka 6:37-42*

<sup>1</sup> “Noko ma kulea pa tamâta tonje ne vetâŋa ndimo. Tia ma Maro Kindeni ilea kaika pa noko tamwata ne vetâŋa mine nâ. <sup>2</sup> Mao nâ, Maro Kindeni ma ilea pa noko ne vetâŋa lâ mâsi kie taituni itogo noko kala kuveta panzi tini pinde mine. <sup>3</sup> Mana mana ŋga noko kalo ŋgere ŋana kâi nzilenja mwata ikeno noko ninambwe mata ilo, anga kuzizâla ŋana kâi mbuku ikeno noko tamwata mata ilo, a? <sup>4</sup> Ŋana sâ kâ ŋga noko uru kupai ninambwe tu, ‘Naŋa atu akai kâi nzilenja mwata ŋinde piti lâ noko mata ilo’, andeta kâi mbuku ikeno noko tamwata mata ilo, a? <sup>5</sup> Noko kawa kuporo ŋgua kie tonje, anga ilo nde keno piti! Pwai kâi mbuku ikeno noko tamwata mata ilo ŋinde

piti munḡa lâ, nḡnḡḡa noko ma pwura tu pwai kâi nzileḡa mwata piti lâ ninambwe mata ilo.”

<sup>6</sup> Yesu iporo ḡgua ḡine lâ, nḡnḡḡa isia ḡgua mine tu, “Kelekele sapâḡa, ande miki ma kalanzi mbwâmbwa ndimo. Tia ma sipupulia ku sikami warakami. Anḡa miki ma katambira nemi mbote-mbote arara ilâ panzi ḡgoa ndimo. Tia ma sipale lâ kenzi.”

*Yesu itula ḡgua pinde kilo ḡana noḡa kâ*

<sup>7</sup> “Ambo miki kano pa Maro Kindeni, ande i ma ipaloḡo pa nemi noḡa. Ambo karoto ḡana i ne vetâḡa ara, ande ma kasânda kulu. Ambo kapitikina i ne nzâla, ande i ma ikai nzâla piti pami. <sup>8</sup> ḡana tu tamâta ea ino pa Maro Kindeni, ande i ma ipaloḡo pa ne noḡa; tamâta ea iroto ḡana i kâ, ande ma isânda kulu; anḡa tamâta ea ipitikina nzâla, ande Maro Kindeni ma ikai nzâla piti papa.

<sup>9</sup> Ambo noko natu tonḡe ino pano tu kâpwa kulua, ande noko ma mira tonḡe kulua, tiya? Tia ndo! <sup>10</sup> Ambo ino pano tu iḡa kulua, ande noko ma mwâta saka kulua, tiya? Tia ndo! <sup>11</sup> Opopo, miki nde kiesaka tamwatami, ambo taitu miki uru kelekele ara nâ kalanzi natumi. Mine nde kalomi ḡgere sondo ḡga; miki tamami Maro Kindeni imo samba ilo, aku indeka ḡana kelekele ara ndo ilanzi tamâta ea sino papa i.

<sup>12</sup> Mose ne ḡgua tukuḡa tava kinzi ḡgua-tulâḡa tamâta munḡâḡa nenzi ḡgua rârâni nde ipâḡa kanaḡo lâ ḡgua ḡine tini: ‘Vetâḡa ndia miki ilomi tu kinzi tamâta ma siveta pa miki, ande miki ma kaveta vetâḡani ndaina pa kinzi.’ ”

*Yesu itambira ḡgua ḡana nzâla rua kâ*

13-14 “Nzâla tonje ilâ pa zavarunja nia, aku nzâla njinde nde njalae tina. Mine nde kinzi tamâta ngu njalae njinde nde uru soka nzâla njinde. Anja nzâla tonje ilâ pa via nia, aku nzâla njinde nde mota mwata nâ. Mine nde kinzi tamâta ngu kiri-mwata nâ sikura tu sisânda nzâla njinde kulu. Ayo, miki ma koka nzâla mota kala ilâ pa via nia njinde nâ kalâ.”

*Yesu itula ngua njanazi ngua-tulânga tamâta lanjeja kâ*

*Luka 6:43-45*

15 “Miki kapakatona sondo njanazi ngua-tulânga tamâta lanjeja kâ. Kinzi uru sitogonzi ‘lama’ kala naonzi mwasa nâ simâ pami. Ambo taitu kinzi kilalanzi mao nde mine: kinzi sitogonzi mbwâmbwa saka. 16 Ambo miki ma kalomi ngere sondo njana tamâta njinde nenzi vetânga kâ, ande ma kakura tu kasama ilonzi pwataki. Nana tu kâi wâka-wâka uru ipula kâi waini kanaŋo, ande tia, anja wâlo mata-mata uru ipula mbimu kanaŋo, ande tia ndo. 17 Aku mine nâ, kâi ara rârâni nde uru sipula kanaŋonzi ara nâ, anja kâi sakamao nde uru sipula kanaŋonzi sakamao nâ. 18 Kâi ara ikura tu ipula kanaŋo sakamao ande tia, anja kâi sakamao ikura tu ipula kanaŋo ara, ande tia. 19 Kâi ndia uru ipula kanaŋo ara tia, njinde ma kinzi sitoto ku sitambira lâ yââ ilo ikana lâ. 20 Kinzi ngua-tulânga tamâta nde sitogo kâi. Mine kala, ambo miki ma kalomi ngere sondo njana nenzi vetânga kâ, ande miki ma kakura tu kasama ilonzi pwataki.

21 Kinzi tamâta rârâ sisarâwa pa naŋa tu, ‘Maro, Maro’. Taitu lâ zo muli, kinzi pinde ma simo Maro Kindeni ne ngumbi ilo, ande tia. Anja tamâta

ea kinzi uru siveta ikura naŋa Mama imo samba ilo ne pateŋa mine, kinzi ŋinde nâ ma simo i ne ŋgumbi ilo. <sup>22</sup> Mao nâ, muli, lâ zo ŋinde naŋa ma amâ ŋana apare nia panzi tamâta rârâni, ande kinzi tamâta rârâ ma sisarâwa pa naŋa tu, ‘Maro, Maro, maka muŋga kakai noko ndamwa ku katula ŋgua wa kasokinzi koroani saka piti tamâta ilonzi wa kaveta mâsi ŋalaŋala rârâ wa!’ <sup>23</sup> Andeta naŋa ma aporo ŋgua ipânga nia yo pa kinzi ŋinde mine tu, ‘Naŋa asama miki tia ndo. Miki nde sakamao tamwatami! Kakâwa kalâ!’ ”

*Yesu isia ŋgua ŋana luma pâŋa kâ*

*Luka 6:47-49*

<sup>24</sup> “Mine nde tamâta ea ilonŋo nanenŋu ŋgua ŋine, aku taŋa mwasa nâ iyoka muli, ande i itogo ilokalo tamâta tonŋe ipa ne luma kâki imandi tâno kaika kulu. <sup>25</sup> Karâzi imbe ŋalae, aku sakuru pondi kâki, kala lawea iyoka kaika ndo itinŋi luma ŋinde yâti taulo. Andeta luma ŋinde saputi ndue nde tia, ŋana tu ne ŋgunu-ŋgunu keno tâno kaika ilo. <sup>26</sup> Anŋa tamâta ea ilonŋo nanenŋu ŋgua ŋine, andeta taŋa kaika ku tini pwâka tu iyoka muli, ande i itogo tamâta kapa tonŋe ipa ne luma kâki imandi tâno mbariri kulu. <sup>27</sup> Karâzi imbe ŋalae, aku sakuru pondi kâki, kala lawea iyoka kaika ndo itinŋi luma ŋinde ilâ wa imâ wa. Ande kala luma ŋinde saputi ndue, ku ipayaula ndo lâ.”

<sup>28</sup> Yesu iporo ŋgua rârâni ŋine panzi marumbu lâ, ande kinzi tamâta rârâni wisinzi motutu ŋana i ne mâsi ŋana ipanananzi kâ. <sup>29</sup> ŋana tu i ŋandai ipanananzi itogo nenzi pananâŋa tamâta ŋana ŋgua tukuŋa kâ uru sipanananzi mine; ipanananzi

itogo i tamwata ikai Maro Kindeni ndamwa kala iporo.

## 8

*Yesu iveta tamâta tonje tini saga-saga ipânnga mbâra-mbâra kilo*

*Malaka 1:40-45, Luka 5:12-14*

<sup>1</sup> Yesu iyoka tuu ninde kulu indue imâ, aku tamâta rârâ soka kuku silâ. <sup>2</sup> Indue lâ, ninennga tamâta tonje, i tini saga-saga, nde imâ pa Yesu ipare tuku ku ipai tu, “Maro Nalae, ambo noko ilo tu kuveta mine, ande noko pwura tu kuveta naŋa tiningu ipânnga mbâra-mbâra”. <sup>3</sup> Aku Yesu isunja mbalau ilâ itaŋo tamâta ninde tini ku ipai tu, “Naŋa ilonju tu aveta mine; kala nîne nâ noko kupânnga mbâra-mbâra!” Aku ndainani nâ pukonja saga-saga ninde marumbu lâ tini, aku tamâta ninde ipânnga tini mbâra-mbâra lâ. <sup>4</sup> Ninennga Yesu ipai mine tu, “Kulonjo sondo nja; noko ma kutapâri pa tamâta tonje nana vetâŋa kala ipânnga pano nîne ndimo. Kulâ kupatula tini pa patarawâŋa tamâta, aku kuveta patarawâŋa nana tini mbâra-mbâra kâ, ikura Mose ne ngua tukuŋa itula mine. Ambo noko ma kuveta mine, ande kinzi tamâta ma sisama tu noko ne pukonja nde marumbu lâ.”

*Yesu iveta zugu tamâta nenzi koipu tonje ne wurâta tamâta tonje tini ara*

*Luka 7:1-10*

<sup>5</sup> Yesu iyoka ilâ lee ipânnga Kaperneam lawea. Ninennga Rom zugu tamâta nenzi koipu tonje nde imâ papa ku ino tu, <sup>6</sup> “Tamâta Nalae, nanenju wurâta tamâta tonje ikai pukonja, kala ikeno luma.

Pukonja njinde iveta i tini râki-râki ku tuka pââsââ lâ, aku ikai nâna njalae tina.” <sup>7</sup> Njineŋga Yesu iporo njua taulo papa tu, “Ara, naŋa ma alâ aveta i tini ara kilo.” <sup>8</sup> Andeta koipu njinde ipai tu, “Tamâta Njalae, mine tia. Naŋa nde tamâta kaa nâ; mine nde mana mana njga noko kutu kumâ nanenju luma ilo, a? Ambo noko ma kuporo lâ kawa nâ, ande nanenju tamâta njinde ma tini ara kilo. <sup>9</sup> Nana tu naŋa kala mine nâ uru aveta wurâta panzi tamâta njalanjala pinde. Aku naŋa warakânju akai poe panzi zugu tamâta njgu tonje. Ambo naŋa apai tonje tu, ‘Kulâ!’, ande ma ilâ. Ambo naŋa apai tonje tu, ‘Kumâ!’, ande ma imâ. Ambo naŋa aporo pa nanenju wurâta tamâta tonje tu, ‘Kuveta wurâta njine!’, ande i ma iveta.” <sup>10</sup> Yesu ilonjo Rom koipu ne njua njinde, aku i wisi motu. Aku ipainzi tamâta soka kuku i njinde mine tu, “Opopo, tamâta njai nde tinikoa ma, andeta naŋa aporo mao nâ pami tu naŋa munja amora tamâta tonje lâ Isrel njgu ne kalo-tawana irerege kuku tamâta njine ne kalo-tawana, ande tia.

<sup>11</sup> Mine nde naŋa apaimi tu kinzi kalo-tawana tamâta râra ma soka pa tâno ndoni simâ, aku ma sisaŋona sika kunzi timbunda Abraham, Isaka, njga Yakopu, lâ zo njinde Maro Kindeni ma ikai maro panzi tamâta lâ tâno kulu. <sup>12</sup> Anja kinzi Juda tamâta njinde munja Maro Kindeni isarawanzi tu simo i ne njgu, ande i ma injaranzi silâ pa nia kondoma. Aku lâ nia njinde kinzi ma sita njalae ku niŋonzi giri-giri njana sikai nâna kâ.”

<sup>13</sup> Yesu iporo njua njinde lâ, njineŋga ipai koipu njinde mine tu, “Ayo, njine nâ noko kutaulo kulâ,

aku vetâña ñinde ma ipânnga pano, ikura noko ne kalo-tawana mine”. Aku lâ kari tai ndainani nâ, koipu ñinde ne wurâta tamâta ñinde tini ipânnga ara kilo.

*Yesu iveta Petero ana taine tini ara kilo  
Malaka 1:29-34, Luka 4:38-41*

<sup>14</sup> Ñineŋga Yesu iyoka ilâ Petero ne luma ilo, aku mata ilâ imora Petero ana taine ipoko ikeno ne kenonja nia, ikai pukonja ndamwa nâna. <sup>15</sup> Yesu ilâ ikai taine ñinde mbau, aku ndainani nâ pukonja ipile i ilâ lâ. Ñineŋga taine imandi ku isu kâpwa pa Yesu.

*Yesu ivetanzi tamâta rârâ tininzi mbalaunzi ara*

<sup>16</sup> Kari indue lala lâ, ñineŋga kinzi tamâta lâ lawea ñinde sikainzi tamâta rârâ ñinde koroani saka sipakâe kunzi, aku simâ pa Yesu. Aku Yesu itu kaika panzi koroani saka ku injaranzi, kala sipilenzi tamâta ñinde sikâwa silâ. Aku Yesu ivetanzi pukonja tamâta rârâni tininzi ara kilo tona. <sup>17</sup> Yesu ne vetâña ñinde nde iyoke Maro Kindeni kawa ñgua tonje muŋga io lâ ñgua-tulâña tamâta Aisaia kawa. Aisaia iporo ñgua mine tu, “I tamwata izavaru nenda pukonja kie-kie piti lâ tininda.”

*Yesu itula ñgua ñana nenda mâsi ñana taponon muli pa i*

*Luka 9:57-62*

<sup>18</sup> Yesu mata ilâ imora tamâta ñgu ñjalae tina simandi sinje i lâ, kala ipainzi ne pâri-tamâta mine tu, “Kinda ma tambwalîu talâ pa lââ bwalika tini pinde”. <sup>19</sup> Ñineŋga pananâña tamâta ñana ñgua tukunja kâ tonje nde imâ pa Yesu ku ipai tu, “Pananâña, lawea ndia noko kutu kulâ papa, ande



naŋa kala ma ayoka noko muli alâ”. <sup>20</sup> Andeta Yesu iporo taulo tu, “Kinzi mbwâmbwa ŋgoi nenzi ŋgânza nde keno dugu ilo, aŋga kinzi sii nde palanzi keno tona. Aŋga naŋa Tamâta Natu nde niâŋgu tonje ŋana akeno apwarea kâ, nde tia.”

<sup>21</sup> Yesu iporo ŋgua ŋine lâ, ŋinenŋa kalo-tawana tamâta tonje ipai Yesu tu, “Maro Njalae, mwanŋa ŋga. Naŋa ma alâ akea naŋa mama muŋga lâ ŋga.”

<sup>22</sup> Andeta Yesu ipai tu, “Kalo loko. Kinzi mateŋa tamâta ma sipakea warakanzi nawalanzi. Aŋga noko kumâ, kupoŋo muli pa naŋa.”

*Yesu iporo itu kaika pa kâla-lawea, kala pâti kii lâ  
Malaka 4:36-41, Luka 8:22-25*

<sup>23</sup> Ninenŋa Yesu ikâki wâŋga tonje kulu kunzi ne pâri-tamâta, aku simbwaliu silâ. <sup>24</sup> Kinzi silâ lee sipânŋa lââ bwalika ŋgini, ŋinenŋa walele nâ lawea iyoka more-more ŋalae aku ne kâla kâki ilinji lâ wâŋga ilo. Aŋga Yesu nde ikeno utu lâ. <sup>25</sup> Tia ku kinzi pâri-tamâta silâ sipaŋo Yesu ku sipai tu, “Maro Njalae, kuvilama tâ! Tia ma tambwatuke ku ma naonda tia lâ!” <sup>26</sup> Ninenŋa Yesu ipainzi tu, “Miki nemi kalo-tawana nde kiri-mwata nâ! Nana sâ kâ ŋga miki karuru pâta, a?” Yesu iporo ŋgua ŋine lâ, ŋinenŋa imandi ku itu ŋgua kaika pa lawea wa kâla wa. Aku walele nâ lawea imâte lâ, aku lââ pâti kii lâ. <sup>27</sup> Kinzi pâri-tamâta simora ŋine ku ilonzi rââ, aku sipakasonŋa warakanzi tu, “Opopo, tamâta ŋine nde tamâta mana kala iporo kaika pa kâla-lawea, aku kinzi kala sipaloŋo pa i kawa ŋgua!”

*Yesu isokinzi koroani saka piti lâ tamâta rua  
ilonzi*

*Malaka 5:1-21, Luka 8:26-40*

<sup>28</sup> Yesu ilâ itoa lâ Galilaya Lââ bwalika tini pinde, lâ kinzi Gadara nenzi tâno. Njineŋga tamâta rua simâ sipakâtu kuku Yesu. Koroani saka uru simo kinzi tamâta rua njinde ilonzi, ande kala rua uru simo potomule lâ ngânza ilo lâ kuru nia. Kinzi rua nde sipuli ngoi ndo; mine kala kinzi tamâta sikura tu soka nzâla njinde silâ, ande tia. <sup>29</sup> Njineŋga walele nâ kinzi rua sisarâwa kaika mine tu, “Maro Kindeni Natu, noko kutu kuveta mana pa maka. Maro Kindeni ne zo nana ipare nia panzi ne kazâŋa tamâta nde ipâŋga tia yo, andeta noko kumâ nana nâna kulua maka, a?” <sup>30</sup> Ande ngoa ŋgu ŋalae tonje nde simo nia njinde, sipaŋuŋu sika simo malawae mwasa. <sup>31</sup> Aku koroani saka njinde sino Yesu mine tu, “Ambo noko kuŋara maka, ande maka iloma tu noko ma kuoma kalâ pa ngoa njinde ilonzi.”

<sup>32</sup> Njineŋga Yesu isâu panzi ku ipainzi tu, “Kakâwa kalâ!” Aku walele nâ koroani saka sipilenzi tamâta rua njinde, aku silâ ngoa ilonzi. Aku ngoa njinde ndoni wisinzi motutu simaŋguru sipalilu kaika silâ sindue nia ndamwa tonje. Njineŋga sisonja sindue lââ bwalika ilo sinu lââ ku sipamateteu marumbu lâ.

<sup>33</sup> Kinzi katonâŋa tamâta nana ngoa kâ simora mâsi njinde, aku sipalilu silâ nenzi lawea ilo. Kinzi sitapâri panzi tamâta nana mâsi muŋga ipâŋga panzi njinde. Aku sitapâri panzi tona nana mâsi kala ipâŋga panzi tamâta rua njinde koroani saka muŋga simo ilonzi. <sup>34</sup> Kinzi tamâta ndoni lâ lawea njinde siloŋo pâri lâ, njineŋga rârâni simâ pa Yesu. Sipakâtu kuku, njineŋga sino kaika papa tu ma ipile nenzi ninia ku ilâ pa nia tonje.

## 9

*Yesu iveta tamâta tonje kie-mbalau sakamao ipângã ara*

*Malaka 2:1-12, Luka 5:17-26*

<sup>1</sup> Njinennga Yesu ikâki wângã kulu ku imbwalu ilâ pa lââ bwalika tini pinde. Ilâ lee itoa Kaperneam lawea, lawea njinde i uru imo. <sup>2</sup> Itoa lâ, njinennga tamâta pinde sikale pukonja tamâta tonje simâ papa. Pukonja tamâta njinde kie-mbalau ndoni nde imâte lâ, kala ikeno rombe-rombe kulu. Yesu isama kinzi tamâta njinde kilalanzi pwataki tu nenzi kalo-tawana ikeno pa i. Mine kala ipai pukonja tamâta njinde tu, “Natungu, noko wisi puu ndue. Naña azavaru noko ne kiesaka piti lâ tini.”

<sup>3</sup> Kinzi pananâña tamâta njana njua tukuña kâ pinde nde silonjo Yesu ne njua njinde, kala ilonzi njuru-njuru siporo pa warakanzi tu, “Yoo, tamâta njine nde itu ikai Maro Kindeni nia, kala iporo njua ara tia ndo lâ Maro Kindeni nao!”

<sup>4</sup> Yesu isama kinzi ilonzi kalonzi njinde lâ, kala ipainzi mine tu, “Nana sâ kâ nga ilo-kalo sakamao njinde ikeno miki ilomi, a?” <sup>5</sup> Mao nâ, naña akura tu apai pukonja tamâta njine mine tu, ‘Naña azavaru noko ne kiesaka piti lâ tini’. Aku mine nâ, naña akura apai tu, ‘Noko kumandi sânda, ku pwoka kulâ’. Ayo, njua ndia ma itula nanengu walo pwataki pami, a?’ <sup>6</sup> Andeta naña ilongu tu miki ma kasama njine: naña Tamâta Natu akai Maro Kindeni ndamwa lâ tâno njine kulu, ikura njana azavaru kiesaka piti lâ tamâta tininzi tona.” Yesu iporo njua njine panzi lâ, njinennga ipai pukonja tamâta njinde tu, “Noko kumandi sânda, pwai ne

rombe-rombe aku pwoka kulâ pa tamwata ne luma!” <sup>7</sup> Njineŋga tamâta njinde imandi ku iyoka ilâ pa ne luma. <sup>8</sup> Kinzi tamâta simora mâsi njinde, kala ilonzi rârâ. Mine nde sipanea Maro Kindeni, nana tu i ne walo njalae ikeno pa Yesu.

*Yesu isarawa Matai tu ipono muli papa  
Malaka 2:14, Luka 5:27-28*

<sup>9</sup> Yesu iyoka ilâ, aku mata imora tamâta tonje, i na mine Matai. Matai nde uru iveta wurâta lâ Rom nenzi luma nana mbumbu kaiŋa kê tonje, kala isaŋona imo lumani ndaina ilo. Aku Yesu ipai tu, “Noko kumâ, kupono muli pa nana.” Njineŋga Matai imandi ku iyoka Yesu muli ilâ.

*Kinzi Parisai tamâta silelea Yesu  
Malaka 2:15-20, Luka 5:29-35*

<sup>10</sup> Aku muli, zo tonje, njineŋga Yesu ilâ Matai ne luma ilo ku isaŋona ika kâpwa kuku. Ande kinzi mbumbu-kaiŋa tamwatanzi ngu njalae sitavanzi kiesaka tamwatanzi pinde, kinzi rârâni simo luma njinde ilo sika kunzi Yesu nga ne pâri-tamâta. <sup>11</sup> Andeta kinzi tamâta pinde lâ Parisai ngu nde simora njinde, ande kala sikasonanzi Yesu ne pâri-tamâta mine tu, “Wa, nana sâ kê nga miki nemi pananâna ika kunzi tamâta sakamao nana mbumbu kaiŋa kê wa kinzi kiesaka tamwatanzi wa, a?”

<sup>12</sup> Yesu ilonjo nenzi ngua njinde, njineŋga ipainzi tu, “Kinzi tamâta tininzi ara uru silâ pa tamâta nana ivetanzi pukonja kê, ande tia. Kinzi pukonja tamâta nâ uru silâ pa tamâta nana ivetanzi pukonja kê. <sup>13</sup> Andeta Maro Kindeni ne ngua ikeno lâ pepa tini mine tu, ‘Nana tiningu pwâka nana simbi njinde

miki uru kapatarâwa pana. Taitu naŋa ilonŋu ndo tu miki ma kalomi sukâŋa ŋananzi tinimi pinde ku kasukanzi.’ Ara ŋana miki ma karoto ŋana ŋgua ŋinde ne duvi kâ. Naŋa ŋandai amâ tâno kulu ŋana asarawanzi kinzi vetâŋa ara warakanzi ŋga; naŋa amâ ŋana asarawanzi kinzi kiesaka tamwatanzi.”

<sup>14</sup> Ŋinde ilâ lâ, ŋineŋga Yoane Lââ-Liliŋa Tamwata ne pâri-tamâta pinde simâ pa Yesu, aku sipai tu, “Maka uru katu kaika ŋana kâpwa kâ, ŋana ma kakai nona kâ, aku kinzi tamâta lâ Parisai ŋgu kala uru siveta mine tona. Mine nde mana mana ŋga noko ne pâri-tamâta uru siveta mâsi ŋine tia, a?”

<sup>15</sup> Ŋineŋga Yesu itu lâ kawanzi aku isia ŋgua lâ tamwata tini mine tu, “Ambo tamâta tonŋe itu ikâe kâ, ande i ninambwe kinzi ma ilonzi malia lâ zo ŋinde i imo kunzi yo, ande ma tia. Taitu muli, lâ zo ŋinde kinzi ma sikai pakâeŋa tamâta ŋinde piti lâ ninambwe ŋgininzi silâ, ŋineŋga lâ zoni ndaina kinzi ma kalonzi sukâŋa ŋalae, aku ma situ kaika ŋana kâpwa kâ.”

*Yesu isia ŋgua ŋana i ne mâsi wasaseki anŋa nenzi mâsi siŋga*

*Malaka 2:21-22, Luka 5:36-39*

<sup>16</sup> Ŋineŋga Yesu iporo tu, “Kinzi tamâta uru sisaraka lalava wasaseki katiŋe ku sisuta ipono pasawaŋa siŋga râge-râge, ande tia. Ambo siveta mine, ande lalava ŋana ipono pasawaŋa râge-râge ŋinde ma ipasangu ku isaraka pasawaŋa kilo, kala ma râge-râge ipwa ŋalae tina kilo. <sup>17</sup> Anŋa kinzi tamâta uru siwuwu waini waseki lâ ŋgoa karae patu siŋga ilo, ande tia. Ambo siveta mine, ande waini ma ipondi kâki ku ma iveta ŋgoa karae patu

siŋga ipwa pwataki. Njineŋga waini ma imaliŋi kaa nâ indue lâ tâno kulu, aku ŋgoa karae patu kala ma ipâŋga sakamao tona. Kinzi tamâta uru siwuwu waini waseki lâ ŋgoa karae patu wasaseki nâ ilo, ande kala ruani ma keno sondo.”

*Yesu ipaŋo katonâŋa tonje natu taine imandi imo via kilo, aku iveta taine tonje tini ara tava*

*Malaka 5:21-43, Luka 8:40-56*

<sup>18</sup> Yesu iporo ŋgua njine panzi tamâta marumbu tia yo, ande luma ŋana pasauŋa kê ne katonâŋa tamâta tonje iyoka imâ laiti. Ipare tuku papa Yesu ku ipai tu, “Naŋa natuŋgu taine njineni ŋga imâte lâ. Taitu naŋa asama tu ambo noko ma kumâ kuo mbau lâ i kulu, ande i ma imo via kilo.” <sup>19</sup> Njineŋga Yesu imandi aku iyoka kuku katonâŋa njinde ilâ, aku Yesu ne pâri-tamâta nde soka kunzi silâ tona.

<sup>20</sup> Andeta taine tonje imo ndaina, i uru tini mâta ikai see ikura zo zo lee mbwera saŋao kanaŋo rua lâ. Aku ndainani nâ taine njinde iyoka pa Yesu muli imâ laiti, aku mbau ilâ itaŋo Yesu ne pasawaŋa luandondo ŋgaŋe. <sup>21</sup> I ne vetâŋa njinde nde duvi mine; muŋga i taine ilo patea tu, “Ambo naŋa mbaunŋu ataŋo i ne pasawaŋa ŋgaŋe nâ, ande ma tiniŋgu ara kilo”. <sup>22</sup> Mine kala mbau ilâ itaŋo Yesu ne pasawaŋa ŋgaŋe. Njineŋga Yesu itale ku mata ilâ imora taine njinde, aku ipai tu, “Natunŋu, noko wisi puu ndue; noko ne kalo-tawana njinde iveta noko tini ara lâ.” Aku ndainani nâ, taine njinde tini ara kilo.

<sup>23</sup> Njineŋga Yesu iyoka ilâ katonâŋa njinde ne luma ilo, aku mata ilâ imoranzi tamâta pinde simbana kauro ŋana mateŋa kê, aku imoranzi ŋgu ŋalae sita

wa siveta nia nduŋeŋa ŋalae tina. <sup>24</sup> Andeta Yesu ipainzi tu, “Kaveta mine ndimo! Lâlu taine ŋine imâte tia; ikeno mata nâ.” Andeta kinzi siŋelea i pâta kanaŋo. <sup>25</sup> Mine kala Yesu ionzi siyâti silâ pa nia yo marumbu lâ, ŋineŋga ilâ luma ilo kisiŋa pwataki ŋinde ilo. Aku ikai taine taipa mbau, ŋineŋga taine imandi sânda imo via kilo. <sup>26</sup> Aku pâri ŋinde nde ilâ ikura nia ŋinde ndoni.

*Tamâta rua matanzi leva-leva aŋga tamâta tonje kawa pasâe nde simâ pa Yesu, aku ivetanzi tininzi ara lâ*

<sup>27</sup> Yesu ipile luma ŋinde aku iyoka ilâ. Andeta tamâta rua matanzi leva-leva nde sitawa i simâ, aku kawanzi ŋalae sisasarâwa papa mine tu, “Noko Daviti ne vâsa, kalo sukâŋa ŋanama!” <sup>28</sup> Yesu iyoka ilâ ne luma ilo, ŋineŋga tamâta rua ŋinde simâ papa. Aku Yesu ikasonŋanzi tu, “Mana mana; miki rua kalomi tawana tu naŋa akura ŋana aveta matami ara kilo, tiya?” Kinzi rua nde siporo taulo tu, “Tamâta Ŋalae, maka kaloma tawana mine”. <sup>29</sup> Ŋineŋga Yesu io mbau lâ kinzi rua matanzi ku ipainzi tu, “Miki nemi kalo-tawana ikeno pa naŋa; mine kala vetâŋa miki ilomi papa ŋine, ande ma ipâŋga pami mine nâ”. <sup>30</sup> Aku ndainani nâ kinzi rua matanzi pareŋge simora kilo. Ŋineŋga Yesu iporo itu kaika panzi rua mine tu, “Miki rua ma katapâri pa tamâta tonje ŋana vetâŋa ŋine ndimo.” <sup>31</sup> Andeta muli, kinzi rua siyâti silâ, ŋineŋga situla Yesu parina panzi tamâta ikura nia ndoni.

<sup>32</sup> Kinzi rua simandi ŋana sipile Yesu siyâti silâ, ŋineŋga tamâta pinde sikai tamâta tonje imâ pa Yesu. Koroani saka tonje muŋga ipakâe kuku

tamâta ñinde, kala iveta i kawa pasâe lâ. <sup>33</sup> Ninenğa Yesu isoki koroani saka ñinde ikâwa ilâ lâ, aku tamâta ñinde muŋga kawa pasâe nde iporo ŋgua kilo. Kinzi tamâta simora mâsi ñinde kala wisinzi motutu lâ, aku siporo mine tu, “Opopo, vetâŋa tonġe kie mine muŋga ipâŋga lâ kinda Isrel ŋgininda, ande tia ndo!” <sup>34</sup> Andeta kinzi tamâta pinde lâ Parisai ŋgu nde siporo ŋgua pavaligiŋa mine tu, “Yoo, ikai koroani saka nenzi koipu ne walo, kala isokinzi koroani saka piti lâ tamâta ilonzi”.

### *Yesu kalo sukâŋa ŋananzi tamâta*

<sup>35</sup> Yesu iyoka ilâ ikura lawea ndoni ikeno Galilaya tâno. I uru ipanananzi tamâta lâ nenzi luma ŋana pasauŋa kâ ilo, ku itula pâri ara panzi ŋana Maro Kindeni ne mâsi ŋana ikai maro panzi tamâta kâ. Aku kinzi pukonġa tamâta râriani, kinzi ñinde simo tava pukonġa kie-kie, ande ivetanzi tininzi ara kilo. <sup>36</sup> Yesu maŋa ilâ imoranzi tamâta ŋgu ŋalae simo nia ñinde, aku i kalo sukâŋa ŋananzi, ŋana tu kinzi walonzi tia ku sikura tu sipavila warakanzi, ande tia. Kinzi simo sitogonzi “lama” ŋgu, nenzi katonâŋa tamâta tia. <sup>37</sup> Mine kala Yesu itambira ŋgua panzi ne pâri-tamâta mine tu, “Kâpwa maria ndo keno tâno ilo, andeta wurâta tamâta ŋana sikai kâpwa kâ nde kambwanġenzi mota mwata. <sup>38</sup> Mine nde miki ma kakai nonġa kano pa Maro Kindeni, ina tâno ñine warika, ŋana ma ionzi wurâta tamâta pinde silâ sisukami ŋana kagona i ne kâpwa ñinde.”



# 10

## *Kinzi pâri-tamâta saŋao kanaŋonzi rua ŋanzi*

<sup>1</sup> Yesu isarawanzi ne pâri-tamâta saŋao kanaŋonzi rua simâ, ŋinenŋa i walo kaika ilanzi ŋana sisokinzi koroani saka wa siveta tamâta nenzi pukonja kie-kie rârâni tininzi ara kilo.

<sup>2</sup> Kinzi pâri-tamâta saŋao kanaŋonzi rua ŋinde ŋanzi ande mine: Saimon, i ŋa tonje Petero, tava i tai Andaria; anja Yamesi, i Sebedi natu, tava i tai Yoane; <sup>3</sup> anja Pilip ku Bartolomyu rua; anja Tomas, anja Matai, i muŋga uru iveta wurâta ŋana mbumbu kainja kê; anja Yamesi, i Alfius natu, anja Tadius; <sup>4</sup> anja Saimon Selot, anja Judas Iskariot, i muli ikai kulu-pâŋga ŋana Yesu kê, ku io i lâ kinzi kazâŋa tamâta mbaunzi ilo.

*Yesu iwae wurâta panzi ne pâri-tamâta saŋao kanaŋonzi rua*

*Malaka 6:7-13, Luka 9:1-6*

<sup>5</sup> ŋinenŋa Yesu ionzi ne pâri-tamâta saŋao kanaŋonzi rua silâ. Aku ipainzi tu, “Miki ma kalâ pa kinzi tinikoa ŋgu nenzi ninia ndimo, aku kalâ kinzi Samaria ŋgu nenzi lawea ilo ndimo.

<sup>6</sup> Miki ma koka sondo kalâ panzi tamâta lâ Isrel ŋgu nâ. Kinzi ŋgu ŋinde nde sitogo ‘lama’ ŋgu, sisapiri kala soka potomule siroroto ŋana nzâla kê. <sup>7</sup> Miki kalâ katula ŋgua panzi mine tu, ‘Maro Kindeni ne zo ŋana ikai maro panzi tamâta kê, ande imâ ipâŋga laiti lâ.’ <sup>8</sup> Miki kalâ kavetanzi pukonja tamâta tininzi ara kilo; aku kapaŋonzi mateŋa tamâta wa kavetanzi tamâta tininzi saga-saga ipâŋga mbâra-mbâra wa kasokinzi koroani saka piti lâ tamâta ilonzi wa. Naŋa muŋga walo

kaika alami ɲana kaveta mâsi kie-kie ɲinde, aku miki ɲandai mbumbu tonje kalua naɲa ɲana kakai walo ɲinde ɲga. Mine kala lâ zo ɲana miki ma kaveta mâsi ɲinde panzi tamâta, ande miki ma kakai mbumbu ɲana ndimo.

<sup>9</sup> Aku miki ma kazeze mbumbu pinde lâ nemi tâɲa ilo ndimo. <sup>10</sup> Mao nâ, lâ zo ɲana miki koka kâ, ande miki ma kakai keta wa pasawaɲa rua wa kemi kâmba wa tukâla ɲana yokâɲa kâ ndimo. Ara ɲana kinzi tamâta ma kelekele ɲinde silua tamâta ea iveta wurâta panzi.

<sup>11</sup> Ambo miki koka kalâ lawea tonje ilo, ande miki ma kalâ karoto ɲana tamâta ea lâ lawea ɲinde ma ilo ara pami. Ambo kasânda tamâta kulu, ande miki ma kamo ndaina kuku tamâta ɲinde lee, ikura lâ zo ɲana miki kapile lawea ɲinde kalâ. <sup>12</sup> Ambo miki kalâ luma tonje ilo, ande kaporo wisi-ara ne ɲgua panzi tamâta simo luma ɲinde. <sup>13</sup> Ambo kinzi tamâta simo luma ɲinde ma ilonzi ara nâ pami, ande kano pa Maro Kindeni tu ma itu nzâmbe panzi. Taitu kalonjo ɲga; ambo kinzi ilonzi ara pami tia, ande kakai nonja kilo tu Maro Kindeni ne nzâmbe ma piti lâ tininzi. <sup>14</sup> Ambo kinzi tamâta rârâni lâ luma tonje tâku lawea tonje nde tininzi pwâka tu sikaimi kamo kunzi, aku tininzi pwâka tu silonjo nemi ɲgua, ande miki ma kapilenzi, ɲinenɲa kapamasi kemi tâno gawura piti, ɲana itula nenzi vetâɲa soki ɲinde pwataki. <sup>15</sup> Naɲa aporo mao nâ pami; lâ zo muli, Maro Kindeni ma ionzi tamâta rârâni lâ i ne ɲgua nia. Aku pa zo ɲinde, kinzi tamâta lâ lawea ɲinde ma sikai nâna ɲalae tina, ipole nâna ndia kinzi tamâta sakamao muɲga simo

Sodom lawea nga Gomora lawea ninde ma sikai.”

*Malia kie-kie ma ipânga*

<sup>16</sup> Yesu iporo ngua nîne panzi ne pâri-tamâta lâ, nînga ipainzi tu, “Miki kalonjo nga; naña aomi kalâ katogonzi ‘lama’ kamo mbwâmbwa saka nginzi. Mine nde miki ma kanjenje nana kazânga kâ, itogo mwâta uru iveta mine; aku kamo naomi mwasa nâ, itogo sii bâlu uru imo mine. <sup>17</sup> Miki kapakatona sonde nga, nana tu kinzi tamâta pinde ma sikaimi kaika ku siomi lâ ngua nia, aku ma sipalilimi pâta lâ nenzi luma nana pasauja kâ ilo. <sup>18</sup> Kinzi ma ilonzi tu sitawa naña nângu ndue, ande kala ma sikaimi kalâ panzi tamâta mbâna-mbâna wa koipu njaljala wa. Lâ zo ninde, miki ma katula pâri ara nana naña kâ pwataki panzi Juda tamâta wa kinzi tinikoa wa. <sup>19</sup> Ambo siomi kalâ pa ngua nia, ande miki ma karuru ku kalomi loko tu, ‘Maka ma kaporo ngua mana’, mine ndimo. Nana tu lâ zoni ndaina, Maro Kindeni ma itula ngua pami tu katula kâ. <sup>20</sup> Aku ngua miki ma katula panzi ninde nde warakami nemi ngua, ande tia. Miki tamami Maro Kindeni ne Koroani Sapânga tamwata ma io ngua ninde lâ kawami.

<sup>21</sup> Lâ zo ninde, kinzi tamâta ma sio ninzi-nambwe lâ ngua nia, aku ma sipunzi pâta simâte. Aku tamâta ma siveta mine nâ pa warakanzi natunzi tona. Anja kinzi lâlu ma sikai kazânga kie taituni panzi tinanzi-tamanzi tava, kala ma sionzi lâ kazânga tamâta mbaunzi ilo tu ma sipunzi pâta simâte. <sup>22</sup> Kinzi tamâta ndoni ma wisinzi nâna ndo pa miki, nana tu miki kalomi tawana naña. Andeta tamâta ea kalo tawana naña kaika lee ilâ

ipânḡa lâ keri, ande Maro Kindeni ma via mao ilua i. <sup>23</sup> Ambo kinzi tamâta lâ lawea tonḡe ma siveta malia pami, ande kakâwa kalâ pa lawea tonḡe. Naḡa aporo mao nâ pami; miki ma kaveta wurâta ḡine kakura Isrel nenzi lawea rârâni marumbu tia yo, ḡinenḡa naḡa Tamâta Natu ma amâ.”

*Yesu ne pâri-tamâta ma sikai nâna, sitogo i mine*

<sup>24</sup> ḡinenḡa Yesu ipainzi ne pâri-tamâta tu, “Kinzi pepa tamâta nenzi ilo-kalo ḡandai ipole nenzi pananâḡa tamâta ne ilo-kalo ḡga; aku mine nâ, kinzi wurâta tamâta ḡandai simo nenzi tamâta ḡalae kulu ḡga. <sup>25</sup> Mine nde vetâḡa ndia kinzi siveta pa pananâḡa tamâta, ande ma siveta mine nâ panzi i ne pepa tamâta tona; aḡga vetâḡa ndia siveta pa tamâta ḡalae, ande ma siveta mine nâ panzi i ne wurâta tamâta. Ambo kinzi tamâta pinde uru sipatu tamâta ḡalae tonḡe ḡa tu Belsebul (i ḡa tonḡe Sadana), ande kinzi ma siporo ḡgua sakamao ndo ḡananzi tamâta uru sipono muli papa i ḡinde.

*Kinda ma tameḡe ḡana Maro Kindeni simbo nâ*

<sup>26</sup> “Mine nde miki ma karuru ḡananzi nemi kazâḡa tamâta ndimo. ḡgua ndia rârâni ikeno paveâḡa, ḡinde miki ma katula pwataki ipânḡa nia yo, ḡana kinzi tamâta ma sisama ḡgua rârâni ne duvi. <sup>27</sup> Mao nâ, ḡgua ndia rârâni naḡa aporo pami lâ nia ḡgaḡe, ḡinde miki ma katula ipânḡa nia yo. Aku ḡgua ndia rârâni muḡga taporo imo ḡgininda nâ, ḡinde miki ma kamandi lâ luma kulu âta aku kawami ḡalae katula pwataki. <sup>28</sup> Miki ma karuru ḡananzi kazâḡa tamâta ndimo, ḡana tu kinzi sikura tu sipu karaemi nâ pâta imâte, taitu sikura tu sipu

koranami pâta imâte, ande tia. Ambo taitu miki ma karuru ñana Maro Kindeni, ñana tu i simbo nâ ikura tu izavaru karaemi wa koranami lâ yââ ñalae ne mbââ ilo.

<sup>29</sup> Miki kasama tu kinzi tamâta uru sikonzi sii kiri-kiri rua lâ mbumbu taitu nâ. Mine nde kasama tu sii nde itogo kelekele kaa nâ. Andeta miki tamami Maro Kindeni uru ikai katonâña sondo panzi sii ñinde. Mao nâ, ambo i ma isâu tia, ande sii tonje ma ikura tu imbe ndue ipu tâno, ande tia. <sup>30</sup> Aku mine nâ, Maro Kindeni isama lâ ñana miki nemi moña wa vetâña wa. Opopo, kulu pwau ñapia keno kulumi, ande isama ñine wa! <sup>31</sup> Mine nde miki ma karuru ndimo, ñana tu lâ Maro Kindeni nao, ande miki nde kelekele arando, kapolenzi sii ndoni marumbu lâ.”

*Mâsi ñana tatula nenda kalo-tawana pwataki kâ*

<sup>32</sup> “Tamâta ea itula ne ilo-kalo pwataki lâ nia yo tu i kalo tawana naña, ande muli naña kala ma atula ñgua pwataki papa naña Mama lâ samba lawea mine tu, ‘Tamâta ñine nde nanenğu tamâta’.

<sup>33</sup> Anğa tamâta ea itula ne ilo-kalo pwataki lâ nia yo tu i kalo tawana naña tia, ande muli naña kala ma atula ñgua pwataki papa naña Mama lâ samba lawea mine tu, ‘Tamâta ñine nde nanenğu tamâta tia’.”

*Yesu imâ ñana iveta kazâña ipânga*

<sup>34</sup> “Miki ma ilomi tu naña amâ ñana apupu paraña rârâni lâ tâno kulu, mine ndimo. Naña ñandai amâ ñana apupu paraña ñga.

<sup>35</sup> Naña amâ ñana aveta kazâña ne mâsi ipânga. Mao nâ,

‘Natu tamâne ma ikai kazâña pa tama, anga natu taine ma ikai kazâña pa tina, anga lawa ma ikai kazâña pa ana. <sup>36</sup> Tamâta see kinzini ma sipânnga simo i ne kazâña tamâta.’

<sup>37</sup> Ambo tamâta tonje ne tini-mwasa panzi tina-tama ipole ne tini-mwasa pa naña, ande i ma ikura tu imo nanenġu tamâta, ande tia. Aku mine nâ, ambo tamâta tonje ne tini-mwasa panzi natu ipole ne tini-mwasa pa naña, ande i ma ikura tu imo nanenġu tamâta, ande tia. <sup>38</sup> Aku mine nâ, ambo tamâta tonje tini pwâka tu ikale i ne kâi popole ku iyoka naña mulinġu, ande i ma ikura tu imo nanenġu tamâta, ande tia. <sup>39</sup> Tamâta ea ilo ŋalae ŋana tamwata ne via lâ tâno kulu, ande i ma ikura tu ikai via mao, ande tia. Anġa tamâta ea kalo tawana naña kala ipatawa tini ku imora tamwata ne via tu kelekele kaa nâ, ande i ma isânda ne via mao kulu.”

### *Tamâta ikai ne kulu ara*

<sup>40</sup> “Tamâta ea iveta kie ara pa miki, ande iveta kie ara pa naña tona. Aku tamâta ea iveta kie ara pa naña, ande iveta kie ara pa Maro Kindeni tona, ina munġa isupwa naña kala amâ. <sup>41</sup> Ambo tamâta tonje ilo ara panzi Maro Kindeni ne ŋgua-tulâña tamâta, kala iveta kie ara pa tonje, ande tamâta ŋinde ma ikai ne kulu, itogo kulu ŋinde kinzi ŋgua-tulâña tamâta uru sikai mine. Aku mine nâ, ambo tamâta tonje ilo ara panzi tamâta ŋinde uru sipono muli pa Maro Kindeni, ande kala iveta kie ara pa tonje, ande i ma ikai ne kulu, itogo kulu kinzi tamâta uru sipono muli pa Maro Kindeni ŋinde uru sikai mine. <sup>42</sup> Naña aporo mao nâ pami; ambo

tamâta tonje ilo ara panzi kalo-tawana tamâta, kala iliŋi lââ vâra-vâra lâ kâmba ilo ku ilua nanenġu tamâta tonje tu inu kâ, ande Maro Kindeni ma kulu ilua tamâta ŋinde.”

## 11

*Yoane Lââ-Liliġa Tamwata isupwanzi ne pâri-tamâta simâ pa Yesu*

*Luka 7:18-35*

<sup>1</sup> Yesu iporo ŋgua ŋine panzi ne pâri-tamâta sanġao kanaanzi rua marumbu lâ, ŋinenġa ipile lawea ŋinde ku ilâ pa lawea pinde ikeno Galilaya tâno, ku ipanananzi tamâta ku itula Maro Kindeni kawa ŋgua panzi.

<sup>2</sup> Anġa Yoane Lââ-Liliġa Tamwata nde imo luma sakamao ilo, ande iloŋo Yesu Kirisi parina tu iveta mâsi kie-kie ŋinde. Mine kala Yoane ionzi ne pâri-tamâta pinde silâ pa Yesu, <sup>3</sup> ŋana ma sikasoġa i mine tu, “Tiambo nokoni kala tamâta ŋinde Maro Kindeni muŋġa ipa ŋgua tu ma isupwa imâ, tiya?, ma kao tinima ŋana tamâta tonje.”

<sup>4</sup> Ninenġa Yesu itu ŋgua taulo panzi tu, “Miki kataulo kalâ katapâri pa Yoane ŋana vetâġa wa mâsi kie-kie miki kaloŋo ku kamora ŋine: <sup>5</sup> Kinzi tamâta muŋġa matanzi leva-leva ande simora nia, anġa kinzi tamâta muŋġa kenzi sakamao nde soka nzâla silâ. Kinzi tamâta muŋġa tininzi saga-saga nde sipânġa tininzi mbâra-mbâra lâ, anġa kinzi tamâta muŋġa taŋanzi pasâe nde siloŋo ŋgua. Kinzi mateġa tamâta nde simandi simo vianzi kilo, anġa kinzi sugorai tamwatanzi nde siloŋo pâri ara.

<sup>6</sup> Tamâta ea ikai nâna ŋana ne kalo-tawana kâ,

ambo i ma imandi kaika ku ipono muli sondo pa naŋa, ande Maro Kindeni ne nzâmbe ma ikeno papa i.”

<sup>7</sup> Yoane Lââ-Liliŋa Tamwata ne pâri-tamâta ŋinde nde silâ lâ, ŋinenŋa Yesu iporo ŋgua panzi tamâta ŋgu simo kuku i ŋinde. Ipainzi tu, “Miki muŋga kalâ pa nia bilimu ŋana kalonjo Yoane Lââ-Liliŋa Tamwata ne ŋgua, aku lâ zo ŋinde miki kalâ tu kamora sâ. Tiambo miki kalâ tu kamora kuli tonje, lawea itili ilâ wa imâ wa, tiya? Mine tia.

<sup>8</sup> Mine nde miki kalâ tu kamora sâ. Tiambo miki kalâ tu kamora tamâta tonje uru isiŋga pasawaŋa arara, tiya? Mine tia. Kinzi tamâta uru isiŋga pasawaŋa arara ŋinde nde simo koipu ŋalajala nenzi luma nâ ilo.

<sup>9</sup> Mine kala miki kalâ tu kamora sâ. Tiambo miki kalâ tu kamora ŋgua-tulâŋa tamâta tonje, tiya? Mao nâ, miki kalâ tu kamora ŋgua-tulâŋa tamâta tonje. Andeta miki ŋandai kamora ŋgua-tulâŋa tamâta kaa nâ ŋga.

<sup>10</sup> Mao nâ, kinzi ŋgua-tulâŋa tamâta muŋgâŋa nde sikai Maro Kindeni kawa ŋgua, ŋinenŋa siŋgere ŋgua ŋana Yoane lâ pepa tini mine tu,

‘Kulonjo ŋga; naŋa ma ao nanenŋu ŋgua-tulâŋa tamâta tonje ilâ imuŋga pano. I ma iveta nzâla sondo pa noko.’

<sup>11</sup> Naŋa aporo mao nâ pami; ikura zo muŋgâŋa rârâni, ande tamâta tonje imo tamâta ŋalae kala ipole Yoane Lââ-Liliŋa Tamwata, ande tia ndo. Ambo taitu miki kalonjo ŋga; lâ ŋgu ŋine Maro Kindeni ikai maro papa, tamâta ea imo kinzi tamâta rârâni kalonzi, ande i imo tamâta ŋalae, kala ipole Yoane.

<sup>12</sup> Muŋga, lâ zo ŋinde Yoane Lââ-Liliŋa Tamwata



imandi nana iveta ne wurâta, aku imâ lee ipânnga lâ zo nîne kala tamo nîne, ande kinzi kazânja tamâta nde sipara kaika ku sitogo tu sipono nzâla nana Maro Kindeni ma ikai maro panzi tamâta kâ. <sup>13</sup> Mao nâ, singani, aku imâ lee ipânnga lâ Yoane Lââ-Liliña Tamwata ne zo, ande Mose ne ngua tukuña anga kinzi ngua-tulânja tamâta rârâni nde situla ngua nana Maro Kindeni ne zo nana ikai maro panzi tamâta kâ. <sup>14</sup> Aku miki ea ilomi tu kalomi tawana nenzi ngua ninde, ande miki kalonjo nga; Yoane nde ikai Ilia nia, ina ngua-tulânja tamâta munğânja ninde kinzi siporo tu ma itaulo imâ kilo. <sup>15</sup> Ambo miki tanami keno, ande kalonjo ngua nîne sondo.

<sup>16</sup> Ayo, nana ma aporo asia ngua mana nana vetânja kinzi tamâta uru siveta lâ zo nîne. Kinzi nde sitogonzi lâlu kiri-kiri, ilonzi kalonzi soki-soki sisajona ao ngini ku sisarâwa pa nawalanzi tu, <sup>17</sup> ‘Opopo, maka kambana kauro nana miki ma kakina kiniña, andeta miki tinimi pwâka tu kaki. Anga maka kawânji wânjiña kalo-kalo kâ, andeta miki tinimi pwâka tu kata.’ ” <sup>18</sup> Ninenja Yesu iporo ngua siânja nîne ne duvi pwataki panzi tu, “Yoane Lââ-Liliña Tamwata uru indi kaika pa tamwata nana kâpwa wa waini wa, andeta kinzi sivaligi i mine tu, ‘Koroani saka imo kuku i!’ ” <sup>19</sup> Anga nana Tamâta Natu uru aka wa anu wa, andeta kinzi sivaligi nana mine tu, ‘Kamora nga, i tamâta nana ika kâpwa wa inu waini nalae tina. Aku iveta mete kunzi tamâta sakamao nana mbumbu kaiña kâ wa kinzi kiesaka tamwatanzi wa!’ Andeta Maro Kindeni uru iwae wurâta sondo ndo panzi ne tamâta, kala miki kamora kanaanjo pwataki lâ.”

*Yesu iporo ngua kaika njananzi tamâta njinde sipalele ilonzi kalonzi tia*

<sup>20</sup> Yesu munga iveta mâsi njalanjala rârâ njinde lâ lawea pinde, andeta kinzi tamâta lâ lawea njinde njandai sipalele ilonzi kalonzi nga. Mine kala Yesu iporo ngua kaika njananzi tamâta njinde mine tu, <sup>21</sup> “Oyae, miki tamâta lâ Korasin lawea! Oyae, miki tamâta lâ Betsaida lawea! Malia njalae tina ma imâ pami! Ambo naŋa munga aveta mâsi njalanjala panzi kiesaka tamwatanzi simo Tair lawea nga Saidon lawea, itogo naŋa munga aveta lâ miki nemi lawea mine, ande nanayoni kinzi tamâta njinde ma sipasawa pasawaŋa singa wa sio kââ lâ kulunzi wa, njana itula ilonzi pwataki tu kinzi sipalele ilonzi kalonzi ilâ pa naŋa marumbu lâ.

<sup>22</sup> Andeta naŋa aporo mao nâ pami; lâ zo njana Maro Kindeni ma ionzi tamâta silâ pa i ne ngua nia, ande kinzi tamâta lâ Tair wa Saidon nde ma sikai nâna, aŋga miki ma kakai nâna njalae tina!

<sup>23</sup> Aŋga miki tamâta lâ Kaperneam lawea, miki katu kapasuka warakami tinimi ku kakâki kalâ pa samba lawea, a? Tia ndo! Maro Kindeni ma itambirami kalâ kandue yââ njalae ne mbââ ilo! Ambo lâ nia ndoyo naŋa aveta mâsi njalanjala panzi kiesaka tamwatanzi lâ Sodom lawea, itogo naŋa munga aveta lâ miki nemi lawea mine, ande Sodom lawea ma keno mo njai yo, ma zavaruŋa tia. <sup>24</sup> Andeta naŋa aporo mao nâ pami; lâ zo njana Maro Kindeni ma ionzi tamâta silâ pa i ne ngua nia, ande kinzi tamâta lâ Sodom ma sikai nâna, aŋga miki ma kakai nâna njalae tina!”

*Kinda ma talâ pa Yesu njana takai pwareâŋa kâ*

<sup>25</sup> Yesu iporo ŋgua ŋine lâ, ŋinenŋa ikai noŋa pa Maro Kindeni mine tu, “O, Mama, noko uru pwai maro pa samba wa tâno wa. Naŋa kawâŋgu ndaŋge pano, ŋana tu noko kuvea ilo-kalo ŋinde ŋananzi ilo-kalo tamwatanzi, andeta kutula pwataki panzi tamâta ŋinde nenzi ilo-kalo ŋalae koŋa tia. <sup>26</sup> Mao nâ, Mama, noko ilo patea tu ma kuveta mine, kala kuveta lâ.” <sup>27</sup> Yesu ikai noŋa ŋine lâ, ŋinenŋa iporo panzi tamâta ŋgu mine tu, “Naŋa akai Mama ndamwa marumbu lâ. Tamâta tonŋe isama Maro Kindeni Natu kilala sondo, ande tia; Mama simbo nâ isama. Aku naŋa Maro Kindeni Natu simbonŋu nâ kala asama Mama kilala sondo, tavanzi tamâta ndia naŋa apateanzi tu ma atula i kilala pwataki panzi.

<sup>28</sup> Mine nde noko tamâta ea kumakâsa ŋalae tina kala tini pââsââ lâ, ande noko kumâ pa naŋa, aku naŋa ma pwareâŋa alano. <sup>29</sup> Kumâ pwai wurâta ŋine naŋa atu alano, aku naŋa ma apananano ŋana kumo nanenŋu tamâta. Naŋa uru akai poe mwasa nâ panzi tamâta, aku uru apatawa warakâŋgu tiniŋgu. Mine nde kumâ pa naŋa, aku noko ilo ma isânda pwareâŋa kulu. <sup>30</sup> ŋana tu wurâta ŋine naŋa atu alano, ande wurâta ŋalae koŋa tia. Aku mine nâ, kelekele ndia naŋa alano tu pwale, ande ŋinde ne malia nde ŋalae koŋa tia.”

## 12

*Ŋgua tunŋa kaika ŋana wurâta kaiŋa lâ pwareâŋa ne zo sapâŋa*

*Malaka 2:23-28, Luka 6:1-5*

<sup>1</sup> Zo tonje, lâ Juda nenzi pwareâña ne zo sapâña tonje, Yesu tavanzi ne pâri-tamâta soka silâ sipânga kâpwa “wit” ne tâno ngini. I ne pâri-tamâta nde putole ipunzi, kala sisiki kanaño pinde ku sika. <sup>2</sup> Andeta tamâta pinde lâ Parisai ngu nde matanzi ilâ simoranzi siveta mine, aku sipai Yesu tu, “Wa! Ngua tukuña ikeno tu kinda ma taveta wurâta lâ zo sapâña ndimo. Mine nde noko ne pâri-tamâta silaņa sipole ngua tukuña ñinde!” <sup>3</sup> Andeta Yesu iporo ngua taulo panzi tu, “Tiambo miki ñandai kaponu ngua ñana vetâña ñinde timbunda Daviti munga iveta, lâ zo ñinde putole ipu i tavanzi ne ngu, a?” <sup>4</sup> Mao nâ, Daviti ilâ luma sapâña ilo, aku mbau ilâ ikai puroña ñinde kinzi patarawâña tamâta munga sipatarâwa pa Maro Kindeni. Patarawâña tamâta ñalae puroña ñinde ilua Daviti, ñinenğa Daviti ika kunzi ne tamâta. Andeta ngua tukuña ikeno tu kinzi patarawâña tamâta simbonzi nâ ma sika puroña ñinde. <sup>5</sup> Aku tiambo miki kazizâla tava ñana ngua tukuña Mose inğere ñananzi patarawâña tamâta, tiya? Kinzi uru siveta wurâta lâ Maro Kindeni ne luma sapâña ilo ikura pwareâña ne zo sapâña rârâni. Mine nde silaņa sipole tukuña ñana zo sapâña kâ. Andeta kinzi siveta soki ñana ñinde kâ, ande tia. <sup>6</sup> Naņa aporo mao nâ pami; tamâta tonje imo ñai, ande i tamâta ñalae, ipole Maro Kindeni ne luma sapâña. <sup>7</sup> Maro Kindeni kawa ngua ikeno lâ pepa tini mine tu, ‘Naņa tiningu pwâka ñana simbi ñinde miki uru kapatarâwa pa naņa. Taitu naņa ilongu ndo tu miki ma kalomi sukâña ñananzi tinimi pinde ku kasukanzi.’ Ambo miki ma kalomi ngere sondu ñana ngua ñinde ne

duvi, ande miki ma kasowe ŋgua mine lâ tamâta ñine tininzi, ande ma tia. Kinzi ñandai siveta kiesaka ñana ñinde kâ. <sup>8</sup> Ñana tu naña Tamâta Natu akai maro pa pwareâña ne zo sapâña.”

*Yesu iveta tamâta tonje mbalau sakamao ipânga ara lâ pwareâña ne zo sapâña*

*Malaka 3:1-6, Luka 6:6-11*

<sup>9</sup> Yesu ipile nia ñinde, ñinennga iyoka ilâ Juda nenzi luma ñana pasaunja kâ ilo. <sup>10</sup> Aku tamâta tonje imo niani ndaina, i mbalau tonje panzukuma lâ. Anja kinzi Parisai tamâta pinde simo ndaina, aku situ sio Yesu lâ ŋgua nia. Mine kala sikasonja Yesu tu, “Mose ne ŋgua tukuña isâu ñana taveta pukonja tamâta tini ara lâ pwareâña ne zo sapâña, tiya?” <sup>11</sup> Ande Yesu itu lâ kawanzi tu, “Ambo miki nawalami tamâta tonje ne ‘lama’ taitu nâ imo, andeta lama ñinde pata indue mbââ tonje ilo lâ pwareâña ne zo sapâña, ande tamâta ñinde ma isanja ne lama ñinde ku itapa kâki imâ, tiya? Mao nâ, i ma isanja itapa kâki imâ. <sup>12</sup> Ambo taitu lama nde lama nâ, anja lâ Maro Kindeni nao kinzi tamâta nde sipolenzi lama ndo lâ. Mine kala ŋgua tukuña isâu ñana taveta vetâña ara lâ pwareâña ne zo sapâña.” <sup>13</sup> Yesu iporo ŋgua ñine lâ, ñinennga iporo pa tamâta mbalau sakamao ñinde tu, “Kusowea mbalau.” Tamâta ñinde isowea mbalau lâ, aku ndainani nâ mbalau sakamao ñinde ipânga ara lâ, itogo i mbalau tonje mine. <sup>14</sup> Anja kinzi Parisai tamâta nde simandi silâ, ñinennga sipasau ku sipa ŋgua tu ma sipu Yesu pâta imâte.

*Yesu nde Maro Kindeni ne wurâta tamâta mao*  
*Malaka 3:7-12*

<sup>15</sup> Andeta Yesu isama lâ ñana nenzi ñgua ñinde. Mine kala ipile nia ñinde ku iyoka ilâ. Aku tamâta rârâ soka i muli silâ, ande ivetanzi pukonja tamâta rârâni tininzi ara lâ. <sup>16</sup> Andeta Yesu indi kaika panzi tamâta ñinde tu ma situ i parina ilâ panzi tamâta pinde silonjo ndimo. <sup>17</sup> Yesu iveta mine, ande kala Maro Kindeni kawa ñgua munja itula papa ñgua-tulâña tamâta Aisaia ñinde, ande ipânga kanaanjo. Ñgua ñinde nde mine;

<sup>18</sup> “Naña munja apatea tamâta ñine tu imo nanenju wurâta tamâta. Naña tiningu mwasa ndo papa, aku ilonju ndeka ñana. Naña ma ao koranângu ilâ papa i, kala i ma itula ñgua panzi tinikoa ngu ñana vetâña sondo naña uru aveta lâ ñgua nia. <sup>19</sup> I ñana iporo ipambita kunzi tamâta wa iporo ñgua kawa pakâe ñalae panzi, ande ma tia. Kinzi ma silonjo i isarâwa lâ nzâla kawa, ande tia. <sup>20</sup> Ambo taumbwa tonje kambwanje sasa mwata, ande ñinde i ma imbware nuki ndo, ande tia. Ambo sinâla ne ‘wiki’ tonje yââ kana lâ kala mundo nâ ikâki, ande ñinde i ma ipupu imâte puusii kê, ande ma tia. I ma iveta wurâta mine lee, ikura lâ zo ñinde itunzi tamâta rârâni sondo marumbu lâ. <sup>21</sup> Aku kinzi tamâta papa ngu rârâni ma sio nenzi kalo-tawana ilâ papa i, ku ma sio tininzi ñana i ne pavilâña ñinde kê.”

*Kinzi siporo tu Yesu ikai wurâta kuku koroani saka nenzi koipu ñalae*

*Malaka 3:22-27, Luka 11:14-23*

<sup>22</sup> Njine ilâ lâ, njinenḡa tamâta pinde sikai tamâta tonḡe simâ pa Yesu. Tamâta njinde nde koroani saka ipagagara, aku iveta i mata leva-leva wa kawa pasâe wa. Andeta Yesu iveta tamâta njinde tini ara kilo, kala iporo ḡgua pwataki ku mata imora nia kilo. <sup>23</sup> Kinzi tamâta ḡgu ḡlae simo ndaina, ande matanzi simora Yesu ne mâsi njinde. Kinzi wisinzi motutu lâ, aku sipakasonḡa tu, “Opopo, tiambo tamâta njine nde timbunda Daviti ne vâsa njinde kala kinda uru tao tininda ḡana, tiya?” <sup>24</sup> Andeta kinzi Parisai ḡgu tamâta pinde silonḡo ḡgua njine, aku sipainzi tu, “Tamâta njine ikai koroani saka nenzi koipu ḡlae Belsebul ne walo (i ḡa tonḡe Sadana), kala waloni ndaina isuka i ḡana isokinzi koroani saka piti lâ tamâta ilonzi.”

<sup>25</sup> Yesu nde isama kinzi ilonzi pwataki lâ, ande kala ipainzi tu, “Ambo kinzi tamâta nenzi lawea taitu ma sipwa pwataki simo ḡgu rua ku sipara, ande lawea njinde ikura tu imo kaika, ande tia. Ambo tamâta tonḡe natu-timbu ma sipwa pwataki simo ḡgu rua ku sikai kazâḡa pa warakanzi, ande kinzi ḡgu njinde ma sipayaula ndo. <sup>26</sup> Aku mine nâ, ambo Sadana ne ḡgu ma sipwa pwataki simo ḡgu rua ku sikai kazâḡa pa warakanzi, ande i ne ḡgu njinde ma sipayaula ndo. <sup>27</sup> Ayo, miki kaporo tu koroani saka nenzi koipu ḡlae isuka naḡa kala asokinzi koroani saka. Andeta miki kalomi ḡgere sonḡo ḡga; miki Parisai nemi tamâta uru sisokinzi koroani saka piti mine nâ! Mine nde ea uru isuka kinzi, a? Miki nemi tamâta nenzi vetâḡa njinde itula nemi ḡgua njinde kilala pwataki tu soki ndo. <sup>28</sup> Andeta Maro Kindeni ne Koroani Sapâḡa

uru imo kuku naŋa, aku walo ilana ŋana asokinzi koroani saka. Mine nde miki kasama tu Maro Kindeni ne zo ŋana ikai maro panzi tamâta kâ nde imâ ipâŋga pami marumbu lâ!

<sup>29</sup> Tamâta tonŋe ikura tu iyoka kaa nâ ilâ tamâta kaika tonŋe ne luma ilo ku ipanawe i ne kelekele, ande tia. I ma ipa tamâta ŋinde kaika muŋga lâ ŋga. Iveta mine, ŋinenŋa ikura tu ikai ne kelekele rârâni keno i ne luma ilo ŋinde marumbu lâ.

<sup>30</sup> Tamâta ea ipono muli pa naŋa tia, ande i ikai kazâŋa pa naŋa. Aŋga tamâta ea tini pwâka tu isarawanzi tamâta tu simâ pa naŋa, ande i iveta wurâta ŋana inŋaranzi tamâta sikâwa pwapwataki silâ.

<sup>31</sup> Mine kala naŋa aporo mao nâ pami; Maro Kindeni ikura tu izavaru kiesaka rârâni tava ŋgua pavaligiŋa rârâni kinzi tamâta siporo papa i ŋinde piti lâ tininzi. Taitu kalonŋo ŋga; ambo tamâta tonŋe iporo ŋgua pavaligiŋa pa Maro Kindeni ne Koroani Sapâŋa, itogo kala ŋine miki kaporo mine, ande Maro Kindeni ma izavaru tamâta ŋinde ne kiesaka ŋinde piti tia. <sup>32</sup> Mao nâ, tamâta ea iporo ŋgua potomule pa Tamâta Natu, ande Maro Kindeni ikura tu izavaru kiesaka ŋinde piti. Aŋga tamâta ea iporo ŋgua potomule pa Koroani Sapâŋa, ande lâ zo ŋine wa zo muli wa, Maro Kindeni ma izavaru tamâta ŋinde ne kiesaka ŋinde piti, ande ma tia.”

### *Kâi sakamao uru ipula kanaŋo sakamao nâ*

<sup>33</sup> Yesu iporo ŋgua ŋine panzi Parisai tamâta lâ, ŋinenŋa ipainzi tu, “Kâi ara ne kanaŋo nde ara, aŋga kâi sakamao ne kanaŋo nde sakamao. Ambo kinzi tamâta ma simora kâi kanaŋo, ande ma



sisama tu kâi ñinde nde ara, tiya?, sakamao. <sup>34</sup> Miki nde sakamao tamwatami, katogonzi mwâta saka mine! Miki kakura tu kaporo ñgua ara tonje tia ndo! Tamâta kawa ñgua nde itula ilo-kalo ndia ipipi lâ keno i ilo. <sup>35</sup> Mao nâ, tamâta ara ne ilo-kalo ara rârâ nde ipipi lâ keno i ilo, kala i uru iveta vetâña arara. Anja tamâta sakamao ne ilo-kalo sakamao rârâ nde ipipi lâ keno i ilo, kala i uru iveta vetâña sakamao.

<sup>36</sup> Kinzi tamâta rârâni zo pinde siporo ñgua kapa-kapa pinde. Kala ñine apaimi tu lâ zo muli Maro Kindeni ma ionzi tamâta rârâni simandi i ne ñgua nia, aku lâ zo ñinde i ma italeanzi ñana nenzi ñgua ñinde ndoni. <sup>37</sup> Lâ zo ñinde, Maro Kindeni ma iporo panzi tamâta pinde mine tu, ‘Noko tamwata kawa ñgua itula pwataki pa naña tu noko ne soki tonje keno tia.’ Anja ma iporo ñgua panzi tamâta pinde mine tu, ‘Noko tamwata kawa ñgua itula pwataki pa naña tu noko ne soki keno’.”

*Tamâta pinde sino Yesu tu ma iveta mâsi kaika tonje simora*

*Luka 11:29-32*

<sup>38</sup> Yesu iporo ñgua ñine lâ, ñinenja kinzi pananâña tamâta ñana ñgua tukuña kâ pinde, sitavanzi tamâta pinde lâ kinzi Parisai ngu, ande simâ pa Yesu. Aku sipai tu, “Pananâña, maka iloma tu noko ma kuveta mâsi kaika tonje lâ naoma, ñana ma kamora ku kasama tu Maro Kindeni ne walo ikeno pano.”

<sup>39</sup> Andeta Yesu itu lâ kawanzi ku ipainzi tu, “Opopo, kinzi kiesaka tamwatanzi ñandai sio ilonzi kalonzi ilâ mao papa Maro Kindeni nga.

Miki kakasona naŋa ŋana kamora Maro Kindeni ne mâsi kaika tonĝe, a? Naŋa ma atula mâsi kaika tonĝe pa miki tia ndo. Maro Kindeni ma itula mâsi kaika taitu nâ pami, itogo muŋga itula pa ŋgua-tulâŋa tamâta Yona mine. <sup>40</sup> Muŋga, Yona imo iŋa ŋalae tonĝe kapwa ilo ikura kari ŋato lâ; aku naŋa Tamâta Natu kala ma amo mateŋa ne kuru ilo ikura kari ŋato mine nâ. <sup>41</sup> Lâ zo ŋana Maro Kindeni ma ionzi tamâta rârâni lâ i ne ŋgua nia, ande kinzi tamâta muŋga simo Ninive lawea ŋinde ma simandi ŋgua nia ku ma situla miki nemi vetâŋa soki pwataki, ŋana tu kinzi Ninive tamâta muŋga siloŋo Yona itula ŋgua panzi, ŋineŋga sipalele ilonzi kalonzi ndoni ilâ pa Maro Kindeni nâ. Andeta tamâta tonĝe imo ŋai, aku i nde ipole ŋgua-tulâŋa tamâta Yona. <sup>42</sup> Aku mine nâ, lâ zo ŋana Maro Kindeni ma ionzi tamâta rârâni lâ i ne ŋgua nia, ande koipu taine ŋalae kala nanayoni ikai poe panzi lâ Siba tâno ŋinde, ande ma imandi lâ ŋgua nia ku ma itula nemi vetâŋa soki pwataki, ŋana tu koipu taine ŋinde muŋga iyoka pa nia malawae imâ tu ilonĝo timbunda Koipu Ŋalae Solomon itula i ne ilo-kalo ara papa. Andeta tamâta tonĝe imo ŋai, aku i ne ilo-kalo nde ipole Solomon ne ilo-kalo.”

*Kinda warakânda nâ takura tu tapu mulinda pa kiesaka, ande tia*

*Luka 11:24-26*

<sup>43</sup> Ŋineŋga Yesu itambira ŋgua mine tu, “Ambo koroani saka tonĝe ipile tamâta tonĝe ilâ, ande i ma ilâ wa imâ wa lâ nia bilimu, iroroto nia tonĝe ŋana ipwarea kâ. Ambo isânda nia ara tonĝe tia, <sup>44</sup> ande i ma ilo patea mine tu, ‘Ayo, naŋa ma ataulo alâ kilo

pa luma sinnga n̄inde muŋga naŋa amo'. I ma iyoka ilâ, n̄inennga ma isânda lumani ndaina, kinzi sitaka wa sisaŋgarana lâ, aku ikeno ilo kaa nâ. <sup>45</sup> N̄inennga koroani saka n̄inde ma ilâ ikainzi nuwala koroani lima kanaŋonzi rua simâ kuku i. Kinzi n̄inde uru siveta mâsi sakamao ndo, sipole i ne mâsi sakamao n̄inde. Aku kinzi rârâni ma silâ luma n̄inde ilo. Muŋga tamâta n̄inde imo ara koŋa tia, andeta zo n̄inde i ma imo sakamao ndo ikura zo zo. Aku mâsi kie taituni ma ipâŋga panzi tamâta sakamao kala simo lâ zo n̄ine."

*Ea kinzi nde Yesu tina wa tai wa  
Malaka 3:31-35, Luka 8:19-21*

<sup>46</sup> Yesu iporo ŋgua n̄ine panzi tamâta marumbu tia yo, n̄inennga i tina wa tai nde simâ sipâŋga simandi nia yo. Kinzi simâ tu ma siporo ŋgua pa Yesu. <sup>47</sup> Mine kala tamâta tonje imâ ipai Yesu tu, "Kuloŋo, noko tina wa tai nde simâ sipâŋga lâ, kala simandi nia yo. Kinzi ilonzi ŋgua tu siporo pano." <sup>48</sup> Andeta Yesu itu lâ tamâta n̄inde kawa, ku iporo tu, "Naŋa nana mao nde ea. Aŋga naŋa taiŋgu mao nde ea kinzi." <sup>49</sup> N̄inennga Yesu mbau sili isowe iyokenzi ne pâri-tamâta, aku iporo tu, "Naŋa nana wa taiŋgu mao kala simo ŋai. <sup>50</sup> Tamâta ea kinzi uru siveta ikura naŋa Mama Maro Kindeni imo samba ilo n̄inde ne pateâŋa, aku soka i muli, kinzi n̄inde nde sitogo naŋa nana wa mwanenngu wa taiŋgu wa."

## 13

*Ŋgua tambirâŋa ŋana tamâta iliŋi kaniŋa vâsa lâ*

*tâno ilo**Malaka 4:1-20, Luka 8:4-15*

<sup>1</sup> Yesu iporo ngua njine marumbu lâ, njineŋga ipile luma njinde ku iyoka ilâ isañona Galilaya Lââ bwalika pwali, njana ma ipanananzi tamâta. <sup>2</sup> Andeta tamâta ngu njalae tina nde simâ sipasau pasâe ndo lâ i tini. Mine kala Yesu ikâki wânga tonje kulu isañona. Anja kinzi tamâta ngu njalae nde simandi sâwa. <sup>3</sup> Njineŋga Yesu isia ngua tambirâŋa rârâ panzi njana Maro Kindeni ne mâsi njana ikai maro panzi tamâta kâ. Ipainzi tu, “Miki kalonjo nga; tamâta tonje iyoka ilâ ilinji kaniŋa vâsa lâ tâno ilo.

<sup>4</sup> Ilinji ilâ, ande kaniŋa vâsa pinde nde imbe indue nzâla-kawa, aku sii simâ sika marumbu lâ. <sup>5</sup> Anja kaniŋa vâsa pinde nde imbe indue tâno mira-mira. Tâno njinde nde matatola koŋa tia, kala mata ipâŋga walele. <sup>6</sup> Andeta kari ikâki imâ ikana. Aku kâpwa njinde ne mburu-mburu kaika tia, kala ngâla-ngâla ndo lâ, kala imâte. <sup>7</sup> Anja kaniŋa vâsa pinde nde imbe indue wâlo mata-mata ngininzi. Aku wâlo mata-mata njinde ipâŋga njalae ku ilita, kala kanaanjo ipâŋga tia. <sup>8</sup> Anja kaniŋa vâsa pinde nde imbe indue tâno ara kulu, aku ipâŋga njalae ku ipula kanaanjo. Pinde ipula kanaanjo tamâta njalae taitu (100), anja pinde nde ipula kanaanjo tamâta njato (60), anja pinde nde ipula kanaanjo tamâta taitu kanaanjo saŋao (30). <sup>9</sup> Ambo miki taŋami keno, ande kalonjo ngua njine sondo.”

*Yesu ne mâsi njana iporo ngua tambirâŋa nâ, ne duvi*

<sup>10</sup> Yesu iporo ngua njine marumbu lâ, njineŋga ne pâri-tamâta simâ papa ku sikasonja tu, “Mana mana

ngua noko uru kuporo ngua tambirâña nâ panzi tamâta.” <sup>11</sup> Yesu nde iporo taulo tu, “Maro Kindeni itula ngua paveâña ne duvi pwataki pa miki ñana i ne mâsi ñana ikai maro panzi tamâta kâ. Andeta iveta mine panzi tamâta pinde, nde tia. <sup>12</sup> Tamâta ea ikai ne ilo-kalo ñana Maro Kindeni ne vetâña paveâña, ande Maro Kindeni ma ilo-kalo ñalae ilua i, ma ipipi lâ i ilo. Anğa tamâta ea tini pwâka tu ikai ilo-kalo ñinde, ande Maro Kindeni ma ikai tamâta ñinde ne ilo-kalo tini mwata ñinde saje i. <sup>13</sup> Naña uru aporo ngua tambirâña nâ panzi, ñana tu kinzi matanzi silea, andeta sikura tu simora kelekele tonje tia. Kinzi sitambira tañanzi, andeta siloño ngua ku sisama ne duvi, nde tia. <sup>14</sup> Ngua-tulâña tamâta Aisaia muñga ikai Maro Kindeni kawa ku inğere ngua lâ pepa tini ñana kinzi tamâtani ñaina nenzi mâsi ñana siloño nanenğu ngua kâ. Inğere ngua mine tu,

‘Tamâta ngu ñine ma sitambira tañanzi, andeta ma sisama ngua duvi kilala tia. Aku kinzi ma matanzi pareñge, andeta ma simora kelekele tonje tia, <sup>15</sup> ñana tu tamâta ngu ñine ilonzi nde pasâe lâ, aku tañanzi ikai pwapwaka nâ ñana siloño ngua kâ, aku sipono matanzi marumbu lâ. Ambo siveta mine tia, ande ma matanzi simora kelekele, aku tañanzi ma siloño ngua, aku ilonzi ma sisama ngua duvi, ku ma sipalele ilonzi kalonzi simâ pa naña, aku naña ma aveta tininzi ara kilo’.”

<sup>16</sup> Yesu iporo ngua ñine lâ, ñinenğa ipainzi ne pâri-tamâta tu, “Anğa miki nde ma kandeka nâ, ñana tu Maro Kindeni iveta miki matami ikura tu kamora

kelekele, aku iveta taŋami ikura tu kalonjo ŋgua. <sup>17</sup> Naŋa aporo mao nâ pami; lâ zo muŋgâŋa, kinzi ŋgua-tulâŋa tamâta rârâ sitavanzi kinzi tamâta rârâ uru soka Maro Kindeni ne ŋgua muli, kinzi ŋinde ilonzi ndo tu simora vetâŋa kala zo ŋine miki kamora ŋine, andeta simora tia. Aku ilonzi ndo tu silonjo ŋgua kala ŋine miki kalonjo ŋine, andeta silonjo tia.”

*Ŋgua tambirâŋa ŋana vâsa liŋiŋa kâ, ne duvi*

<sup>18</sup> Ŋineŋga Yesu ipainzi ne pâri-tamâta tu, “Kala ŋine miki kalonjo, ma natula ŋgua tambirâŋa ŋana tamâta iliŋi kaniŋa vâsa lâ tâno ilo ŋinde ne duvi pwataki pami. <sup>19</sup> Tamâta ea ilonjo ŋgua ŋana Maro Kindeni ne mâsi ŋana ikai maro panzi tamâta kâ, andeta izizâla ŋana ŋgua ŋinde ne duvi kilala, ande tamâta ŋinde itogo kaniŋa vâsa ŋinde imbe indue nzâla-kawa. Sadana imâ walele nâ ku ikaweŋa ŋgua ŋinde Maro Kindeni muŋga ipau lâ tamâta ŋinde ilo, aku ikai ikâwa ilâ. <sup>20</sup> Aŋga tamâta ea ilonjo nanenŋu ŋgua ŋine aku ikai walele nâ ku indeka, ande tamâta ŋinde itogo kaniŋa vâsa ŋinde imbe indue tâno mira-mira. <sup>21</sup> Tamâta ŋinde ikai ŋgua ŋinde kaika tia. Mine kala i imo tini nâ, aŋga muli ŋga tamâta pinde simâ, situ malia silua wa siveta kenzi sakamao papa ŋana i ne kalo-tawana kâ. Mine kala tamâta ŋinde ne kalo-tawana nde imbe walele nâ. <sup>22</sup> Aŋga tamâta ea ilonjo nanenŋu ŋgua ŋine, andeta ilo ŋalae ŋana tâno ne kelekele, ande tamâta ŋinde itogo kaniŋa vâsa ŋinde imbe indue wâlo mata-mata ŋgininzi. I ne ilo-kalo ŋinde iveta kalo-lokoni papa i ŋana igona ne mbaliŋa rârâ, kala i uru iveta vetâŋa ara pinde, ande tia. <sup>23</sup> Aŋga

tamâta ea ilonjo Maro Kindeni ne ngua ku isama ngua njine ne duvi kilala sondo, ande tamâta njinde itogo kaniņa vâsa njinde imbe indue tâno ara kulu. Kinzi tamâta njinde uru siveta vetâņa ara rârâ, itogo kanaņonzi mine. Pinde siveta vetâņa tamâta njalae taitu (100), anņa pinde siveta vetâņa tamâta njato (60), anņa pinde siveta vetâņa tamâta taitu kanaņo saņao (30).”

*Ngua tambirâņa njana unza sakamao ipâņa tâno ilo*

<sup>24</sup> Yesu itambira ngua tonje kilo panzi tamâta mine tu, “Maro Kindeni ne mâsi njana ikai maro panzi tamâta kâ, ande itogo tamâta tonje iliņi kaniņa vâsa ara lâ ne tâno ilo. <sup>25</sup> Iliņi lâ, njineņa mbo tonje, kinzi tamâta sikeno utu lâ, andeta tâno warika njinde ne kazâņa tamâta nde imâ, aku iliņi unza sakamao vâsa ilâ kaniņa njiginzi. Iliņi lee marumbu lâ, njineņa ikâwa ilâ. <sup>26</sup> Aku muli, njineņa kaniņa njinde ipâņa kundu ramu aku kanaņo, andeta kinzi wurâta tamâta matanzi ilâ simora unza sakamao ipagema kuku. <sup>27</sup> Aku kinzi wurâta tamâta silâ papa tâno warika ku sipai tu, ‘Ayo, tamâta njalae, maka iloma patea tu noko munja kuliņi kaniņa vâsa ara tâ ilâ noko ne tâno ilo. Andeta mana mana nņa unza sakamao njinde ipâņa ipagema kuku.’

<sup>28</sup> Aku tâno warika ipainzi tu, ‘Nanenğu kazâņa tamâta tonje iveta njinde’. Njineņa i ne wurâta tamâta sikasonja tu, ‘Ayo, noko ilo tu maka ma kalâ kamburu unza sakamao njinde piti ku kasau ilâ taitu, tiya?’ <sup>29</sup> Andeta tâno warika ileleanzi ku ipainzi tu, ‘Kaveta mine ndimo. Ambo miki ma

kakai wurâta ñana kamburu unza sakamao, ande ma kamburu kâpwa ara tona. <sup>30</sup> Mine nde miki ma kapile ruani sipânga simandi taitu lee, mambo zo ñana kâpwa gonâña kâ. Ñineŋga lâ zo ñinde, ande naña ma apainzi nanenġu wurâta tamâta ñana kâpwa gonâña kâ tu, “Miki kalâ kasau unza sakamao ndoni ilâ taitu muŋga lâ ŋga, ñineŋga walele nâ kapa wâra-wâra ku karumbia kana lâ. Kaveta mine lâ, ñineŋga kagona kâpwa kanaŋo ilâ taitu, ku kao ilâ nanenġu luma ñana kâpwa kâ ilo”.’ ”

*Ñgua tambirâña ñana kaniña “mastet” vâsa kâ  
Malaka 4:30-32*

<sup>31</sup> Yesu iporo ñgua tambirâña tonġe kilo panzi tamâta mine tu, “Maro Kindeni ne mâsi ñana ikai maro panzi tamâta kâ nde itogo kaniña vâsa tonġe, i ña tu ‘mastet’. Tamâta tonġe ikai mastet vâsa tonġe, aku ilâ ipau lâ ne tâno ilo. <sup>32</sup> Mastet vâsa ñandai irerege kuku kâi pinde nenzi kapula ŋga; ñinde nde mota mwata. Andeta muli, ñineŋga kâi ñinde ipânga ñalae, aku i ne luandondo nde ipolenzi kaniña kie-kie ndoni uru sipau lâ tâno ilo. Ipânga kâi, kala kinzi sii kie-kie uru sipagona simâ sisanġona ne laka kulu.”

*Ñgua tambirâña ñana “yisi” kâ  
Luka 13:20-21*

<sup>33</sup> Yesu iporo ñgua tambirâña tonġe kilo panzi tamâta mine tu, “Maro Kindeni ne mâsi ñana ikai maro panzi tamâta kâ ande itogo ‘yisi’. Taine tonġe ikai yisi ñinde ku igema tona puroña kulo ñalae tonġe. Igema lee, ñineŋga puroña ñinde ndoni ipondi kâki.”



*Yesu iporo ngua tambirâña nâ panzi tamâta ngu ngu*

<sup>34</sup> Yesu iporo ngua ñinde ndoni panzi tamâta lâ ngua tambirâña nâ. Itula ngua tonje duvi pwataki panzi, ande tia; iporo ngua tambirâña nâ. <sup>35</sup> Aku Yesu ne vetâña ñinde nde iyoke ngua tonje munga ngua-tulâña tamâta tonje itula. Ngua-tulâña tamâta ñinde ikai Maro Kindeni kawa ngua ku iporo mine tu,

‘Naña ma aporo ngua tambirâña nâ pami. Mao nâ, naña ma atula ngua pinde duvi pwataki, ngua ñinde ikeno paveâña lâ zo ñinde naña apulia samba wa tâno wa, aku ikeno paveâña mine lee ikura lâ zo ñine.’

*Ngua tambirâña ñana unza sakamao kâ, ne duvi*

<sup>36</sup> Ninenğa Yesu ipilenzi tamâta ngu ñinde, aku ilâ luma ilo. Ninenğa i ne pâri-tamâta simâ papa ku sipai tu, “Kupanana maka ñana ngua tambirâña ñana unza sakamao ipânğa tâno ilo kâ ñinde ne duvi.”

<sup>37</sup> Yesu nde itu lâ kawanzi tu, “Tamâta ñinde iliñi kaniña vâsa ara, ande itogo Tamâta Natu.

<sup>38</sup> Anğa i ne tâno ñinde nde itogo tâno ndoni. Anğa kaniña vâsa ara nde itogonzi tamâta ñinde Maro Kindeni uru ikai maro panzi. Anğa unza sakamao nde itogonzi tamâta ñinde Sadana uru ikai maro panzi. <sup>39</sup> Kazâña tamâta ñinde kala iliñi unza vâsa sakamao, ande itogo Sadana tamwata.

Anğa zo ñana sigona kâpwa kâ nde itogo tâno ñine ne zo marumbu. Anğa kinzi wurâta tamâta ñana sigona kâpwa kâ nde sitogonzi Maro Kindeni ne anelo. <sup>40</sup> Kinzi wurâta tamâta nde sigona unza sakamao sirumbia lâ; aku lâ zo muli ñana tâno ne

zo marumbu kâ, ande kinzi aᅇelo kala ma siveta mine nâ. <sup>41</sup> Lâ zo ᅇinde, naᅇa Tamâta Natu ma aonzi nanenᅇu aᅇelo silâ, aku ma sigonanzi kinzi tamâta rârâni uru siveta kiesaka, sitavanzi tamâta rârâni uru siveta tamâta pinde simbe ᅇana kiesaka kâ. <sup>42</sup> ᅇineᅇga kinzi aᅇelo ma sikainzi kiesaka tamwatanzi ᅇinde rârâni, ku ma sitambiranzi silâ pa yââ ᅇalae ne mbââ ilo. Lâ nia ᅇinde, kinzi tamâta ᅇinde ma sita pâta kanaᅇo, aku ma niᅇonzi giri-giri ᅇana sikai nâna kâ. <sup>43</sup> Aᅇga kinzi tamâta uru soka Maro Kindeni ne ᅇgua muli ᅇinde, ande kinzi ma tininzi sinala nia itogo kari mine, lâ tâno wasaseki tamanzi Maro Kindeni ma muli ipulia ᅇinde. Ambo miki taᅇami keno, ande kaloᅇo ᅇgua ᅇine sondo.”

*Yesu itambira ᅇgua rua, ne duvi mine: ambo Maro Kindeni ikai maro pa kinda, ande ᅇinde nde arando*

<sup>44</sup> Yesu itambira ᅇgua mine tu, “Maro Kindeni ne mâsi ᅇana ikai maro panzi tamâta kâ, nde itogo ᅇine: zo toᅇge, tamâta pinde sikai mbumbu rârâ ku sikea lâ tâno toᅇge ilo. Mbumbu ᅇinde ikeno lee, ᅇineᅇga zo toᅇge, tamâta toᅇge isânda kulu lâ. Aku walele nâ tamâta ᅇinde ilâ ku ivea kilo lâ tânoni ndaina ilo. I nde indeka pâta lâ, aku ilâ imbalaᅇa ne kelekele rârâni ku ikai mbumbu ᅇana. ᅇineᅇga ilâ ku iko tâno ᅇinde.” <sup>45</sup> Aku Yesu itambira ᅇgua kilo mine tu, “Aku Maro Kindeni ne mâsi ᅇana ikai maro panzi tamâta kâ, nde itogo mine: tamâta toᅇge uru iroto ᅇana mbote-mbote ara pâta tu iko kâ. <sup>46</sup> Imo lee, ku zo toᅇge, i mata imora mbote-mbote toᅇge ara matea nâ. Aku ilâ imbalaᅇa ne

kelekele ndoni ku ikai mbumbu nana. Ninennga ilâ ku iko mbote-mbote ara ninde.”

*Ngua tambirâna nana viâna kâ*

<sup>47</sup> Yesu itambira ngua mine tu, “Aku Maro Kindeni ne mâsi nana ikai maro panzi tamâta kâ, nde itogo viâna tonje kinzi tamâta pinde sitambira ndue lââ bwalika ilo ku ingenzi inja kie-kie.

<sup>48</sup> Viâna pipi lâ, ninennga sitapa imâ itoa sâwaneka. Ninennga lambunzi ndue sisaŋona ku sipateanzi inja ara sigona lâ kondo tonje ilo. Anja inja sakamao nde sikai siliŋi lâ. <sup>49</sup> Aku lâ zo muli nana tâno ne zo marumbu kâ, ande ma vetâna mine nâ ipânga. Maro Kindeni ne aŋelo ma silâ sipateanzi kinzi kiesaka tamwatanzi ninde muŋga simo tamâta ara nginginzi, ku ma sikainzi piti, <sup>50</sup> ninennga ma sitambiranzi silâ pa yââ ŋalae ne mbââ ilo. Lâ nia ninde kinzi tamâta ma sita pâta kanaŋo, aku ma niŋonzi giri-giri nana sikai nâna kâ.”

<sup>51</sup> Ninennga Yesu ikasonanzi ne pâri-tamâta tu, “Miki kasama ngua rârâni nje ne duvi, tiya?” Ande kinzi sisâu papa tu, “Maka kasama lâ.”

<sup>52</sup> Aku Yesu isia ngua panzi mine tu, “Mine kala kinzi pananâna tamâta nana ngua tukuŋa kâ ninde ilonzi tu Maro Kindeni ma ikai maro panzi, ande kinzi rârâni sitogo luma tonje warika. I uru ilâ ne luma ilo ku ikai kelekele wasaseki tava kelekele siŋga yâti ipânga nia yo.”

*Kinzi tamâta lâ Nasarete lawea sipu mulinzi pa Yesu*

*Malaka 6:1-6, Luka 4:16-32*

<sup>53</sup> Yesu iporo ngua tambirâna ninde lâ, ninennga ipile lawea ninde, <sup>54</sup> aku itaulo ilâ pa i tamwata

ne lawea tina Nasarete kilo. Ipângã Nasarete lâ, ñinenğa iveta wurâta ñana ipanananzi tamâta lâ nenzi luma ñana pasauņa kâ ilo. Kinzi nde siloņo Yesu iporo ñgua panzi, aku wisinzi motutu lâ. Kinzi siveta “a” papa ku siporo warakanzi nenzi mine tu, “Opopo! Ilo-kalo wa mâsi kaika ndoni ñinde, ande tamâta ñine ikai lâ nia ndia, a?” <sup>55</sup> Tiambo tamâta ñine tama nde nawalânda tamâta ñinde uru ipa luma, tiya? Tiambo Maria nde i tina, tiya? Tiambo Yamesi, aņa Yosepe, aņa Saimon, aņa Judas nde i tai kinzi, tiya? <sup>56</sup> Tiambo i mwane rârâni nde simo ñai kuku kindã, tiya? Mine nde ikai ilo-kalo wa kaika ñinde lâ nia ndia, a?” <sup>57</sup> Kinzi siporo ñgua mine rârâ, aku sipu mulinzi pa Yesu. Aņa Yesu nde ipainzi tu, “Kinzi tamâta simo lawea ndoni nde ilonzi ara pa ñgua-tulâņa tamâta; taitu kinzi tamâta lâ i tamwata ne lawea tina wa i see wukale wa, kinzi ñinde ilonzi ara papa i, ande tia.” <sup>58</sup> Kinzi tamâta lâ Nasarete lawea sio nenzi kalo-tawana ilâ pa Yesu, ande tia. Mine kala iveta mâsi kaika rârâ pinde lâ lawea ñinde, ande tia.

## 14

*Yoane Lââ-Liliņa Tamwata imâte lâ  
Malaka 6:14-29, Luka 9:7-9*

<sup>1</sup> Pa zo ñinde, Koipu Ñalae Herot ikai koipu panzi tamâta simo tâno ñinde. Aku Herot iloņo Yesu parina. <sup>2</sup> Mine kala ipainzi ne wurâta tamâta tu, “Opopo, Yoane Lââ-Liliņa Tamwata imandi sânda lâ materņa nianzi imo via kilo tâ, kala ikai walo ikura ñana iveta mâsi kaika ñinde.”

<sup>3-4</sup> Herot ne ŋgua ŋine nde duvi mine: muŋga, i tai Pilip ikai taine toŋge, i ŋa tu Herodias, andeta muli ŋga Herot ikai taine ŋinde saŋe Pilip, aku rua sipakâe. Mine kala Yoane Lââ-Liliŋa Tamwata uru ilelea Herot mine tu, “Ŋana sâ kâ ŋga noko pwai taine ŋinde, a? Mâsi mine nde ara tia ndo!” Herot wisi nâna ŋana Yoane ne ŋgua ŋine, kala isupwanzi ne zugu tamâta sikai Yoane kaika ku sipa lâ wâlo kaika sio lâ luma sakamao ilo. <sup>5</sup> Herot nde ilo tu ma ipu Yoane pâta imâte, andeta iruru ŋananzi Juda tamâta, ŋana tu kinzi kalonzi tawana tu Yoane nde ŋgua-tulâŋa tamâta.

<sup>6</sup> Simo lee ku zo toŋge, ŋinenŋa tamâta pinde silâ kuku Herot ŋana sindeka ku sika kâŋa-nuŋa ŋalae ŋana i ne zo muŋga tina ipagugua i kâ. Aku lâ zo ŋinde, i kaiwa Herodias natu taine ikina kiniŋa panzi tamâta ŋinde. Aku Herot ilo yosi pa taine taipa ŋinde. <sup>7</sup> Mine kala Herot iveta ne ŋgua pâŋa kaika papa taine ŋinde mine tu, “Naŋa aporo mao pa âta, sâ kelekele toŋge noko ilo papa ku kuno naŋa, ande ma alano.” <sup>8</sup> Andeta taine taipa ŋinde tina io ŋgua pinde lâ natu kawa, kala taine taipa ipai Herot tu, “Noko ma kuo Yoane Lââ-Liliŋa Tamwata kulu kâmba lâ kondo toŋge ilo, aku ŋine nâ kutula pa naŋa.”

<sup>9</sup> Taine iporo ŋgua ŋine lâ, aku Herot ilo malia ndo. Andeta i ilo ŋana ne ŋgua pâŋa muŋga iveta lâ tamâta sisaŋona sika kâpwa kuku i ŋinde naonzi. Mine kala isupwanzi ne sambara tu siveta ikura taine ne ŋgua ŋinde. <sup>10</sup> Kinzi sambara ŋinde silâ luma sakamao ilo, aku sitoto Yoane ŋandola utu lâ. <sup>11</sup> Ŋinenŋa sikai Yoane kulu kâmba sio lâ kondo toŋge ilo, aku sikai silâ situla pa taine taipa ŋinde.

Njineŋga taine ikai ilâ itula pa tina. <sup>12</sup>Yoane ne pâri-tamâta siloŋo ŋgua tu Yoane ŋga imâte lâ, njineŋga simâ sikai i karae silâ sikea. Sikea lâ, njineŋga sikai pâri silâ siporo pa Yesu.

*Yesu kâpwa ilanzi tamâne 5,000*

*Malaka 6:30-44, Luka 9:10-17, Yoane 6:1-14*

<sup>13</sup>Yesu iloŋo ŋgua tu Yoane Lââ-Liliŋa Tamwata nde imâte lâ, njineŋga ikainzi ne pâri-tamâta ku sipile lawea ŋinde. Aku soka paveâŋa nâ sikai wâŋga silâ ku sitoa lâ nia bilimu tonŋe. Andeta kinzi tamâta ŋgu ŋalae siloŋo pâri tu Yesu ikai wâŋga ilâ pa nia ŋinde. Tia ku sipile nenzi lawea lawea ku soka nzâla silâ pa nia kala Yesu ilâ papa ŋinde.

<sup>14</sup>Anŋa Yesu ilâ lee itoa tina tini lâ, njineŋga mata ilâ imoranzi tamâta ŋgu ŋalae simuŋga simâ kala simo ŋinde. Aku i kalo sukâŋa ŋalae ŋananzi, kala ivetanzi nenzi pukonŋa tamâta tininzi ara kilo.

<sup>15</sup>Simo lee, ku kari indue lala lâ, njineŋga Yesu ne pâri-tamâta simâ kuku ku sipai tu, “Wa, kari ŋga indue lala lâ, aku nia ŋgaŋe ŋine tamâta simo tia. Mine nde kuonzi tamâta silâ, aku ma siroto ŋana nia wa lawea ŋana sipako kapwanzi sika.”

<sup>16</sup>Andeta Yesu itu lâ kawanzi aku ipainzi tu, “Kinzi ma simo ŋaina nâ; miki warakami nâ kasuanzi.” <sup>17</sup>Ande kinzi siporo taulo tu, “Opopo, maka kapwama puroŋa lima ŋga iŋa rua nâ kala keno pama!” <sup>18</sup>Andeta Yesu ipainzi tu, “Kakai kâpwa ŋinde kamâ ŋai kalana.”

<sup>19</sup>Sikai simâ silua Yesu, njineŋga Yesu ipainzi tamâta tu lambunzi ndue sisanŋona unza kulu. Sisanŋona lâ, njineŋga Yesu ikai puroŋa lima tava iŋa rua ŋinde kâki. Aku Yesu mata kâki pa samba ku

kawa ndanġe pa Maro Kindeni, nġineġa ipwataki puroġa ilanġi ne p ari-tam ata, aku siwae panġi tam ata. Aku iġa rua kala siwae panġi tona. <sup>20</sup> Aku kinġi tam ata r ar ani sika lee kapwanġi pupuro l a. Nġineġa kinġi p ari-tam ata sigona k pwa pinde keno mo  ai yo, kinġi tam ata kapwanġi pupuro kala sika tia, aku ikura  ġ mo san o kanna o rua ilonġi pipi l a. <sup>21</sup> Kinġi tam ane kala sika k pwa nġinde kambwan enġi nde ikura 5,000 mine. Aku nenġi taine wa l alu nde sika kunġi tona.

*Yesu iyoka l a bwalika kulu*

*Malaka 6:45-52, Yoane 6:15-21*

<sup>22</sup> Sika marumbu l a, nġineġa walele n a Yesu ipainġi ne p ari-tam ata tu ma sik aki w nġa kulu ku simunġa simbwaliu sil  papa l a bwalika tini pinde. Anġa i tamwata nde itu ionġi tam ata mbo sil  nġa. <sup>23</sup> Yesu ionġi tam ata r ar ani sil  l a, nġineġa i simbo n a ik aki tuu tonġe kulu  ana ikai non a k . Lala pararai l a, aku Yesu simbo n a imo tuu kulu. <sup>24</sup> Anġa w nġa nde il  lee ip nġa l a bwalika nġini, nġineġa lawea  alae imandi aku k la itinġi w nġa kaika. Mine kala kinġi p ari-tam ata simak sa  alae  ana sipoe sikundua lawea k . <sup>25</sup> Simak sa sipoe lee, ku mbwale-mbwale k , nġineġa Yesu iyoka l a bwalika kulu il  panġi. <sup>26</sup> Kinġi matanġi il  simora Yesu iyoka l a bwalika kulu im  panġi, kala tin-inġi ruru. Siruru p ata ku siporo tu, “Nġine nde bar we ma!”, aku sitara p ata kanna o. <sup>27</sup> Andeta walele n a Yesu ipainġi tu, “Wa, miki tinimi kaika, karuru ndimo! Nġine nde nan ani warak nġu!”

<sup>28</sup> Ande Petero itu l a kawa ku ipai tu, “Maro  alae, ambo nġine nde nokoni, ande kupai nan a

tu ayoka lââ kulu amâ pano.” <sup>29</sup> Aku Yesu ipai tu, “Kumâ!” Ninennga Petero ipile wânnga ku iyoka lââ bwalika kulu imâ pa Yesu. <sup>30</sup> Petero imâ lee, ninennga mata indue imora kâla kâki njae, aku iruru. Ninennga imbwatuke tini mwata lâ lââ ilo. Iruru pâta kala isuja kawa ino Yesu tu, “Maro Njae, kuvilana!”

<sup>31</sup> Aku walele nâ Yesu io mbau ilâ isanja Petero, aku ipai tu, “Opopo, noko ne kalo-tawana nde mota mwata. Mana mana nga noko ilo rua-rua, a?” <sup>32</sup> Kinzi rua sisonnga sikâki wânnga kulu, aku ndainani nâ lawea kautu lâ. <sup>33</sup> Kinzi pâri-tamâta simo wânnga kulu ninde nde matanzi simora mâsi njae ninde, aku sipanea Yesu sipai tu, “Mao nâ, Maro Kindeni Natu kala nokoni!”

*Yesu ivetanzi pukonja tamâta tininzi ara lâ Genesaret lawea*

*Malaka 6:53-56*

<sup>34</sup> Ninennga Yesu tavanzi ne pâri-tamâta simb-waliu silâ sitoa Genesaret lawea. <sup>35</sup> Kinzi tamâta papa nia ninde sisama Yesu kilala lâ. Mine kala sipasupwa ilâ panzi lawea rârâni ikeno laiti, aku kinzi tamâta lâ lawea ninde sikainzi nenzi pukonja tamâta rârâni simâ pa Yesu. <sup>36</sup> Kinzi sino Yesu tu, “Noko ma kusâu panzi pukonja tamâta njine tu sio mbaunzi nâ ilâ sitanjo noko ne pasawanja njanje.” Isâu lâ, aku kinzi pukonja tamâta ea sitanjo Yesu ne pasawanja njanje ninde, ande kinzi ninde rârâni tininzi ara kilo.

## 15

*Maro Kindeni ne ngua tukuja ipole timbunda*



*nenzi vetâŋa siŋga**Malaka 7:1-13*

<sup>1</sup> Lâ zo ŋinde, kinzi tamâta pinde lâ Parisai ŋgu wa kinzi pananâŋa tamâta ŋana ŋgua tukuŋa kâ pinde sipile Jerusalem, aku sindue simâ pa Yesu. Sisânda Yesu kulu lâ, ŋinenŋa sikasonŋa tu, <sup>2</sup> “Mana mana ŋga noko ne pâri-tamâta silaŋa sipole timbunda nenzi vetâŋa muŋgâŋa, a? Lâ zo ŋana sika kâpwa, ande noko ne pâri-tamâta ŋandai sipua mbalaunzi lâ ŋga sika.”

<sup>3</sup> Andeta Yesu itu lâ kawanzi ku ipainzi tu, “Mana mana ŋga miki uru koka timbumi nenzi vetâŋa nâ muli, aku kalaŋa kapole Maro Kindeni ne ŋgua tukuŋa, a?” <sup>4</sup> Yesu iporo ŋgua ŋine lâ, ŋinenŋa itula nenzi vetâŋa soki tonŋe pwataki mine tu, “Maro Kindeni muŋga iporo tu, ‘Noko ma kupaloŋo pa tina-tama kawanzi ŋgua. Ambo tamâta tonŋe iporo soki panzi tina-tama, ande kinzi katonâŋa ma sipu i pâta imâte.’ <sup>5</sup> Anŋa miki uru kapanananzi tamâta ŋgua kie tonŋe. Miki uru kaporo tu, ‘Ambo tamâta tonŋe ne mbaliŋa keno ŋana isukanzi tina-tama, andeta tamâta ŋinde ilo patea tu mbaliŋa ŋinde ma io ilâ pa Maro Kindeni, <sup>6</sup> ande ara ŋana ipu muli panzi tina-tama’. Opopo, miki uru kasâu ŋana mâsi soki ŋinde, ande kala miki katoto Maro Kindeni ne ŋgua tukuŋa utu, aku kasuka warakami nemi vetâŋa kâki. <sup>7</sup> Miki kawami kaporo ŋgua kie tonŋe, anŋa ilomi nde keno piti! Ŋgua-tulâŋa tamâta Aisaia muŋga ikai Maro Kindeni kawa ku itula miki kilalami pwataki sondo mine tu,

<sup>8</sup> ‘Kinzi ŋgu ŋine uru sipanea naŋa koa tia nâ lâ kawanzi, anŋa ilonzi nde keno pa naŋa tia

ndo.

<sup>9</sup> Kinzi uru situla tamâta nâ nenzi ngua tukuŋa, aku siporo tu, “Maro Kindeni kawa ngua kala njine”. Mine kala sipanea naŋa koa tia nâ.’ ”

*Kelekele ndia iveta tamâta ilo muso*

*Malaka 7:14-23*

<sup>10</sup> Njineŋga Yesu isarâwa panzi tamâta tu simâ kuku, aku ipainzi tu, “Miki kalonjo nanenğu ngua, aku kalomi ngere sonde nga. <sup>11</sup> Kelekele ndia iyoka tamâta kawa indue pa kapwa ilo, ande njinde ikura tu iveta muso papa i lâ Maro Kindeni nao, ande tia. Anja ilo-kalo wa ngua ndia ikeno tamâta ilo nga iyâti pa nia yo, ande njinde nâ ikura tu iveta muso papa i lâ Maro Kindeni nao.”

<sup>12</sup> Yesu iporo ngua njine lâ, njineŋga i ne pâri-tamâta simâ papa ku sipai tu, “Wa, kinzi Parisai tamâta silonjo noko ne ngua njinde, aku ilonzi makisa jana. Tiambo noko kusama njine tia, a?”

<sup>13</sup> Andeta Yesu itu lâ kawanzi ku isia ngua njananzi Parisai tamâta mine tu, “Naŋa mama imo samba ilo, aku i ne tâno kala njine. Mine nde kelekele ndia kinzi tamâta sipau lâ i ne tâno njine, ande muli i tamwata ma imburu njinde ndoni.

<sup>14</sup> Mine nde miki kapilenzi Parisai tamâta njinde simo. Kinzi matanzi leva-leva, andeta situ situla nzâla panzi tamâta pinde matanzi leva-leva mine nâ. Ambo tamâta leva-leva tonje itogo tu itula nzâla papa tamâta leva-leva tonje, ande kinzi ruani ma patanzi sindue mbââ ilo.”

<sup>15</sup> Njineŋga Petero ipai Yesu tu, “Ngua tambirâŋa kala noko kutula panzi Parisai njinde, ande kutula njinde ne duvi pwataki pa maka kalonjo.” <sup>16</sup> Andeta Yesu ipai tu, “Opopo, miki warakami kala ilomi

kalomi ipânnga tia yo, a? <sup>17</sup> Tiambo miki kasama ñine tia tâ; kelekele rârâni tamâta sika lâ kawanzi, ande ñinde indue pa kapwanzi ilo, ku mbusalinzi simbariņa lâ. <sup>18</sup> Anğa ilo-kalo wa ñgua ndia kinzi tamâta siporo lâ kawanzi, ande ñinde iyoka tamâta ilonzi nga iyâti pa nia yo. Kelekele ñinde nâ ikura tu iveta muso papa tamâta lâ Maro Kindeni nao. <sup>19</sup> Mao nâ, kinzi tamâta nenzi ilo-kalo sakamao uru igagatinzi ñana sipunzi tamâta pâta simâte wa, sipanawe tamâta kaiwanzi wa, sipalulua tininzi potomule wa, sipanâwe wa, siporo ñgua lanęņa wa, situ tamâta luginanzi wa. <sup>20</sup> Vetâņa sakamao kiekie ñinde rârâni nde iveta muso papa tamâta lâ Maro Kindeni nao. Taitu miki kalonjo nga; ambo tamâta ipua mbalua tia ñinenęņa ika, ande ñine iveta muso papa i lâ Maro Kindeni nao, ande tia.”

*Tinikoa ngu taine tonęęe kalo tawana Yesu (Kinzi Juda uru siporo tu ngu ñinde nde sitogonzi mbwâmbwa)*

*Malaka 7:24-30*

<sup>21</sup> Yesu ipile Genesaret lawea, ñinenęņa iyoka ilâ pa tâno ñinde Tair lawea nga Saidon lawea keno ñinde. <sup>22</sup> Ipânnga nia ñinde lâ, ñinenęņa Kenan ngu taine tonęęe, i uru imo nia ñinde, ande imâ pa Yesu ku isarâwa tu, “Tamâta Nalae, noko Daviti ne vâsa, kalo sukâņa ñanana! Koroani saka tonęęe ipagagara naņa natunęęu taine lâ, kala iveta malia wa nâna ñalae tina papa.” <sup>23</sup> Andeta Yesu iporo ñgua tonęęe lâ taine ñinde kawa, ande tia. Mine kala Yesu ne pâri-tamâta simâ papa ku sipai tu, “Wa, taine ñine imo isasarâwa nâ itawa kinda imâ. Kunjara ilâ tâ!”

<sup>24</sup> Ande Yesu iporo mine tu, “Maro Kindeni isupwa naŋa amâ ŋananzi Isrel ŋgu simbonzi nâ. Kinzi ŋinde sitogonzi ‘lama’ sisapiri kala soka potomule siroroto ŋana nzâla kâ.” <sup>25</sup> Ninenŋa taine ŋinde imâ Yesu tini laiti aku ipare tuku papa, aku ino papa kilo tu, “Tamâta Njalae, kuvilana!” <sup>26</sup> Ninenŋa Yesu isia ŋgua papa tu, “Ambo sikai lâlu kapwanzi ku siliŋi ilâ panzi mbwâmbwa, ande ŋine nde ara tia.” <sup>27</sup> Andeta taine ipai Yesu tu, “Tamâta Njalae, noko kuporo mao nâ; ambo taitu kinzi mbwâmbwa uru sika kâpwa punu-punu ŋinde lâlu sika ambo iyauru indue tamanzi nenzi peke kalo.” <sup>28</sup> Ninenŋa Yesu ipai taine ŋinde tu, “Taine, noko ne kalo-tawana nde ŋalae ŋinde! Vetâŋa ŋine noko ilo tu aveta pano, ande ma aveta.” Aku lâ zoni ndaina, koroani saka ipile taine ŋinde natu taine ikâwa ilâ, aku natu tini ara kilo.

*Yesu ivetanzi pukonŋa tamâta rârâ tininzi ara kilo  
Malaka 7:31-37*

<sup>29</sup> Yesu ipile lawea ŋinde ku iyoka ilâ pa Galilaya Lââ bwalika pwali. Ninenŋa iyoka ilâ ikâki tuu tonŋe kulu isanŋona. <sup>30</sup> Aku kinzi tamâta ŋgu ŋalae simâ papa, aku sikai nenzi pukonŋa tamâta tava simâ kunzi. Sikainzi tamâta pinde kenzi sakamao, aŋga tamâta pinde matanzi leva-leva, aŋga tamâta pinde kenzi tuka simwanŋi, aŋga tamâta pinde kawanzi siporo ŋgua tia, aŋga tamâta pinde nenzi pukonŋa kie-kie rârâ tona; sikainzi tamâta rârâni ŋinde simâ sionzi ndue simo Yesu tini laiti. Aku Yesu ivetanzi tamâta ŋinde rârâni tininzi ara kilo. <sup>31</sup> Kinzi tamâta ŋgu ŋalae simora Yesu ne mâsi ŋinde. Simora tu ivetanzi tamâta ŋinde kawanzi

munğa siporo ngua tia, ande siporo ngua kilo; anğa ivetanzi tamâta ninde tukanzi munğa simwanġi, ande tukanzi sondo kilo; anğa ivetanzi tamâta ninde kenzi munğa sakamao, ande soka kilo; anğa ivetanzi tamâta ninde matanzi munğa leva-leva, ande simora nia kilo. Mine kala kinzi ngu njalae wisinzi motutu, aku sipanea Isrel nenzi Maro Kindeni.

*Yesu kâpwa ilanzi tamâne 4,000*

*Malaka 8:1-10*

<sup>32</sup> Ninenġa Yesu isarâwa panzi ne pâri-tamâta tu simâ kuku, aku ipainzi tu, “Naņa kalonġu sukâņa njananzi tamâta ngu njalae njine, njana tu kinzi simo kuku naņa ikura kari njato lâ, aku kapwanzi njana sika kâ ande sika marumbu lâ. Naņa tiningu pwâka tu aonzi soka sitaulo silâ pa nenzi lawea lawea. Tia ma putole ipunzi pâta, aku ma patanzi lâ nzâla.” <sup>33</sup> Andeta i ne pâri-tamâta siporo taulo tu, “Opopo, nia njai nde nia bilimu ma! Mine kala ma takai kâpwa lâ ndia nġa ikura tasuanzi tamâta ngu njalae njine, a?” <sup>34</sup> Ande Yesu ikasonanzi, “Anġa miki nde puroņa njapia keno pami.” Kinzi siporo taulo tu, “Puroņa lima kanaanġo rua tava inġa kiri-kiri pinde nâ kala keno pama.”

<sup>35</sup> Ninenġa Yesu ipainzi tamâta tu lambunzi ndue sisanonja tâno kulu. <sup>36</sup> Ninenġa ikai puroņa nġa inġa ninde kâki, kawa ndanġe papa Maro Kindeni, ku ipwataki lâ, njinenġa ilanzi ne pâri-tamâta tu siwae panzi ngu. Aku sikai siwae panzi. <sup>37</sup> Kinzi tamâta ngu ninde nde sika kuranzi lâ, njinenġa Yesu ne pâri-tamâta sigona puroņa wa inġa katinġe keno ninde lâ nġâmo njalae lima kanaanġo rua ilonzi pipi lâ. <sup>38</sup> Kinzi

tamâne kala sika kâpwa ñinde kambwanenzi ikura 4,000. Aku nenzi taine wa lâlu sika kunzi tona. <sup>39</sup> Ñinennga Yesu ionzi ngu ñinde silâ. Silâ lâ, ñinennga ikâki wânnga kulu ilâ papa Magadan lawea kâ.

## 16

*Kinzi Juda tamâta sino Yesu tu ma iveta mâsi kaika tonje panzi simora*

*Malaka 8:11-13*

<sup>1</sup> Aku muli, zo tonje, ñinennga kinzi Juda tamâta pinde lâ Parisai ngu wa Sadyusi ngu nde simâ pa Yesu tu sikai samâna papa. Kinzi sino tu ma ikai Maro Kindeni ne walo ñalae ku iveta mâsi kaika tonje panzi simora. <sup>2</sup> Andeta Yesu itu lâ kawanzi mine tu, “Ikura lala lala, ambo miki kamora samba tini kilala tu puro-puro, ande miki uru kaporo tu, ‘Wurita ma karâzi tia’. <sup>3</sup> Anja ikura mboyo mboyo, ambo miki kamora samba tini kilala tu puro-puro aku take-take mâmânnga keno samba tini tava, ande miki uru kaporo tu, ‘Lâ kari ñine ma karâzi imbe’. Mao nâ, miki uru kamora nia maa ikeno âta ñinde kilala mine, aku kapatea sondo. Andeta kala ñine miki kamora vetâna rârâ pinde, aku vetâna ñinde itula vetâna ñana ipânnga muli ñinde kilala pwataki; andeta miki kazizâla ñana. <sup>4</sup> Opopo, kinzi kiesaka tamwatanzi ñandai sio ilonzi kalonzi ilâ mao papa Maro Kindeni nga! Miki kano naña tu kamora Maro Kindeni ne mâsi kaika tonje, a? Naña ma atula mâsi kaika tonje pami, ande tia ndo. Andeta Maro Kindeni ma itula mâsi kaika taitu nâ pami, itogo munnga itula pa ngua-tulânnga tamâta Yona mine.” Yesu iporo ngua ñine lâ, ñinennga ipilenzi ilâ.

*Ngua tambirânga nana kinzi Parisai wa Sadyusi nenzi ngua soki-soki*

*Malaka 8:14-21*

<sup>5</sup> Yesu ne pâri-tamâta nde silâ sipânga lââ bwalika tini pinde. Andeta kinzi kalonzi kapa nana sikai kanzi puroŋa nana sika kâ. <sup>6</sup> Ande Yesu ipainzi tu, “Miki kapakatona sondo nga. Kapakatona warakami nana kinzi Parisai wa Sadyusi tamâta nenzi ‘yisi’.” <sup>7</sup> Ninenŋa kinzi pâri-tamâta warakanzi siporo imâ naonzi nâ mine tu, “O, kinda nandai takai puroŋa pinde tamâ nga, kala Yesu iporo ngua mine.” <sup>8</sup> Andeta Yesu isama lâ nana nenzi ilo-kalo soki-soki ninde. Mine kala ipainzi tu, “Opopo, miki nemi kalo-tawana nde mota mwata nâ! Nana sâ kâ nga miki warakami kaporo mine tu, ‘Kinda takai puroŋa tia’, a?” <sup>9</sup> Tiambo miki ilomi kalomi tia tâ! Tiambo miki nandai kalomi ngere nana puroŋa lima ninde naŋa muŋga alanzi tamâne 5,000 sika, a? Lâ zo ninde, ande miki kazeze ngâmo nâpia ilonzi ipipi lâ, a? <sup>10</sup> Aku tiambo miki kala nandai kalomi ngere nana puroŋa lima kanoŋo rua ninde naŋa muŋga alanzi tamâne 4,000 sika, a? Lâ zo ninde, miki kazeze ngâmo nâpia ilonzi ipipi lâ, a? <sup>11</sup> Naŋa muŋga nâ apaimi tu kapakatona sondo nana kinzi Parisai wa Sadyusi nenzi ‘yisi’. Andeta naŋa nandai aporo ngua pami nana puroŋa nga. Mana mana nga miki kasama ngua nîne ne duvi sondo tia yo, a?”

<sup>12</sup> Kinzi silonjo Yesu ne ngua nîne lâ, ninenŋa kulunzi kâmba ipwa ku sisama tu Yesu nandai ipainzi tu ma sipakatona nana puroŋa ne “yisi” nga. Ipainzi tu ma sipakatona nana kinzi Parisai wa Sadyusi tamâta nenzi ngua soki-soki uru sipanananzi tamâta ninde.

*Petero itula Yesu kilala pwataki tu i nde Maro Kindeni Natu*

*Malaka 8:27-30, Luka 9:18-21*

<sup>13</sup> Yesu iyoka ilâ pa nia pinde ikeno Sisaria Pili-pai lawea tini laiti. Ipânga nia ninde lâ, ninenğa ika-sonzanzi ne pâri-tamâta mine tu, “Kinzi tamâta uru siporo situ naņa Tamâta Natu nde ea.” <sup>14</sup> Ninenğa kinzi siporo taulo tu, “Kinzi tamâta pinde situ noko nde Yoane Lââ-Liliņa Tamwata; anğa pinde nde situ noko nde ngua-tulâņa tamâta Iliã; anğa pinde nde situ noko nde ngua-tulâņa tamâta Jere-maia tâku ngua-tulâņa tamâta muņgâņa tonje.” <sup>15</sup> Ninenğa Yesu ikasonzanzi kilo tu, “Anğa miki warakami nde katu naņa nde ea.”

<sup>16</sup> Saimon Petero itu lâ i kawa mine tu, “Noko nde Kirisi. Maro Kindeni Via Tamwata Natu kala noko.”

<sup>17</sup> Ninenğa Yesu ipai Petero tu, “Saimon, Yoane natu, Maro Kindeni ne nzâmbe ikeno pano. Nana tu tamâta tonje muņa itula ngua nîne pa noko, ande tia. Naņa Mama imo samba ilo, ande i simbo nâ itula nîne pano. <sup>18</sup> Mine kala naņa apaino tu, ‘Petero, noko ne kalo-tawana ipânga itogo mira mwasina, aku naņa ma agonanzi nanenğu ngu aonzi simandi mira ninde kulu. Anğa mateņa ne kaika ma ikura tu izavaru ngu ninde, ande ma tia. <sup>19</sup> Noko ma pwai poe panzi tamâta ninde Maro Kindeni uru ikai maro panzi. Aku vetâņa ndia rârâni noko kundi nana lâ tâno nîne kulu, ande Maro Kindeni ma indi nana mine nâ lâ samba ilo. Anğa vetâņa ndia rârâni noko kusâu nana lâ tâno nîne kulu, ande Maro Kindeni ma isâu nana mine nâ lâ samba ilo.’ ” <sup>20</sup> Yesu iporo ngua nîne lâ,



ņinenęa indi kaika panzi pāri-tamāta tu ma sitapāri pa tamāta tonęe tu i nde Kirisi, mine ndimo.

*Yesu itula ņgua ņana ne mateņa wa ne mandinęa wa Malaka 8:31-33, Luka 9:22*

<sup>21</sup> Lā zoni ndaina, Yesu itula ņgua pwataki panzi ne pāri-tamāta mine tu, “Maro Kindeni ne pateāņa ikeno tu naņa ma alā Jerusalem. Nņinenęa kinzi katonāņa wa patarawāņa tamāta ņalaņala wa kinzi pananāņa tamāta ņana ņgua tukuņa kā wa, kinzi ņinde ma siveta kenzi sakamao ndo pa naņa. Aku i ne pateāņa ikeno tu kinzi ma sipu naņa pāta amāte. Andeta kari ņato lā, ņinenęa i ma ipaņo naņa amandi amo viāņgu kilo.” Aku muli, Yesu iporo ņguani ndaina panzi kilo mbwani pinde.

<sup>22</sup> Petero nde ilonęo ņgua ņine, ņinenęa ikai Yesu siyāti silā pa nia ņgaņe, aku ilelea Yesu pāta ņana i ne ņgua ņinde kā. Ipai Yesu tu, “Maro Nālae, mine tia ndo! Maro Kindeni ņandai ilo tu vetāņa mine ma ipāņa pano ņga!” <sup>23</sup> Andeta Yesu ipupulia lā aku imbita Petero, ipai tu, “Sadana, noko pwāwa kulā malawae! Noko kutu kupono naņa nzalāņgu. Noko pwoka tamāta nā nenzi ilo-kalo muli, kala noko ņandai kuporo ņgua ikura Maro Kindeni ne ilo-kalo ņga.”

*Kinda ma tapatawa tininda ku toka Yesu muli Malaka 8:34–9:1, Luka 9:23-27*

<sup>24</sup> Nņinenęa Yesu ipainzi ne pāri-tamāta mine tu, “Ambo tamāta tonęe ilo tu ipono muli pa naņa, ande i ma ipatawa tamwata tini ku ikale ne kái popole iyoka naņa mulinęu. <sup>25</sup> Nana tu tamāta ea ilo ņalae ņana tamwata ne via, ande i ma ikai via mao, nde tia. Aņa tamāta ea kalo tawana naņa kala

imora tamwata ne via tu kelekele kaa nâ, ande tamâta ninde ma imo via ku imo nâ. <sup>26</sup> Miki kalomi ngere sondo nga; ambo tamâta tonje igona tâno ne kelekele rârâni ninennga imâte, ande i ne via mao ikeno ndia, a? Aku i ma ikura tu iko tamwata ne via kilo lâ mbumbu nãpia, a? Tia ndo! <sup>27</sup> Miki kalonjo nga; zo mbwana-mbwana nâ, ninennga naña Tamâta Natu ma akai Mama ne walo nãlae, aku ma ayoka pa samba amâ kunzi Mama ne aņelo. Aku lâ zoni ndaina naña ma apare nia panzi tamâta rârâni, ipakura kuku vetãña ndia muņga siveta ninde. <sup>28</sup> Naña aporo mao nâ pami; miki pinde kala kamo nãi ma kamâte tia yo yo, ninennga miki ma kamora naña Tamâta Natu apatua lâ nia yo ku akai maro panzi tamâta lâ tâno kulu.”

## 17

### *Yesu tini pasinala ipãnga kie tonje*

<sup>1</sup> Kari lima kanaanjo taitu ilâ lâ, ninennga Yesu ikainzi Petero, aņga Yamesi kuku tai Yoane rua, aku sikâki silâ tuu nãlae tonje kulu. Aku kinzi nãpa simbonzi nâ simo ndaina. <sup>2</sup> Ninennga kinzi pãri-tamâta nãto ninde nde simora Yesu tini pasinala, aku ipãnga kie tonje. I nao nde isinala nia itogo kari mine, aņga ne pasawaņa nde ipãnga togo sinãla mwasina, ku pãne ndo. <sup>3</sup> Ninennga Mose ku Ilia rua simã sipãnga, aku kinzi pãri-tamâta matanzi ilã simoranzi nģua-tulãña tamãta muņgãña rua ninde simandi siporo kuku Yesu. <sup>4</sup> Petero imora mãsi ninde ku ipai Yesu tu, “Maro Nãlae, kinda tamo nãina, aku nĩne nde ara ndo. Ambo noko ilo mine, ande naña ma apa pãla nãto:

noko ne tonje, anga Mose ne tonje, anga Ilia ne tonje.”

<sup>5</sup> Petero iporo ngua njine marumbu tia yo, njinega take-take pâne tonje ipânge ku itura kinzi rârâni lâ. Aku kawa tonje ne sarawânga iyoka pa take-take ilo imâ mine tu, “Naņa natunġu ara kala njine. Naņa tininġu mwasa papa wa ilonġu ndeka papa wa. Miki ma katambira tanjami pa i kawa ngua!”

<sup>6</sup> Kinzi pâri-tamâta silonġo ngua njine lâ, njinega sipare tukunzi naonzi tundu pa tâno, aku siruru pâta kanaņo. <sup>7</sup> Njinega Yesu imâ tininzi laiti aku mbau ilâ itanġonzi, ku ipainzi tu, “Kamandi sânda nġa. Miki karuru ndimo.” <sup>8</sup> Njinega naonzi kâki matanzi simora, andeta simora Yesu simbo mai nâ; take-take nde ilâ lâ, aku tamâta tonje imo kuku Yesu, ande tia.

<sup>9</sup> Kinzi sipile tuu njinde, aku soka sindue yo, njinega Yesu indi kaika panzi tu, “Miki ma katapâri pa tamâta tonje nana mâsi miki kamora njinde ndimo. Andeta muli nġa, lâ zo njinde Maro Kindeni ma ipaņo naņa Tamâta Natu amandi lâ mateņa nianzi amo viânġu kilo, njinega katapâri panzi tamâta nana mâsi njinde kâ.”

<sup>10</sup> Njinega kinzi pâri-tamâta sikasonġa Yesu tu, “Kinzi pananânġa tamâta nana ngua tukuņa kâ uru siporo ngua nana Ilia mine tu i ma imâ muņa lâ nġa, njinega Kirisi ma imâ. Njinde nde duvi mana.”

<sup>11</sup> Ande Yesu itu lâ kawanzi tu, “Nġua njinde nde mao nâ. Ilia imâ muņa nana iveta kelekele rârâni sondo. <sup>12</sup> Taitu kala njine naņa apaimi tu Ilia nde imâ lâ, andeta kinzi Juda tamâta sisama i kilala sondo, nde tia. Aku mâsi sakamao rârâni kinzi situ ma siveta papa, ande siveta lâ. Aku kinzi

ma siveta mâsi sakamao kie taituni pa Tamâta Natu.” <sup>13</sup> Yesu iporo ŋgua ŋine lâ, ŋinenŋa kinzi pâri-tamâta sisama tu Yesu isia ŋgua ŋana Yoane Lââ-Liliŋa Tamwata kê lâ Ilia tini.

*Yesu isoki koroani saka piti lâ tamâta limoa tonŋe ilo*

*Malaka 9:14-29, Luka 9:37-43*

<sup>14</sup> Yesu tavanzi ne pâri-tamâta ŋato ŋinde sindue silâ lee sipânŋa kunzi tamâta ŋgu ŋalae. Sipânŋa lâ, ŋinenŋa tamâta tonŋe imâ pa Yesu aku ipare tuku papa. <sup>15</sup> Aku ipai Yesu tu, “Tamâta Ŋalae, naŋa ano pano tu kalo sukâŋa ŋana natunŋu tamâne. Zo pinde ipânŋa kapa lâ, aku imo sakamao ndo, ŋana tu i uru pata ndue yââ kulu wa lââ ilo wa. <sup>16</sup> Naŋa munŋa akai i amâ panzi noko ne pâri-tamâta, andeta kinzi sikura tu siveta ipânŋa ara kilo, ande tia.”

<sup>17</sup> Ŋinenŋa Yesu iporo taulo tu, “Opopo, miki tamâta ŋandai kalomi tawana Maro Kindeni ŋa. Miki ilomi kalomi wa nemi mâsi nde soki ndo! Ayo, naŋa ma amo kuku miki ikura zo ŋapia kilo, a? Anŋa nemi ilo-kalo soki-soki ma iveta naŋa ilonŋu malia ikura zo ŋapia kilo, a? Kakai lâlu ŋinde kamâ pa naŋa!” <sup>18</sup> Sikai lâlu simâ lâ, ŋinenŋa Yesu iporo kaika imbita koroani saka imo lâlu ilo ŋinde, aku koroani saka ipile lâlu ku ikâwa ilâ. Aku ndainani nâ, lâlu ŋinde ne pukonŋa marumbu lâ.

<sup>19</sup> Aku muli, ŋinenŋa Yesu ne pâri-tamâta simbonzi nâ simâ pa Yesu ku sikasonŋa tu, “Munŋa maka katogo tu kasoki koroani saka ŋinde, andeta kakura tia. Ŋinde nde duvi mana.”

<sup>20</sup> Aku Yesu ipainzi tu, “Miki nemi kalo-tawana nde mota mwata nâ, kala miki kakura tia. Naŋa aporo mao nâ pami; ambo miki nemi kalo-tawana ma itumbu tini mwata, itogo ‘mastet’ vâsa mine, ande miki ma kakura tu kasupwa tuu ndai mine tu, ‘Noko kumandi ku kulâ pa nia pinde!’, aku tuu ma iyoka ilâ. Ambo miki kalomi tawana Maro Kindeni, ande miki ma kakura tu kaveta vetâŋa kie-kie rârâni. [ <sup>21</sup> Ambo miki ma katu kaika ŋana kâpwa kâ ku kakai noŋa kaika nâ, ande ma kakura tu kasokinzi koroani saka sitogo koroani saka ŋinde. Nzâla tonje keno, ande tia.”] \*

*Yesu iporo kilo ŋana ne mateŋa wa ne mandija wa*

*Malaka 9:30-32, Luka 9:43-45*

<sup>22</sup> Zo pinde ilâ lâ, ŋineŋga Yesu ikainzi ne pâri-tamâta rârâni simâ taitu lâ Galilaya tâno. ŋineŋga ipainzi tu, “Kinzi ma sio naŋa Tamâta Natu lâ tamâta pinde mbaunzi ilo, <sup>23</sup> aku ma sipu naŋa pâta amâte. Andeta kari ŋato lâ, ŋineŋga Maro Kindeni ma ipaŋo naŋa amandi amo viâŋgu kilo.” Kinzi pâri-tamâta siloŋo Yesu ne ŋgua ŋine, kala ilonzi putuka ndo.

*Yesu iporo ŋgua ŋana luma sapâŋa ne mbumbu kaiŋa kâ*

<sup>24</sup> Zo pinde ilâ lâ, ŋineŋga Yesu ikainzi ne pâri-tamâta ku soka silâ sipâŋga Kaperneam lawea. ŋineŋga tamâta pinde, kinzi ŋinde uru siveta wurâta ŋana sikai mbumbu ŋana Maro Kindeni ne

---

\* **17:21:** Nia ndoyo, ŋgua ŋine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipâŋga lâ muli nde isenje ŋgua ŋine ilâ kuku ŋgua ikeno munga.

luma sapâña kâ, ande simâ pa Petero. Aku sika-sonja tu, “Wa, noko ne pananâña uru io mbumbu ñana luma sapâña kâ, tiya?” <sup>25</sup> Aku Petero isâu panzi tu, “Mao nâ, i uru iveta mine.”

Ñinenğa Petero iyoka ilâ luma Yesu imo ñinde ilo. Petero iporo ñgua tonje tia yo, andeta Yesu ikasonja mine tu, “Saimon, noko ilo mana. Ea kinzi uru sio mbumbu ilâ panzi koipu ñalañala lâ tâno kulu. Tiambo kinzi koipu warakanzi seenzi wa natunzi wa uru sio mbumbu ilâ panzi, tiya?, kinzi tamâta pinde uru siveta mine.” <sup>26</sup> Petero iporo taulo tu, “Kinzi tamâta pinde uru sio mbumbu ilâ panzi.” Ninenğa Yesu ipai tu, “Mine nde koipu see kinzi ma mbumbu silua tia. <sup>27</sup> Taitu kulonjo ñga; ambo kindâ ma tao luma sapâña ne mbumbu ilâ panzi wurâta tamâta ñinde tia, ande ma wisinzi nâna pa kindâ. Mine nde kulâ kuo gigi lâ lâ bwalika ilo. Kuveta mine lee, ku gigi ma ikai ña tonje. Kutapa ña ñinde kâki ku kunzaña i kawa, aku ma kusânda mbumbu tonje ikeno ña kawa ilo. Pwai mbumbu ñinde kulâ, aku kulanzi kinzi tamâta ñana luma sapâña mbumbu kaiña kâ. Ninde ma ikai nenzi mbuku piti lâ kindâ rua tininda.”

## 18

*Ea imo mbâna-mbâna*

*Malaka 9:33-42, Luka 9:46-50*

<sup>1</sup> Lâ zo ñinde kinzi pâri-tamâta simâ pa Yesu, aku sikasonja tu, “Ea imo mbâna-mbâna panzi tamâta ñinde Maro Kindeni ikai maro panzi.”

<sup>2</sup> Ninenğa Yesu isarâwa pa lâlu kiri-mwata tonje tu imâ, aku injunu imandi pâri-tamâta naonzi.

<sup>3</sup> Ninenğa Yesu ipainzi tu, “Naña aporo mao nâ

pami; Maro Kindeni ikai maro panzi tamâta ea sitogonzi lâlu kiri-kiri mine. Mine nde miki kaloŋo ŋga; ambo miki ma kapalele ilomi kalomi tia, ande miki ma kakura tu kamo Maro Kindeni ne ŋgumbi ilo, ande tia. <sup>4</sup> Ambo tamâta tonje ipatawa tamwata tini, itogo lâlu kiri-mwata ŋine uru iveta mine, ande tamâta ŋinde ma imo mbâna-mbâna panzi tamâta Maro Kindeni ikai maro panzi ŋinde.

<sup>5</sup> Ambo tamâta tonje kalo tawana naŋa kala iveta kie ara pa lâlu mota tonje itogo lâlu ŋai, ande i iveta kie ara pa naŋa tona.”

*Kinda ma tayaula tininda pinde nenzi kalo-tawana ndimo*

<sup>6</sup> Ninenŋa Yesu iporo tu, “Ambo tamâta tonje ma iyaula i tini pinde ne kalo-tawana, kala ipu muli pa naŋa, ande ŋinde nde mâsi sakamao ndo. Ara ŋana kinzi nia ndoyo ma sipa mira ŋalae tonje lâ tamâta ŋinde ŋandola tâ ku sitambira indue tâi geza-geza ilo mbo inu tâi mbo imâte tâ. Nana tu ambo kinzi muŋga siveta mine papa, ande i ma ikura tu iyaula tini pinde ŋinde ne kalo-tawana, ande ma tia.

<sup>7</sup> Vetâŋa sakamao ma ipâŋga panzi tamâta ŋinde uru siveta tamâta pinde sipile nenzi kalo-tawana. Mao nâ, vetâŋa pinde ma ipâŋga panzi tamâta ku isowe ilonzi kalonzi ŋana siveta kiesaka kê. Andeta vetâŋa sakamao ndo ma ipâŋga pa tamâta ea iveta vetâŋa ŋinde ipâŋga. <sup>8</sup> Ambo noko mbalau tâku kie ilaneno kala kuveta kiesaka, ande ara ŋana noko ma kutoto ŋinde piti ku kutambira ilâ. Ambo noko mbalau taitu nâ, tâku kie taitu nâ, ande ŋinde nde ara koŋa tia; andeta muli ŋga, noko ma kumo via ku kumo nâ. Taitu kulonjo ŋga; ambo noko

kie-mbalau rua, andeta muli Maro Kindeni ma itambirano kulâ yââ ñalae ne mbââ ilo, ande ñinde nde ara tia ndo kanaño. <sup>9</sup> Aku mine nâ, ambo noko mata tonje ilaneno kala kuveta kiesaka, ande ara ñana kupasiki mata ñinde piti ku kutambira ilâ. Ambo noko mata taitu nâ, ande ñinde nde ara koña tia; andeta muli, noko ma kumo via ku kumo nâ. Taitu kulonjo ñga; ambo noko mata rua, andeta muli Maro Kindeni ma itambirano kulâ yââ ñalae ne mbââ ilo, ande ñinde nde ara tia ndo kanaño.

<sup>10</sup> Miki kapakatona sonde ñga! Tia ma miki kamoranzi tamâta pinde, nenzi kalo-tawana itogo lâlu nenzi kalo-tawana mine, aku ma ilomi tu, ‘Kinzi nde tamâta kaa nâ’. Naña apaimi tu lâ samba ilo, kinzi kalo-tawana tamâta ñinde nenzi anelo nde uru simandi naña Mama nao ikura zo zo.” [ <sup>11</sup> “Naña Tamâta Natu amâ ñana akainzi tamâta munğa sisapiri kala soka potomule ñinde piti lâ kondoma ilo.”] \*

*Ngua tambirâña ñana “lama” isapiri*

*Malaka 9:43-50, Luka 15:3-7*

<sup>12</sup> Ñinenğa Yesu itambira ñgua panzi ne pâri-tamâta mine tu, “Miki ilomi mana. Ambo tamâta tonje ne ‘lama’ kambwanenzi tamâta ñalae taitu (100) simo, andeta lama tonje isapiri ku nao tia lâ, ande i ma iveta mana. Naña apaimi tu i ma ipilenzi lama ñgu ñalae simo tuu kulu, aku ma ilâ mbo iroroto ñana lama taitu ñinde ñga. <sup>13</sup> Naña aporo mao nâ pami, ambo iroto ñana lee isânda kulu lâ,

---

\* **18:11:** Nia ndoyo, ñgua ñine kala ikeno ñgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipânğa lâ muli nde isenđe ñgua ñine ilâ kuku ñgua ikeno munğa.



ande i ma indeka pâta ku wisi puu ndue. I ma indeka ñalae koña tia ñananzi lama 99 ñinde ñandai sisapiri nga; ambo taitu i ma indeka ñalae tina ñana lama ñinde muñga isapiri ñineñga isânda kulu lâ. <sup>14</sup> Aku mine nâ, miki Tamami imo samba ilo ñinde nde tini pwâka tu kalo-tawana tamâta tonje ma ipile ne kalo-tawana ku imo niaka.”

*Vetâña ara ñana tatu ninda-nambwe sondo ñana muñga iveta soki*

*Luka 17:3-4*

<sup>15</sup> Ñineñga Yesu ipainzi ne pâri-tamâta tu, “Ambo kalo-tawana tamâta tonje iveta soki pano, ande kulâ papa aku simbomi rua nâ kaporo ñgua ñana kaveta ñinde sondo kâ. Ambo i kalo sukâña ku iporo tu, ‘Mao nâ, aveta soki pano’, ande ara, miki rua ma kamo nambwe-nambwe kilo. <sup>16</sup> Taitu kalonjo nga; ambo iporo tu, ‘Naña ñandai aveta soki tonje nga’, ande ara, noko ma pwainzi kalo-tawana tamâta taitu tâku rua, ikura Mose ne ñgua tukuña mine, aku kalâ kaporo pa tamâta ñinde kilo. Ñana tu Mose ne ñgua tukuña ikeno mine tu, ‘Ara ñana kinzi tamâta rua tâku ñato ma sisuka ñgua noko kusowe lâ tamâta tonje tini’. <sup>17</sup> Ambo noko ma kuveta mine, andeta tamâta ñinde ipatiâmo ku iporo kilo tu, ‘Naña ñandai aveta soki tonje nga’, ande ara, kulâ kumandi ñgu naonzi ku kuporo ñgua ñine pwataki panzi silonjo. Ambo i tini pwâka tu ilonjo ñgu nenzi ñgua, ande noko ma tini piti ndo ñana i kâ, itogo uru tini piti ñananzi tinikoa wa kinzi tamâta sakamao ñana mbumbu kainja kâ.

<sup>18</sup> Naña aporo mao nâ pami; vetâña ndia rârâni miki kandi ñana lâ tâno kulu, ande Maro Kindeni

ma indi nana mine nâ lâ samba ilo. Anḡa vetâna ndia rârâni miki kasâu nana lâ tâno kulu, ninde Maro Kindeni ma isâu nana mine nâ lâ samba ilo.

<sup>19</sup> Nana apaimi kilo tu ambo kinzi kalo-tawana tamâta rua nâ ilonzi taitu ku sikai noḡa pa nana Mama imo samba ilo ninde tu ma iveta vetâna tonḡe panzi, ande i ma iveta ikura kinzi rua nenzi noḡa mine. <sup>20</sup> Nana tu lâ zo ndia kinzi kalo-tawana tamâta nato tâku rua simâ taitu sipasau nana siwânḡi pa nana, ande nana warakânḡu ma amâ amo kunzi.”

*Nḡua tambirâna nana wurâta tamâta tonḡe i kalo sukâna nana nuwala tia*

<sup>21</sup> Lâ zo ninde, Petero imâ pa Yesu ku ikasona tu, “Maro Nalae, ambo kalo-tawana tamâta tonḡe uru iveta soki pa nana, ande nana ma apile i ne vetâna soki ninde mbwaninḡu napia. Ambo nana ma aveta mine mbwaninḡu lima kanaanḡo rua, ande ninde ma ikura, tiya?”

<sup>22</sup> Andeta Yesu itu lâ Petero kawa tu, “Nana apaino tu noko ma kuveta mine mbwani lima kanaanḡo rua nâ nde tia; noko ma kuveta mine ikura mbwani tamâta nalae lima (500).

<sup>23</sup> Noko kulonḡo nḡa; Maro Kindeni ne mâsi nana ikai maro panzi tamâta kâ, ande itogo koipu nalae tonḡe. Koipu ninde ilo tu i ne wurâta tamâta rârâni ma sikatu mbuku papa i taulo imâ. <sup>24</sup> Kinzi simâ nana sikatu mbuku kâ, ninenḡa sikai tamâta tonḡe simâ, i muḡa ikai mbumbu 10,000 saḡe koipu ninde. <sup>25</sup> Tamâta ninde ikura tu ikatu mbuku ninde tia ndo. Mine kala koipu nalae ipainzi ne tamâta

pinde tu sikai wurâta tamâta ñinde tavanzi kaiwanatu, aku sionzi silâ pa tamâta ñalae tonje tu ma ikainzi ñana siveta wurâta koa tia nâ papa. Aku ipainzi tu ma sio tamâta ñinde ne luma tava ne kelekele ndoni ilâ panzi tamâta tu siko tona, ñana ma sikai mbaliña ñana sikatu mbuku kâ. <sup>26</sup> Andeta wurâta tamâta ñinde ilonjo ñgua ñinde, aku ipare tuku lâ koipu ñalae kie tini laiti, aku ino mine tu, ‘Kalo sukâña ñanana, aku kundamwana ñga. Muli ñga naña ma atu ñana mbumbu ndoni muña akai sañeno ñinde.’ <sup>27</sup> Ñineña koipu ñalae kalo sukâña ñana ku ipai tu, ‘Akai nanenju mbuku piti lâ noko tini; kuyâti kulâ.’

<sup>28</sup> Ayo, ñineña wurâta tamâta ndainani nâ iyâti ilâ pa nia yo, andeta isânda nuwala tonje kulu, i ne mbuku peko mwata nâ ikeno papa. Aku mbau ilâ ikai nuwala ñandola kaika, ku ipai tu, ‘Noko ma kutu ñana mbumbu rârâni ñinde muña mbo noko pwai sañe naña!’

<sup>29</sup> I nuwala ñinde nde ilonjo ñgua ñinde, ku ipare tuku ipai wurâta tamâta ñinde mine tu, ‘Kalo sukâña ñanana, aku kundamwana ñga. Muli ñga naña ma atu ñana mbumbu ndoni muña akai sañeno ñinde.’ <sup>30</sup> Andeta wurâta tamâta ñinde wisi nâna ku io nuwala ilâ luma sakamao ilo lee, mambo ikatu mbuku ikura lâ.

<sup>31</sup> Kinzi rua nawalanzi pinde simora tamâta ñinde iveta mâsi mine, aku ilonzi kura tia. Mine nde silâ siporo ñgua ñinde rârâni papa nenzi koipu ñalae. <sup>32</sup> Aku marumbu; koipu ñinde isarâwa pa wurâta tamâta ñinde imâ, aku ipai tu, ‘Noko wurâta tamâta sakamao! Noko muña kuno naña, aku akai nenju mbuku rârâni piti lâ noko tini. <sup>33</sup> Mao

nâ, nanja munja kalonju sukânja njalae tina njanano. Mine nde njana sâ kê nja noko njandai kalo sukânja njana noko nuwala kê, a?”<sup>34</sup> Njineŋga koipu njalae wisi nâna, aku io wurâta tamâta njinde ilâ luma sakamao ilo. Aku ipainzi luma njinde ne wurâta tamâta tu ma nâna silua lee, ikura lâ zo ndia ikatu mbuku rârâni.”

<sup>35</sup> Yesu iporo njua njine lâ, njineŋga ipainzi ne pâri-tamâta mine tu, “Aku mine nâ, ambo kalotawana tamâta tonje iveta soki pano, aku noko tini mwasa papa tia kala kupile i ne vetânja soki njinde tia, ande Maro Kindeni ma iveta mâsi kie taituni pano, ikura koipu njalae njinde iveta papa ne wurâta tamâta mine.”

## 19

*Yesu iporo njua njana pakâeŋa totonja kê*

*Matai 5:31-32, Malaka 10:1-12, Luka 16:18, Rom 7:1-3, 1 Korin 7:10-16*

<sup>1</sup> Yesu iporo njua njine lâ, njineŋga ipile Galilaya tâno ku iyoka ilâ pa Judia tâno ikeno pa Jodan Lââ tini pinde. <sup>2</sup> Anja kinzi tamâta ngu njalae nde soka i muli silâ. Aku lâ nia njinde Yesu ivetanzi pukonja tamâta tininzi ara kilo.

<sup>3</sup> Anja tamâta pinde lâ Parisai ngu nde simâ pa Yesu tu sikai samânja papa. Sipai mine tu, “Kinda nenda njua tukuŋa keno njana tamâne tu ambo i tini pwâka njana kaiwa taine kala itu isoki njana duvi ndia, ande ikura. Ayo, njua tukuŋa njine nde ara, tiya?”

<sup>4</sup> Yesu nde iporo taulo tu, “Opopo, tiambo miki njandai kaponi Maro Kindeni ne njua njinde ikeno lâ pepa tini, tiya? Njua njinde nde mine, ‘Nia

ndoyo, Maro Kindeni Puliâña Tamwata nde ipu-  
lianzi tamâta, ku ionzi taine wa tamâne wa.’<sup>5</sup> Aku  
Maro Kindeni iporo tu, ‘Mine kala tamâne ma  
ipilenzi tina-tama ku ma ipasipa kuku kaiwa taine  
nâ, aku kinzi rua ma simo tininzi lâ taitu.’<sup>6</sup> Mine  
nde kinzi ñandai simo piti piti ñga; kinzi rua ma  
simo togo ilonzi wa karaenzi taitu nâ. Mao nâ,  
Maro Kindeni ipanzi rua lâ taitu lâ; mine nde  
tamâta tonje ma itikianzi piti ndimo.”

<sup>7</sup> Ñineñga kinzi Parisai tamâta nde sipai Yesu  
mine tu, “Ayo, mine nde ñana sâ kâ ñga Mose  
ne tukuña isâu pa tamâne tu ambo ñngere ñgua  
lâ pepa tini ñana itoto pakâeña kâ, ku pepa ilua  
kaiwa taine, ande nenzi pakâeña nde totona lâ,  
a?”<sup>8</sup> Ande Yesu iporo taulo tu, “Miki nde taña-  
kaika tamwatami. Mine kala Mose isâu pami tu  
kasokinzi kaiwami taine. Ambo taitu muñgani,  
lâ nia ndoyo, ande mâsi mine ikeno tia ndo.  
<sup>9</sup> Naña apaimi tu, ambo tamâne tonje isoki kaiwa  
taine, andeta taine ñinde ñandai iveta sakamao  
kuku tamâta tonje ñga, ambo tamâne ñinde ikai  
taine wasaseki, ande iveta sakamao kuku taine  
wasaseki ñinde, kala ilaña ipole ñgua tukuña.”

<sup>10</sup> Kinzi pâri-tamâta silono Yesu ne ñgua kaika  
ñinde, ñineñga sipai tu, “Ambo tamâne ñga taine  
nenzi pakâeña ikeno mine, ande ara ñana tamâne  
ma imo simbo mai nâ, ikai taine tonje tia.”

<sup>11</sup> Andeta Yesu ipainzi tu, “Kinzi tamâta pinde  
nâ sikura tu sipaveta kuku ñgua ñine. Mao nâ,  
Maro Kindeni muñga kaika ilanzi tamâta pinde  
nâ ñana sipaveta kuku ñgua ñine. <sup>12</sup> Kinzi tamâta  
pinde sikâe tia. Kinzi pinde nde tininzi sakamao  
lâ zo ñinde tinanzi sipaguguanzi, kala sikura tu

sipulianzi natunzi tia. Anğa pinde nde munğa tamâta pinde sitoto tininzi piti, kala sikura tu sipulianzi natunzi tia. Anğa pinde nde ilonzi ndo nana siveta wurâta pa Maro Kindeni, kala situ kaika pa warakanzi tu ma sikâe tia. Miki tamâta ea kakura tu kapaveta kuku nğua nğine, ande kapaveta kuku.”

*Yesu itu nzâmbe panzi lâlu kiri-kiri  
Malaka 10:13-16, Luka 18:15-17*

<sup>13</sup> Lâ zo nğinde kinzi tamâta pinde sikainzi lâlu kiri-kiri simâ pa Yesu. Kinzi ilonzi tu i ma io mbau kâki kulunzi ku ino pa Maro Kindeni njananzi tâ. Andeta kinzi pâri-tamâta nde sileleanzi tamâta nğinde. <sup>14</sup> Anğa Yesu nde ipainzi pâri-tamâta tu, “Miki ma kasâu panzi lâlu kiri-kiri tu simâ pa nana; kaponu nzâla njananzi ndimo. Nana tu Maro Kindeni uru ikai maro panzi tamâta ea nenzi kalotawana irerege kuku lâlu kiri-kiri nğine nenzi kalotawana.” <sup>15</sup> Ninenğa Yesu io mbau kâki kinzi lâlu kiri-kiri taitu-taitu kulunzi, ku itu nzâmbe panzi. Iveta mine lâ, ninenğa ipile nia nğinde ku ilâ.

*Tamâta tonje ne mbaliņa rârâ  
Malaka 10:17-27, Luka 18:18-27*

<sup>16</sup> Zo tonje, tamâta tonje imâ pa Yesu ku ikasona tu, “Pananâņa, nana ma aveta vetâņa ara ndia nğa ikura tu amo viângu ku amo nâ.”

<sup>17</sup> Yesu nde itu lâ kawa mine tu, “Nana sâ kâ nğa noko pwasona nana nana vetâņa ara kâ, a? Maro Kindeni simbo nâ nde Ara Tamwata. Ambo noko ilo tu kumo via ku kumo nâ, ande noko ma kupaveta kuku Maro Kindeni ne nğua tukuņa.”

<sup>18</sup> Ninenğa tamâta nğinde ikasona Yesu kilo tu, “Noko kuporo nana tukuņa ndia.” Ande Yesu

ipai tu, “Naŋa aporo ŋana tukuŋa ŋine: ‘Noko ma kupu tamâta pâta ndimo; noko ma kuveta saka-mao kuku tamâta tonje kaiwa ndimo; noko ma kupanâwe ndimo; noko ma kusowe ŋgua lanjeŋa lâ tamâta tonje tini lâ ŋgua nia ndimo; <sup>19</sup> noko ma kumege ŋananzi tina-tama ku taŋa mwasa nâ panzi; aku noko ma tini mwasa panzi tini pinde itogo noko tini mwasa pa tamwata mine.’ ”

<sup>20</sup> Aku tamâta ŋinde nde ipai Yesu tu, “Naŋa uru apaveta kuku ŋgua tukuŋa ŋinde rârâni. Anŋa vetâŋa ndia nde naŋa aveta tia yo, a?”

<sup>21</sup> Aku Yesu ipai tu, “Ambo noko ilo tu kumo tamâta sondo ndo lâ Maro Kindeni nao, ande kulâ kuo ne kelekele rârâni ilâ panzi tamâta tu siko kê. Ninenŋa mbumbu ŋinde ndoni kulanzi sugorai tamwatanzi. Ambo noko ma kuveta mine, ande noko ma kumo ara ndo lâ samba lawea. Aku kumâ, kupono muli pa naŋa.” <sup>22</sup> Tamâta ŋinde ilonjo Yesu ne ŋgua ŋinde, aku ilo malia ndo, ŋana tu i nde mbaliŋa warika. Tia ku ipile Yesu ku ilâ.

<sup>23</sup> Ilâ lâ, ŋinenŋa Yesu ipainzi ne pâri-tamâta tu, “Naŋa aporo mao nâ pami; kinzi mbaliŋa warakanzi ande wurâta ŋalae panzi ŋana simo Maro Kindeni ne ŋgumbi ilo. <sup>24</sup> Naŋa aporo kilo pami tu, ambo ŋgoa ŋalae ‘kamel’ itu itambwa ilâ mbiri kiri-mwata ne maa ilo, ande i ma ikura tu iveta mine tia ndo. Aku mine nâ, ambo mbaliŋa warika itu imo Maro Kindeni ne ŋgumbi ilo, ande ŋinde nde wurâta ŋalae tina!” <sup>25</sup> Kinzi pâri-tamâta nde silonjo ŋgua ŋinde, ku wisinzi motutu kala sika-sonja tu, “Ayo, ambo mine, ande ea ikura tu ikai via mao ŋana imo mine ku imo nâ.”

<sup>26</sup> Aku Yesu mata ilea ilâ panzi ku ipainzi tu, “Kinzi tamâta warakanzi nâ ma sikura tia; anġa Maro Kindeni tamwata nde ikura tu iveta vetâġa rârâni.”

<sup>27</sup> Yesu iporo ġgua ġine lâ, ġineġga Petero itu lâ kawa mine tu, “Opopo! Maka muġga kapile kelekele ndoni ġana kaponu muli pa noko! Mine nde maka ma kakai kulu ndia.”

<sup>28</sup> Aku Yesu ipainzi tu, “Naġa aporo mao nâ pami; muli, lâ zo ġinde Maro Kindeni ma ipulia samba wa tâno ipâġga wasaseki ndo, ande naġa Tamâta Natu ma amo Koipu Nġalae tava nanġgu walo wa sinâla ġalae. Aku lâ zo ġinde miki pâri-tamâta saġao kannaġomi rua nde ma kakai poe panzi Isrel ġgu kambwanġenzi saġao kannaġonzi rua, aku ma kamo katonâġa panzi. <sup>29</sup> Aku tamâta ea kalo tawana naġa kala ipile ne luma wa tai-tua wa mwane wa tina-tama wa natu wa ne tâno wa; ande Maro Kindeni ma itu pa kinzi ġinde rârâni ġana ġinde kâ mbwani tamâta ġalae taitu (100). Aku muli, i ma via mao ilanzi, ma simo vianzi mine ku simo nâ. <sup>30</sup> Andeta kinzi tamâta rârâ muġga simo tamâta ġalaġala lâ tâno kulu, ande kinzi ġinde ma muli simo tamâta kaa nâ. Anġa kinzi tamâta rârâ muġga simo tamâta kaa nâ lâ tâno kulu, ande kinzi ġinde ma muli simo tamâta ġalaġala.”

## 20

*Ngua tambirâġa ġananzi tamâta pinde siveta wurâta pa tamâta ġalae tonġe*

<sup>1</sup> Yesu iporo ġgua ġine lâ, ġineġga itambira ġgua mine tu, “Maro Kindeni ne mâsi ġana ikai maro panzi tamâta kâ nde itogo tâno tonġe warika. Zo



tonje, mbwale pwataki lâ, ñinennga tâno warika ñinde ilâ lawea ilo iroto ñananzi wurâta tamâta pinde tu ma sikai wurâta lâ i ne tâno waini ilo.

<sup>2</sup> Isânda wurâta tamâta pinde kulunzi lâ, aku ipa ñgua kunzi ñana sikai mbumbu sañao sañao ñana nenzi wurâta lâ kari ñinde. Sisâu lâ, ñinennga tamâta ñalae ñinde ionzi silâ siveta wurâta lâ ne tâno waini ilo. <sup>3</sup> Ayo, kari tai ñato ilâ lâ, ñinennga tamâta ñalae ñinde ilâ ku mata imoranzi tamâta pinde simandi nenzi lâ ao ñgini, nenzi wurâta tonje tia.

<sup>4</sup> Aku ipainzi tu, ‘Wa! Miki kalâ kaveta wurâta lâ nanenngu tâno waini ilo, aku ma kulu alami ikura nanenngu pateâña mine.’ <sup>5</sup> Aku silâ. Simo lee, ku kari imâ ñgini, ñinennga tamâta ñalae ilâ lawea ilo kilo ku iveta mâsi ndaina nâ kilo. Lee, ku kari tai ñato kilo ilâ lâ, ñinennga iveta mâsini ndaina kilo.

<sup>6</sup> Lee ku lala, kari indue lâ, ñinennga tamâta ñinde ilâ ku mata imoranzi tamâta pinde simandi nenzi nâ simo lawea ilo. Aku ikasonjanzi tu, “Wa, mana mana ñga miki kamandi nemi koa tia nâ lee, kari ñga indue lâ, a?” <sup>7</sup> Kinzi nde siporo taulo tu, “Ñandai tamâta tonje wurâta ilua maka ñga.” Ñinennga tamâta ñalae ipainzi tu, “Ara, miki kalâ kaveta wurâta lâ nanenngu tâno waini ilo.” Aku silâ.

<sup>8</sup> Aku lala pararai lâ, ñinennga tâno warika iporo pa wurâta tamâta nenzi katonâña tu, “Kusarâwa panzi wurâta tamâta tu simâ ñana sikai nenzi kulu kâ. Kuwae mbumbu munnga panzi wurâta tamâta ñinde sipânnga muli ndo. Kuveta mine nâ kuwae panzi kulâ lee ku marumbu lâ wurâta tamâta sipânnga munğâña ñinde.” <sup>9</sup> Ñinennga kinzi tamâta kala siveta wurâta ikura kari tai taitu nâ ñinde nde simunnga simâ, aku sikai mbumbu sañao

saŋao. <sup>10</sup> Mine kala kinzi tamâta ŋinde siveta wurâta ikura mboyo wa lala wa ande ilonzi tu ma sikai mbumbu ŋalae. Andeta tia; kinzi kala sikai mbumbu saŋao saŋao mine nâ. <sup>11</sup> Kinzi simora nenzi mbumbu ŋinde, aku wisinzi nâna papa tâno warika. <sup>12</sup> Aku sipai tâno warika tu, “Wa! Kinzi tamâta ŋinde sipâŋga muli ndo! Kinzi siveta wurâta ikura kari tai taitu mai nâ! Anŋa maka nde kaveta wurâta ŋalae lâ mboyo lee imâ ipâŋga lâ ŋine, aku kari kanama pâta lâ! Andeta kinzi ŋinde nenzi mbumbu nde rege-rege kuku maka nema mbumbu ma!”

<sup>13</sup> Tâno warika nde ilonjo nenzi ŋgua ŋinde, ŋineŋga iporo pa nenzi tamâta tonje mine tu, “Niŋgu-nambwe, naŋa ŋandai aveta soki tonje pa noko ŋga, ŋana tu muŋga mboyo noko tamwata kupa ŋgua tu ma pwai mbumbu saŋao ŋana noko ne wurâta. <sup>14</sup> Ara, pwai ne mbumbu, aku kulâ. Naŋa ilonju tu mbumbu saŋao alua tamâta kala imâ muli ndo ŋinde tona. <sup>15</sup> ŋine nde keno pa naŋa simbonju nâ. Naŋa akura tu awae nanenju mbaliŋa ikura naŋa warakâŋgu nâ nenju pateâŋa mine. Kala ŋine naŋa atu aveta kenju ara panzi tamâta ŋinde; mine nde ŋana sâ kâ ŋga noko kupadâda, a?”

<sup>16</sup> Yesu iporo ŋgua tambirâŋa ŋine marumbu lâ, ŋineŋga iporo tu, “Aku mine nâ, kinzi tamâta muŋga simo tamâta kaa nâ lâ tâno kulu, ande muli ma simo tamâta ŋalaŋala. Anŋa kinzi tamâta muŋga simo tamâta ŋalaŋala lâ tâno kulu, ande muli ma simo tamâta kaa nâ.”

*Yesu iporo kilo ŋana ne matera wa ne mandija*

wa

*Malaka 10:32-34, Luka 18:31-34*

<sup>17</sup> Yesu nde ikainzi ne pâri-tamâta sanjao kanaanzi rua, aku sikâki silâ pa Jerusalem lawea kâ. Soka nzâla yo, ñineŋga Yesu iporo ŋgua ilâ pa kinzi nâ mine tu, <sup>18</sup> “Ayo, ñine kinda takâki talâ pa Jerusalem. Ma tapâŋga lâ, ñineŋga tamâta tonje ma io naŋa Tamâta Natu lâ kinzi patarawâŋa tamâta ñalaŋala wa pananâŋa tamâta ñana ŋgua tukuŋa kâ mbaunzi ilo. Kinzi ma sio naŋa lâ ŋgua nia, aku ma sipa ŋgua tu sipu naŋa pâta amâte. <sup>19</sup> Ñineŋga kinzi kala ma sio naŋa alâ tinikoa mbaunzi ilo, aku kinzi ñinde ma siporo ŋgua pavaligiŋa pa naŋa wa sipalili naŋa wa. Marumbu, ñineŋga ma sipu naŋa lâ kâi popole tini amâte. Andeta kari ñato lâ, ñineŋga Maro Kindeni ma ipaŋo naŋa amandi amo viâŋgu kilo.”

*Yesu ne pâri-tamâta rua situ sipâŋga tamâta ñalaŋala*

*Malaka 10:35-45*

<sup>20</sup> Yesu iporo mine lâ, ñineŋga Sebedi kaiwa taine ikainzi natunzi rua simâ pa Yesu. Taine ñinde nde ipare tuku pa Yesu ku ino Yesu tu ma iveta vetâŋa tonje. <sup>21</sup> Aku Yesu ikasonja tu, “Noko ilo tu naŋa ma aveta mana.” Aku taine ñinde nde ipai Yesu tu, “Naŋa ilonju mine: lâ zo ñana noko ma pwai Koipu Ñalae, ande noko ma kupatea natunju tonje ñana isanona noko tini laiti pa wia kâ, aŋga tonje ñana isanona noko tini laiti pa ñâsi kâ.”

<sup>22</sup> Ñineŋga Yesu isia ŋgua panzi pâri-tamâta rua ñinde mine tu, “Miki rua kazizâla ñana vetâŋa ñine kala kakasonja naŋa ñana. Naŋa ma muli anu lââ

makisa ikeno kâmba tonje ilo. Tiambo miki rua kala kakura tu kanu lââ ñinde, tiya?” Aku kinzi rua sipai tu, “Maka rua kurama.” <sup>23</sup> Ñinennga Yesu ipainzi tu, “Mao nâ, miki rua ma kanu lââ makisa kala naña ma anu ñinde. Ambo taitu pateâña ñana tamâta ea ma isañona tiningu laiti pa wia kâ nga pa ñâsi kâ, ande ñinde ikeno pa naña tia. Naña mama i simbo nâ ma iwae sañonâña nia panzi tamâta ea muñga ipateanzi ñinde.”

<sup>24</sup> Kinzi nawalanzi pâri-tamâta sañao nde siloño kinzi tai-tua rua parinanzi mine, aku wisinzi nâna panzi. <sup>25</sup> Andeta Yesu isarawanzi tu simâ kuku, aku ipainzi tu, “Miki kasama tu kinzi tamâta pinde uru sikai koipu panzi tinikoa ngu, aku kinzi tamâta ñalañala ñinde uru siveta malia kie-kie panzi ngu ñinde. <sup>26</sup> Andeta mâsi mine ma ikeno miki ñginimi ndimo. Ambo tamâta itu imo tamâta ñalae lâ ñginimi, ande nzâla keno mine: i ma imo nemi kuleña tamâta. <sup>27</sup> Aku tamâta ea itu imo mbâna-mbâna pami, ande nzâla keno mine: i ma imo nemi wurâta tamâta kaa nâ. <sup>28</sup> Ñana tu naña Tamâta Natu ñandai amâ ñana kinzi tamâta ma sikai kuleña pa naña nga. Naña amâ ñana akai kuleña panzi tamâta, aku ma amâte ñana akainzi tamâta rââ piti lâ kondoma ilo.”

*Yesu ivetanzi tamâta rua muñga matanzi leva-leva simora kilo*

*Malaka 10:46-52, Luka 18:35-43*

<sup>29</sup> Yesu ikainzi ne pâri-tamâta ku soka ñana sipile Jeriko lawea silâ kâ, ande tamâta ngu ñalae nde soka mulinzi silâ. <sup>30</sup> Annga tamâta rua nde sisanona nzâla ñgañe, kinzi rua matanzi leva-leva lâ. Kinzi

rua silonjo ngua tu Yesu nga iyoka imâ, ninennga sisarâwa kaika tu, “Maro Njalae, Daviti ne vâsani noko, kalo sukâña ñanama!” <sup>31</sup> Kinzi tamâta nde silonjonzi rua sisarâwa mine ku simbitanzi tu kawanzi buu nâ. Andeta kinzi rua sisarâwa kawanzi kâki ñalae mine tu, “Maro Njalae, Daviti ne vâsani noko, kalo sukâña ñanama!”

<sup>32</sup> Ninennga Yesu imandi ku ikasonanzi tu, “Anğa miki rua katu naña ma aveta mana pami.” <sup>33</sup> Ande kinzi rua situ lâ kawa mine tu, “Maro Njalae, maka iloma tu ma matama kamora nia.” <sup>34</sup> Aku Yesu kalo sukâña ñananzi, kala io mbau lâ kinzi rua matanzi. Aku walele nâ kinzi rua matanzi ara, aku simora nia. Ninennga simandi ku soka Yesu muli silâ.

## 21

*Yesu ilâ Jerusalem lawea itogo koipu ñalae*

*Malaka 11:1-10, Luka 19:29-38, Yoane 12:12-19*

<sup>1</sup> Yesu ikainzi ne pâri-tamâta ku soka lee sipânğa Jerusalem lawea tini laiti, aku sipânğa lawea tonje ikeno Oliv Tuu wanğira, i ña mine Betfasi lawea. Ande Yesu isupwanzi ne pâri-tamâta rua, <sup>2</sup> aku ipainzi tu, “Miki rua kalâ pa lawea ndai, ikeno naomi ñinde. Kalâ lawea ñinde ilo, aku walele nâ ma kamora ‘donki’ malakupi tonje kinzi sisine lâ imandi tava natu. Kayaute wâlo piti aku kakainzi rua kamâ pa naña. <sup>3</sup> Ambo tamâta tonje ikasonami tu, ‘Ñana sâ kâ nga miki rua kaveta mine’, ande miki rua ma kapai tu, ‘Maro Njalae ne wurâta ikeno panzi rua. Aku mwanğa ma ionzi rua sitaulo simâ kilo walele nâ.’”

<sup>4</sup> Vetâña ñinde iveta ñgua tonje Maro Kindeni muᅅga io lâ ñgua-tulâña tamâta tonje kawa tu ipâña kannaᅅo. Ñgua ñinde nde mine,

<sup>5</sup> “Kupainzi tamâta simo Saion tuu kulu tu, ‘Kamora ñga! Miki nemi koipu ñalae kala imâ pami. Ipatawa tamwata tini ku isaᅅona donki tonje kumbu. Mao nâ, isaᅅona donki natu tonje kumbu kala imâ.’ ”

<sup>6</sup> Ñineᅅga pâri-tamâta rua ñinde silâ lawea ñinde ilo, aku siveta ikura Yesu muᅅga iporo panzi mine. <sup>7</sup> Kinzi rua sikai donki tina ñga natu tona simâ, ñineᅅga siliᅅi nenzi pasawaᅅa luandondo kâki donki rua kumbunzi. Aku Yesu ikâki isaᅅona. <sup>8</sup> Ñineᅅga tamâta ñgu ñalae sisawa nenzi pasawaᅅa luandondo piti, ku silalaga lâ nzâla ñana Yesu ma iyoka kulu kâ. Aᅅga pinde nde sitoto tumba lau ku sikai simâ silalaga lâ nzâla tava. <sup>9</sup> Kinzi tamâta pinde soka simuᅅga pa Yesu, aᅅga pinde nde soka muli, aku rârâni sindeka ku sisuᅅa kawanzi mine tu, “Paneâña ilâ pa Daviti ne vâsa! Maro Kindeni itu nzâmbe pa koipu ñalae ñine ikai i ndamwa kala imâ. Tapanea Maro Kindeni pa âta!”

<sup>10</sup> Yesu iyoka mine lee ilâ Jerusalem lawea ilo, ande tamâta rârâni simo lawea ñalae ñinde nde sipakasaᅅa warakanzi mine tu, “Tamâta ñine nde ea.” <sup>11</sup> Aku kinzi tamâta soka simâ kuku Yesu ñinde nde sipainzi tu, “Ñine nde Yesu, ina ñgua-tulâña tamâta ñinde kinzi muᅅga siporo tu ma iyoka pa Nasarete lawea lâ Galilaya tâno imâ.”

*Yesu iᅅaranzi mbaliᅅa warakanzi lâ Maro Kindeni ne luma sapâña*

*Malaka 11:15-18, Luka 19:45-47*

<sup>12</sup> Njineŋga Yesu ilâ Maro Kindeni ne luma sapâŋa ne ŋgumbi ilo, aku iŋaranzi mbaliŋa warakanzi simo sipako kelekele lâ nia ŋinde. Itili peke lâ kinzi tamâta ŋana sipalulua mbumbu kê, aku itili paŋgi lâ kinzi tamâta siveta wurâta ŋana sipako sii ŋana patarawâŋa kê tava. <sup>13</sup> Aku ipainzi tu, “Maro Kindeni kawa ŋgua ikeno mine tu, ‘Nanenju luma nde ma kinzi sipatu ŋa tu “Luma ŋana noŋa kê’”; aŋga miki nde kaveta ŋine ipâŋga itogo kinzi nzanzare tamâta nenzi munâŋa nia mine!”

<sup>14</sup> Yesu imo niani ndaina, njineŋga kinzi tamâta matanzi leva-leva wa kenzi pââsââ nde simâ papa, aku ivetanzi tininzi ara. <sup>15</sup> Andeta kinzi patarawâŋa tamâta ŋalaŋala wa kinzi pananâŋa tamâta ŋana ŋgua tukuŋa kê nde simora mâsi ŋalaŋala pinde Yesu iveta ŋinde. Aku siloŋonzi lâlu kiri-kiri sisarâwa lâ luma sapâŋa ne ŋgumbi ilo mine tu, “Paneâŋa ilâ pa Daviti ne vâsa!” Mine nde kinzi tamâta ŋalaŋala ŋinde wisinzi nâna pa Yesu, <sup>16</sup> kala sikasoŋa i mine tu, “Wa, noko kulonjo ŋgua ŋine kinzi lâlu siporo, tiya?” Aku Yesu itu lâ kawanzi mine tu, “Naŋa alonjo lâ. Andeta mana mana ŋga miki ŋandai kapononjo ŋgua-tulâŋa tamâta ŋinde ne ŋgua ikeno lâ pepa tini, a? Ŋgua ikeno mine tu,

‘Aku kinzi lâlu kiri-kiri kala uru sipanea noko ŋa mine nâ.’”

<sup>17</sup> Yesu iporo ŋgua ŋine lâ, njineŋga ipilenzi simo, aku iyâti ilâ pa nia yo. Njineŋga ilâ imo Betani lawea lâ mbo ŋinde.

*Yesu iporo itu kaika pa kêi tonje, kala ŋgâla-ŋgâla*

*lâ*

*Malaka 11:12-14,20-26*

<sup>18</sup> Aku mbwale kilo, mboyo nâ, ñinenğa Yesu iyoka itaulo ilâ pa Jerusalem lawea kilo, andeta putole ipu. <sup>19</sup> Yesu mata ilâ imora kâi “fik” tonĝe imandi nzâla nĝaĝe, aku iyoka ilâ laiti. Andeta imora tu kanaĝo tonĝe keno nde tia; lau nâ keno. Aku Yesu iporo papa kâi ñinde mine tu, “Noko ma kupula kanaĝo kilo tia ndo!” Aku ndainani nâ, kâi ñinde nĝâla-nĝâla lâ.

<sup>20</sup> Kinzi pâri-tamâta simora ñinde, aku wisinzi motutu lâ. Aku siporo tu, “Mana mana nĝa kâi ñine nĝâla-nĝâla walele nâ.”

<sup>21</sup> Andeta Yesu ipainzi tu, “Naĝa aporo mao nâ pami; ambo miki ma kao nemi kalo-tawana ilâ mao pa Maro Kindeni, aku ilomi rua-rua tia, ande miki ma kakura tu kaveta mâsi mineni, itogo kala ñine aveta pa kâi ‘fik’ mine. Andeta ñinde nâ tia; ambo miki ma kaporo pa tuu ñai mine tu, ‘Noko kumandi kupatiki kundue tâi ilo’, ande Maro Kindeni ma iveta vetâĝa ñinde ipânĝa, itogo miki kaporo mine. <sup>22</sup> Ambo miki kalomi tawana Maro Kindeni kala kakai noĝa papa, ande i ma iveta ikura nemi noĝa mine.”

*Kinzi sikasonĝa Yesu tu ikai ea ndamwa*

*Malaka 11:27-33, Luka 20:1-8*

<sup>23</sup> Ñine ilâ lâ, ñinenĝa Yesu ilâ Maro Kindeni ne luma sapâĝa ne nĝumbi ilo, aku ipanananzi tamâta simo ñinde. Andeta kinzi patarawâĝa tamâta nĝalanĝala sitavanzi Isrel nĝu nenzi katonâĝa nde simâ papa, aku sikasonĝa tu, “Wa, noko pwai ea ndamwa kumâ kala kuveta mâsi kie-kie ñine,



a? Anḡa ea wurâta ñine ilano, a?” <sup>24</sup> Ande Yesu itu lâ kawanzi ku iporo tu, “Ara, naña kala atu akasonami kasonâña tonḡe. Ambo miki ma kaporo ñgua sondo itaulo imâ pa naña, ande naña kala ma aporo ñgua pwataki pami ñana akai ea ndamwa ñga aveta vetâña ñine. <sup>25</sup> Nanenḡu kasonâña nde mine; munḡa, lâ zo ñinde Yoane Lââ-Liliña Tamwata iveta wurâta ñana ililinsi tamâta, ande ea wurâta ñinde ilua i. Miki ilomi tu Maro Kindeni wurâta ñinde ilua, tiya?, i tamwata nâ ilo patea tu iveta.”

Ñineḡa kinzi warakanzi siporo lâ ñgininzi mine tu, “Ambo kinda ma taporo taulo tu, ‘Maro Kindeni isupwa Yoane tu iveta wurâta ñinde’, ande i ma iporo pa kinda mine tu, ‘Mine kala ñana sâ kâ ñga miki ñandai kalomi tawana Yoane ne ñgua, a?’ <sup>26</sup> Ambo kinda ma taporo taulo mine tu, ‘Yoane tamwata nâ ilo patea tu iveta wurâta ñinde’, ande kinzi tamâta ma wisinzi nâna ñalae tina pa kinda. Kinda taruru ñananzi, ñana tu kinzi rârâni kalonzi tawana tu Yoane nde Maro Kindeni ne ñgua-tulâña tamâta tonḡe.” <sup>27</sup> Tia ku kinzi siporo ñgua taulo pa Yesu mine tu, “Maka kasama tia.” Ñineḡa Yesu ipainzi tu, “Ara, naña kala ma aporo ñgua tonḡe pami tia ñana akai ea ndamwa amâ kala aveta vetâña ñine.”

*Ñgua tambirâña ñana tamâta tonḡe natu tamâne rua*

<sup>28</sup> Ñineḡa Yesu itambira ñgua panzi tamâta ñalanala mine tu, “Ayo, miki ilomi mana. Tamâta tonḡe imo kunzi natu tamâne rua. Tamâta ñinde ilâ pa natu nzâla-kulu kâ, aku ipai tu, ‘Natunḡu,

ma ɲine noko kulâ kuveta wurâta pa naɲa lâ tâno waini ilo.’ <sup>29</sup> Aku natu ipai tu, ‘Naɲa tiningu pwâka, ma alâ aveta wurâta pa noko nde tia.’ Andeta mwanga, natu ɲinde ipalele ilo, aku ilâ iveta wurâta. <sup>30</sup> ɲinenɲa tamanzi kala ilâ pa natu tonɲe, aku iporo ɲgua mineni papa. Aku natu ɲinde iporo tu, ‘Ara, mama; naɲa ma alâ aveta wurâta pano.’ Andeta i ɲandai ilâ iveta ne wurâta ɲga. <sup>31</sup> Mine nde ea lâ tamâta rua ɲinde ande iveta ikura tamanzi ne pateâɲa.” Aku kinzi tamâta ɲalaɲala sipai Yesu tu, “Natu nzâla-kulu iveta ikura tama ne pateâɲa mine”.

ɲinenɲa Yesu ipainzi tu, “Naɲa aporo mao nâ pami; kinzi tamâta sakamao ɲana sikai mbumbu pa Rom kê wa kinzi nzâla taine wa, ande kinzi ɲinde simunɲa pami ɲana sikai Maro Kindeni ne nzâmbe ara. <sup>32</sup> ɲana tu Yoane Lââ-Liliɲa Tamwata munɲa imâ pa miki Isrel ɲgu ɲana itula mâsi sondo Maro Kindeni ilo tu miki ma kaveta ɲinde, andeta miki ɲandai kalomi tawana Yoane ne ɲgua ɲga. Anɲa kinzi tamâta sakamao ɲana sikai mbumbu pa Rom kê wa kinzi nzâla taine wa, ande kinzi ɲinde silonɲo Yoane ne ɲgua, aku sio nenzi kalo-tawana ilâ pa Maro Kindeni, kala sipile nenzi vetâɲa sakamao. Anɲa miki kamora kinzi kiesaka tamwatanzi ɲinde nenzi kalo-tawana ɲinde, andeta miki kapalele ilomi kalomi ku kalomi tawana Yoane ne ɲgua, ande tia.”

*ɲgua tambirâɲa ɲana kinzi tamâta sakamao sika-tona tâno waini*

*Malaka 12:1-12, Luka 20:9-19*

<sup>33</sup> Ninenḡa Yesu ipainzi tamâta ḡalaḡala mine tu, “Miki kalonḡo ḡgua tambirâḡa tonḡe. Tamâta tonḡe ipâu tâno waini tonḡe aku ipa ḡgumbi ḡana. Aku iveta wewe lâ tâno ilo, itogo kondo ḡana sipale waini kapula tu punu-punu kâ, aku ipa pâla ḡana tamâta ma simo ilo sio ḡana tâno kâ. Ninenḡa io tâno ḡinde lâ tamâta pinde mbaunzi ilo ḡana sikatona ku sikai wurâta ḡana mbumbu lâ tini. Ninenḡa tâno warika iyoka ilâ pa nia malawae tonḡe. <sup>34</sup> Imo lee, aku zo laiti ḡana kâi waini ma ipula kanaanḡo kâ. Ninenḡa tâno warika isupwanzi wurâta tamâta pinde silâ pa tâno waini ḡinde ḡana sikai waini kanaanḡo pinde, ikura muḡa sipa ḡgua tu ma silua i. <sup>35</sup> Andeta kinzi tamâta uru sikai wurâta lâ tâno ḡinde nde sikainzi tâno warika ne wurâta tamâta kaika, aku sipu tonḡe. Anḡa tonḡe nde sipu pâta imâte, anḡa mira nâ sisia tonḡe. <sup>36</sup> Nḡine ilâ lâ, ḡinenḡa tâno warika isupwanzi wurâta tamâta pinde kilo silâ panzi. Kinzi kambwanḡenzi nde ipole tamâta muḡa isupwanzi ḡinde kambwanḡenzi. Andeta kinzi tamâta uru sikai wurâta lâ tâno ḡinde nde siveta mâsi mine nâ panzi wurâta tamâta ḡinde.

<sup>37</sup> Simo lee ku muli, ḡinenḡa tâno warika isupwa i tamwata natu tamâne ilâ panzi. I itu mine, ‘Kinzi ma simeḡe ḡana natunḡu’. <sup>38</sup> Andeta kinzi tamâta uru sikai wurâta lâ tâno ḡinde nde simora tâno warika natu imâ panzi, aku siporo lâ warakanzi ḡḡininzi mine tu, ‘Wa, tamâta ndai ma muli ikai tama ne mbaliḡa ndoni. Ayo, ḡine ma tapu pâta imâte, aku ma warakânda takai i ne tâno ḡine.’ <sup>39</sup> Siporo ḡgua ḡine lâ, aku marumbu; mbaunzi

ilâ sikai tâno warika natu kaika ku siŋara lâ tâno ilo iyâti ilâ pa nia yo, ñinenŋa sipu pâta imâte lâ.” <sup>40</sup> Yesu itambira ŋgua ñine panzi lâ, ñinenŋa ikasonŋanzi tu, “Ayo, mwanŋa tâno waini warika ma imâ, ñinenŋa ma iveta kie mana panzi tamâta ñinde munŋa sikai wurâta lâ tâno ñinde.”

<sup>41</sup> Aku kinzi tamâta ñalaŋala siporo taulo tu, “I ma iyaulanzi tamâta sakamao ñinde, ku ma izavarunzi sakamao ndo. Anŋa ne tâno waini ñinde ma ilanzi tamâta pinde ñana sikatona kê. Aku lâ zo ñana sikai kanaŋo kê, ande ma sigona kanaŋo pinde silua i.”

<sup>42</sup> Ñinenŋa Yesu ipainzi tu, “Tiambo miki ñandai kaponno Maro Kindeni ne ŋgua ikeno lâ pepa tini mine tu,

‘Mira ñine kinzi tamâta ñana sipa luma kê situ nde sakamao kala sitambira lâ, ande mirani ndaina ipânŋa mira ara ñana isuka luma ŋgaŋe kaika kê. Maro Kindeni tamwata iveta vetâŋa ñinde ipânŋa lâ, kala kinda tamora ñinde tu ara pâta kanaŋo.’

<sup>43</sup> Mine kala naŋa apaimi tu Maro Kindeni ma ipono nzâla ñana miki Isrel tamâta ñana kamo i ne ŋgumbi ilo, aku ma ikai maro pa tamâta ŋgu pinde, kinzi ñinde uru siveta mâsi ara ikura Maro Kindeni ne pateâŋa mine. [ <sup>44</sup> Ambo tamâta tonŋe pata ndue ku mira ñine ipu, ande mira ñine ma ipu tamâta ñinde karae pwapwataki. Ambo mira ñine imbe ndue ipu tamâta tonŋe kulu, ande mira ñine ma

izavaru i ndo lâ imâte.}]” \*

<sup>45</sup> Kinzi patarawâña tamâta ñalañala anğa kinzi tamâta lâ Parisai ñgu nde siloño Yesu itambira ñgua mine panzi, aku ilonzi patea tu ñgua ñine nde iyoke kinzi warakanzi. <sup>46</sup> Mine kala ilonzi tu ma sikale Yesu kaika sio lâ luma sakamao ilo. Andeta siruru ñananzi ñgu, ñana tu kinzi tamâta ilonzi tu Yesu nde Maro Kindeni ne ñgua-tulâña tamâta tonje.

## 22

### *Ñgua tambirâña ñana waiña pakâeña kâ Luka 14:16-24*

<sup>1</sup> Ñineña Yesu iporo ñgua tambirâña kilo ilâ panzi Isrel nenzi tamâta ñalañala mine tu, <sup>2</sup> “Maro Kindeni ne mâsi ñana ikai maro panzi tamâta kâ, nde itogo koipu ñalae tonje iveta waiña ñalae papa natu tamâne ñana ne pakâeña kâ. <sup>3</sup> Koipu ñinde isupwanzi ne wurâta tamâta silâ panzi tamâta pinde i ilo tu ma simâ sika kâpwa lâ waiña pakâeña ñinde. Silâ panzi, ku siveta ñana sigonanzi tamâta ñinde simâ. Andeta tininzi pwâka tu simâ. <sup>4</sup> Ñineña isupwanzi ne wurâta tamâta pinde kilo, aku ipainzi tu, ‘Miki kalâ panzi tamâta ñinde naña munğa asarâwa panzi, aku kapainzi tu, “Kaloño ñga! Koipu ñalae iveta ne kâña-nuña marumbu lâ. I ne bulmakao tamâne pinde anğa simbi pinde arara situmbu kambwanzi ñalañala, ande maka ñga kapunzi lâ. Aku kelekele rârâni vetâña lâ kala

---

\* **21:44:** Nia ndoyo, ñgua ñine kala ikeno ñgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipâña lâ muli nde isenje ñgua ñine ilâ kuku ñgua ikeno munğa.

ikeno. Mine nde miki kamâ kaka kâpwa lâ waiņa ņana pakâeņa kâ.’ ”

<sup>5</sup> Kinzi wurâta tamâta nde silâ siporo ņgua mine panzi tamâta ņinde, andeta kinzi taņanzi kaika ku sikâwa pwapwataki silâ. Tonje nde ilâ ne tâno ilo, aņga tonje nde ilâ iveta ne wurâta ņana mbaliņa kâ. <sup>6</sup> Aņga kinzi pinde nde sikalenzi wurâta tamâta ņinde kaika ku sikai kazâņa panzi sipunzi pâta simâte lâ. <sup>7</sup> Siveta mine lâ, ande kala koipu ņalae nde wisi nâna ndo. Aku ionzi ne zugu tamâta silâ sizavarunzi tamâta ņinde muņa sipunzi ne wurâta tamâta pâta simâte. Aku sirumbia nenzi lawea kana lâ.

<sup>8</sup> Țineņa koipu ņalae isarawanzi ne wurâta tamâta simâ papa, aku ipainzi tu, ‘Waiņa pakâeņa ne kâņa-nuņa nde vetâņa lâ kala keno, andeta kinzi tamâta ņinde naņa muņa asarawanzi tu simâ, ande kinzi ņinde nde tamâta ara ikura ņana simâ kâ, ande tia. <sup>9</sup> Mine nde miki kalâ kakura nzâla nzâla, aku kanonzi tamâta rârâni simo ņinde tu ma simâ ņana waiņa pakâeņa ne kâņa-nuņa kâ.’ <sup>10</sup> Iporo mine lâ, ņineņa kinzi wurâta tamâta nde silâ sikura nzâla nzâla sigonanzi tamâta rârâni simo ņinde, kinzi tamâta saka wa ara wa. Aku kinzi ņinde rârâni simâ luma ilo pipi lâ ņana sika kâņa-nuņa kâ.

<sup>11</sup> Kinzi tamâta simâ sisanona lâ, ņineņa koipu ņalae nde imâ luma ilo tu imoranzi. Andeta mata ilâ imora tamâta tonje ņandai ipasawa pasawaņa ara ņana waiņa pakâeņa nga. <sup>12</sup> Tia ku koipu nde ilâ papa ku ikasona tu, ‘Niņgu-nambwe, ņana sâ kâ nga noko kumâ nanenģu luma ilo, andeta noko ņandai kupasawa pasawaņa ara ņana waiņa pakâeņa kâ,

a?’ Andeta tamâta ñinde nde kawa buu nâ, iporo ñgua tonje tia. <sup>13</sup> Ñineñga koipu ipainzi ne wurâta tamâta mine tu, ‘Kakai wâlo ku kapa tamâta ñine kie-mbalau kaika lâ, ñineñga katambira yâti lâ nia ñgañe, ñana imo kondoma ilo.’ ”

Yesu iporo ñgua tambirâña ñine lâ, ñineñga ipainzi Juda tamâta ñalañala tu, “Lâ nia kondoma ñinde kinzi ma sita ñalae wa niñonzi giri-giri ñana sikai nâna kâ. <sup>14</sup> Miki kalonjo ñga; Maro Kindeni ne sarawâña ilâ panzi tamâta rârâ, andeta ipateanzi kinzi pinde nâ, kinzi ñinde kalonzi tawana i mao.”

*Kinzi sikasonja Yesu ñana mbumbu uru silua koipu ñalae Kaisara*

*Malaka 12:13-17, Luka 20:20-26*

<sup>15</sup> Ñine ilâ lâ, ñineñga tamâta pinde lâ Parisai ñgu nde sipasau ku sipa ñgua ñana ma sikai samâña pa Yesu kâ. Kinzi ilonzi pateo tu ambo Yesu ma iporo ñgua pinde ñgâsi tâ, ande ma sio ilâ pa ñgua nia. <sup>16</sup> Kinzi Parisai tamâta ñinde nde sionzi nenzi pâri-tamâta pinde sitavanzi Herot ne tamâta pinde, aku simâ kuku Yesu. Simâ kuku, ñineñga siporo ñgua mâru-mâru papa mine tu, “Pananâña, maka kasama tu noko nde tamâta ñana kuporo ñgua mao kâ. Noko ñgua mao nâ uru kupanananzi tamâta ñana Maro Kindeni ne vetâña kâ. Noko uru kuporo ñgua kaña taituni nâ panzi tamâta ñalañala wa kinzi sugorai tamwatanzi wa. <sup>17</sup> Mine nde maka iloma tu noko ma kuporo ñgua tauilo pama. Noko ilo mana; nenda koipu ñalae Kaisara uru iporo kaika tu kinda ma mbumbu talua. Anja Mose ne ñgua tukuña isâu tu kinda ma mbumbu ñinde talua Kaisara, tiya?”

18 Andeta Yesu isama kinzi ilonzi kalonzi pwataki tu sakamao ndo. Mine kala ipainzi tu, “Miki kawami kaporo ngua kie tonje, anja ilomi nde keno piti. Nana sâ kâ nga miki kakai samâna pa nana, a? 19 Kakai mbumbu tonje uru kao ilâ pa koipu, aku kamâ katula pa nana.” Kinzi nde sikai mbumbu tonje simâ pa Yesu, 20 njinnga ikasonjansi tu, “Tai wa njoa njine kala ikeno mbumbu tini, ande ea ne.” 21 Ande siporo taulo tu, “Kaisara ne.” Njinnga Yesu ipainzi tu, “Mine kala Kaisara ne kekeleke, ande miki kalua Kaisara; anja Maro Kindeni ne kekeleke, ande kalua Maro Kindeni.”

22 Kinzi silonjo Yesu ne ngua njine, aku wisinzi motutu. Mine kala sipile Yesu ku silâ.

*Kinzi sikasonja Yesu njananzi tamâta simâte lâ njinnga simandi simo vianzi kilo*

*Malaka 12:18-27, Luka 20:27-40*

23 Lâ zo ndainani nâ kinzi tamâta pinde lâ Sadyusi ngu nde simâ pa Yesu. Kinzi ngu njinde uru kalonzi tawana tu kinzi mateja tamâta ma muli simandi simo vianzi kilo tia. Kinzi sipai tu, 24 “Pananâna, Mose munja ingere ngua tukuja tonje imâ pa kindi mine tu, ‘Ambo tamâta tonje i natu tia ku imâte, ambo i kaiwa taine imo naji yo, ande tamâta njinde tai ma ikai tua kaiwa, aku kinzi rua ma sipulia lâlu itogo tua kilala mine.’”

25 Siporo ngua njine lâ, njinnga sisia ngua pa Yesu tu, “Ayo, tamâne nzâla-kulu tonje i tai lima kano taitu simo. Nzâla-kulu njinde ikai kaiwa taine tonje, andeta mwanga tamâne imâte lâ, aku i natu tia. Mine kala i tai iyoka tua muli ku ikai taine njinde itogo i kaiwa mine. 26 Andeta i kala natu tia aku



imâte lâ. Njineŋga kinzi rua tainzi kala iveta mine nâ, ikai taine njinde njineŋga imâte, aku natu tia. Siveta mine lee, aku kinzi tai rârâni sikai taine taituni njinde, aku kinzi kala natunzi tia, ku simâte lâ. <sup>27</sup> Kinzi rârâni simâte marumbu lâ, aku muli nga taine kala imâte. <sup>28</sup> Ayo, lâ zo muli, ambo kinzi mateŋa tamâta ma simandi simo vianzi kilo, ande taine njinde ma imo itogo ea kaiwa lâ kinzi tai-tua lima kanoŋonzi rua njinde. Noko kusama tu kinzi rârâni muŋga sikai kaiwanzi taine taitu njinde.”

<sup>29</sup> Andeta Yesu itu lâ kawanzi tu, “Opopo, miki kasama Maro Kindeni ne ngua ikeno lâ pepa tini, ande tia. Aku miki kazizâla ŋana i ne walo kaika mine nâ. Mine kala miki kaveta ngua palaneŋa rârâ. <sup>30</sup> Lâ zo ŋana kinzi mateŋa tamâta ma simandi simo vianzi kilo, ande kinzi tamâta ma simo sitogonzi anjelo lâ samba ilo mine, kala ma sipakâe tia.

<sup>31</sup> Andeta naŋa atu aporo ngua tonge pami ŋana kinzi mateŋa tamâta nenzi mandina kâ. Tiambo miki ŋandai kaponono ngua njinde Maro Kindeni muŋga itula pami ikeno lâ pepa tini, a? Iporo ngua ŋananzi timbumi, kinzi njinde simâte muŋgani lâ, aku iporo tu, <sup>32</sup> ‘Naŋa Maro Kindeni nde Abraham nga Isaka nga Yakopu nenzi Maro Njalae.’ Ayo, miki kalonjo nga; Maro Kindeni i ŋandai kinzi mateŋa tamâta nenzi Maro Njalae nga. I nde tamâta simo vianzi njinde nâ nenzi Maro Njalae.” <sup>33</sup> Kinzi tamâta silonjo Yesu ne ngua njine, aku wisinzi motu ŋana i ne mâsi ŋana ipanananzi kâ.

*Maro Kindeni ne ngua tukuŋa ndia ipolenzi*

*tukuŋa rârâni**Malaka 12:28-34*

<sup>34</sup> Lâ zo ŋinde kinzi tamâta pinde lâ Parisai ŋgu siloŋo pâri tu Yesu iporo ŋgua kanaŋo nâ, aku isae ŋgua ne nzâla ŋananzi Sadyusi ŋgu. Mine kala silâ taitu, ku simâ pa Yesu. <sup>35</sup> Aku nenzi tamâta tonje nde imâ kunzi tona, i muŋga ikai ilo-kalo ŋalae ŋana ŋgua tukuŋa kê. I ilo tu ikai samâŋa pa Yesu kê, kala ikasonja tu, <sup>36</sup> “Pananâŋa, ŋgua tukuŋa ndia nde ipolenzi ŋgua tukuŋa rârâni Mose muŋga itula pa kinda.”

<sup>37</sup> Yesu nde iporo taulo tu, “‘Noko ma tini mwasa ndo papa noko ne Maro Ŋalae Kindeni, aku kuo noko ilo ndoni wa koroani ndoni wa ilo-kalo ndoni ilâ pa i simbo nâ.’ <sup>38</sup> Ŋgua tukuŋa ŋine imuŋga ku ipolenzi ŋgua tukuŋa rârâni. <sup>39</sup> Anja ŋgua tukuŋa iyoka ŋinde muli nde kaŋa taituni nâ; ‘Noko ma tini mwasa panzi tini pinde, itogo noko tini mwasa pa tamwata mine.’ <sup>40</sup> Tukuŋa rua ŋine nde sitogo ŋgunu-ŋgunu tina pa Mose ne tukuŋa rârâni wa kinzi ŋgua-tulâŋa tamâta nenzi tukuŋa rârâni wa.”

*Yesu ikasonjanzi Parisai tamâta ŋana Kirisi kê**Malaka 12:35-37, Luka 20:41-44*

<sup>41</sup> Kinzi Parisai tamâta nde sipasau simo kuku Yesu yo, aku Yesu ikasonjanzi tu, <sup>42</sup> “Ayo, miki ilomi mana; tamâta ŋine Maro Kindeni ipatea tu ivilanzi ne ŋgu, sipatu i ŋa tu Kirisi, ande i nde ea ne vâsa.” Kinzi nde siporo taulo mine tu, “Kirisi nde timbunda Daviti ne vâsa.”

<sup>43</sup> Aku Yesu itu lâ kawanzi tu, “Ara mbo, mine nde mana mana ŋga Koroani Sapâŋa itula ilo-kalo pa Daviti kala Daviti ipatu Kirisi ŋa tu, ‘Maro

Njalae', a? Njana tu Daviti ne ngua ikeno lâ pepa tini mine tu,

<sup>44</sup> 'Maro Njalae Kindeni itu ngua pa nanenğu Maro Njalae mine tu, "Noko kusanona njai pa mbaunğu wia kâ lee, ikura lâ zo ninde nanja ma aonzi noko ne kazâņa tamâta simo noko kalo.' "

<sup>45</sup> Miki kamora nja. Daviti tamwata nde ipatu Kirisi nja tu 'Maro Njalae'. Mine nde mana mana nja Kirisi nde Daviti ne vâsa nâ, a?"

<sup>46</sup> Tamâta tonje lâ ngu ninde ikura njana iporo ngua tonje taulo pa Yesu kâ, ande tia. Aku lâ zoni ndaina, kinzi tamâta rârâni ilonzi pateo tu ma sikai samâņa mine papa Yesu kilo, ande tia.

## 23

*Kinzi Parisai tamâta wa ngua tukuņa tamâta nenzi vetâņa potomule*

*Malaka 12:38-40, Luka 20:45-47*

<sup>1</sup> Aku muli, njinenğa Yesu itula ngua panzi tamâta sitavanzi ne pâri-tamâta. <sup>2</sup> Ipainzi mine tu, "Kinzi pananâņa tamâta njana ngua tukuņa kâ sitavanzi tamâta lâ Parisai ngu, kinzi ninde simbonzi nâ uru situla ngua tukuņa ne duvi pwataki, itogo Mose munğa iveta mine. <sup>3</sup> Mine nde ngua rârâni situla wa sipananami ninde, ande miki ma kalonjo ku kapaveta kuku. Ambo taitu mâsi wa vetâņa ndia kinzi uru siveta, ande ninde miki ma kapaveta kuku ndimo. Njana tu kinzi uru siporo ngua rârâ ninde, andeta kinzi warakanzi njandai sipaveta kuku ngua ninde nja. <sup>4</sup> Ninde itogo kinzi sinzuku bwali malia ndo, ku sio lâ tamâta kalanzi, kala kinzi tamâta simakâsa njalae tina njana sikale

kâ. Anġa kinzi warakanzi nġandai sio mbalaunzi ilâ nana sivilanzi tamâta tu sikale malia nġinde nġa. <sup>5</sup> Vetâġa rârâni kinzi uru siveta, ande siveta nġana ma tamâta simoranzi kâ. Kinzi uru sipa kariga nġalaġala nġana noġa kâ lâ tininzi, ku sipa wareġa luandondo lâ nenzi pasawaġa nġalaġala nġaġe tona, nġana sipasuka warakanzi tininzi kâ. Nana nenzi mâsi nġinde kâ, ande kinzi silâġe tu ilonzi keno pa Maro Kindeni. <sup>6</sup> Kinzi ilonzi tu ma sikai saġonâġa nia arara lâ tamâta naonzi lâ kâġa-nuġa nġalaġala nia, aku ilonzi tu sisajona mine nâ lâ luma nġana pasauġa kâ ilo. <sup>7</sup> Kinzi ilonzi nġalae tina tu tamâta ma simege nġananzi ku siporo ‘Kari ara’ panzi lâ ao nġini, aku ilonzi tu tamâta ma sisarawanzi tu, ‘O, Pananâġa’.

<sup>8</sup> Andeta miki kalonġo nġa; ambo kinzi tamâta sipatu noko nġa tu ‘Pananâġa’, ande nġinde nde ara tia ndo, nġana tu tamâta taitu nâ nde miki nemi Pananâġa, aku miki rârâni nde kamo togo nambwe-nambwe. <sup>9</sup> Mine nde lâ tâno nġine kulu, miki ma kaporo pa tamâta tonġe tu, ‘Noko nde tamâta nġalae kutogo tamama mine’, mine ndimo. Nana tu miki Tamami taitu nâ imo, ande kala imo samba ilo. <sup>10</sup> Aku mine nâ, ambo kinzi ma sipatu noko nġa tu ‘koipu’, ande nġinde nde ara tia ndo, nġana tu miki nemi koipu taitu nâ imo, aku i nde Maro Kindeni ne Pateâġa Tamâta Kirisi. <sup>11</sup> Tamâta ea imo mbâna-mbâna pami, ande ara nġana i ma imo itogo nemi kuleġa tamâta mine. <sup>12</sup> Nana tu tamâta ea uru ipasuka tamwata nġa kâki, ande Maro Kindeni ma itawa tamâta nġinde nġa indue lâ. Anġa tamâta ea uru ipatawa tamwata nġa, ande

Maro Kindeni ma isuka tamâta ñinde ña ipânga ñalae.”

*Yesu itu ñgua kaika panzi tamâta uru sikai poe panzi ñgu*

*Malaka 12:38-40, Luka 20:47*

<sup>13-14</sup> Yesu nde iporo kilo mine, “Oyae, mâsi sakamao ndo ma ipânga pa miki pananâña tamâta ñana ñgua tukuña kâ wa miki Parisai tamâta wa. Miki kawami kaporo ñgua kie tonje, anga ilomi nde keno piti! Mine nde miki uru kaponon zâla ñananzi tamâta situ simo Maro Kindeni ne ñgumbi ilo. Miki kaponon warakami nemi nzâla ñana Maro Kindeni ma ikai maro pami, aku kaponon zâla ñananzi tamâta ñinde tona.

<sup>15</sup> Oyae, mâsi sakamao ndo ma ipânga pa miki pananâña tamâta ñana ñgua tukuña kâ wa miki Parisai tamâta wa. Miki kawami kaporo ñgua kie tonje, anga ilomi nde keno piti! Miki uru kalâ kakura nia nia lâ tâi kulu wa tâno tâno wa, ñana kasowe tamâta taitu nâ ilo-kalo ñana kalo tawana nemi ñgua. Anga lâ zo ñana tamâta tonje kalo tawanami, ande miki kaveta i ipânga tamâta ñana ilâ pa yââ ñalae ne mbââ ilo, itogo miki warakami mine. Miki kaveta tamâta ñinde ipole miki ndo ñana iveta kiesaka kâ.

<sup>16</sup> Oyae, mâsi sakamao ndo ma ipânga pami. Miki matami leva-leva, andeta katogo tu katula nzâla panzi tamâta. Miki uru kapanananzi tamâta mine: ‘Ambo tamâta itu iveta ñgua pâña tonje, aku isarâwa pa Maro Kindeni ne luma sapâña ñana isuka ne ñgua pâña ñinde kâ, ande ñgua pâña ñinde nde mao tia. Mine kala ambo muli i ma imbware

ɲgua p̄aɲa ɲinde, ande i ne soki tia. Taitu mambo isar̄awa pa mira “gol” uru ikeno Maro Kindeni ne luma sap̄aɲa ilo, ande ɲgua p̄aɲa ɲine nde mao, kala i ma imbware ndimo.’ <sup>17</sup> Opopo, miki nde kapa ndo, aku matami leva-leva n̄a! Kelekele ndia ip̄aɲga ɲalae tina lâ Maro Kindeni nao, a? Maro Kindeni ne luma sap̄aɲa nde kelekele ara ndo, ipole mira “gol” uru ikeno ilo ɲinde, ɲana tu luma sap̄aɲa iveta “gol” ip̄aɲga sap̄aɲa. Tiambo miki kaziz̄ala ɲana ɲine k̄a, a? <sup>18</sup> Aku mine n̄a, miki uru kapanananzi tam̄ata tu, ‘Ambo tam̄ata tonje iveta ɲgua p̄aɲa tonje, aku isar̄awa pa pataraw̄aɲa nia ɲana isuka ne ɲgua p̄aɲa ɲinde k̄a, ande i ne ɲgua p̄aɲa ɲinde nde mao tia. Mine kala ambo muli i ma imbware ɲgua p̄aɲa ɲinde, ande i ne soki tia. Taitu mambo isar̄awa pa kelekele ikeno pataraw̄aɲa nia kulu ɲinde, ande ɲgua p̄aɲa ɲinde nde mao, kala i ma imbware ndimo.’ <sup>19</sup> Opopo, miki matami leva-leva ndo! Kelekele ndia ip̄aɲga ɲalae tina lâ Maro Kindeni nao, a? Pataraw̄aɲa nia nde kelekele ara ndo, ipole kelekele uru ikeno kulu ɲinde, ɲana tu pataraw̄aɲa nia iveta kelekele ɲinde ip̄aɲga sap̄aɲa. Tiambo miki kaziz̄ala ɲana ɲine k̄a, a? <sup>20</sup> Mine kala tam̄ata ea isar̄awa pa pataraw̄aɲa nia tu isuka ne ɲgua p̄aɲa k̄a, ande isar̄awa pa pataraw̄aɲa nia tava kelekele ndia ikeno kulu tona. <sup>21</sup> Aɲga tam̄ata ea isar̄awa pa Maro Kindeni ne luma sap̄aɲa tu isuka ne ɲgua p̄aɲa k̄a, ande isar̄awa pa luma sap̄aɲa tava Maro Kindeni tona, ina uru imo luma sap̄aɲa ɲinde ilo. <sup>22</sup> Aɲga tam̄ata ea isar̄awa pa samba tu isuka ne ɲgua p̄aɲa k̄a, ande isar̄awa pa Maro Kindeni ne saɲon̄aɲa nia wa Maro Kindeni tona, ɲana tu ina

uru isanona nia ninde.”

<sup>23</sup> Yesu iporo ngua njine lâ, njineŋga iporo kilo tu, “Oyae, mâsi sakamao ndo ma ipâŋga pa miki pananâŋa tamâta nana ngua tukuŋa kâ wa miki Parisai tamâta wa! Miki kawami kaporo ngua kie tonje, aŋga ilomi nde keno piti! Miki uru kagona kâi lau kie-kie nana iveta kâpwa mona-mona kâ, ku kao lâ wâra saŋao-saŋao, njineŋga wâra taitu-taitu uru kalua Maro Kindeni itogo patarawâŋa mine, aku njine nde ara. Ambo taitu miki kalaŋa kapole ngua tukuŋa njae tina nana kaveta kemi ara nâ panzi tamâta wa tinimi mwasa panzi wa kamandi kaika nana nemi kalo-tawana wa. Ara nana miki ma koka ngua tukuŋa nalanala ninde muli, aku koka tukuŋa kiri-kiri muli tona. <sup>24</sup> Opopo, miki matami leva-leva, andeta katogo tu katula nzâla panzi tamâta! Miki kapono muli pa ngua tukuŋa kiri-kiri, aŋga kalomi kapa nana ngua tukuŋa nalanala. Mine kala miki katogo tamâta tonje isânda lâŋo mota mwata lâ kâ lââ ilo ku ikai piti itambira lâ. Andeta i nandai imora ngoa njae “kamel” ikeno lââ ilo nja; mine nde inu ipaŋando ndoni indue lâ kapwa ilo.

<sup>25</sup> Oyae, mâsi sakamao ndo ma ipâŋga pa miki pananâŋa tamâta nana ngua tukuŋa kâ wa miki Parisai tamâta wa! Miki kawami kaporo ngua kie tonje, aŋga ilomi nde keno piti! Miki uru kaveta nemi kâmba wa kondo kumbu tu sipâŋga mbâra-mbâra ndo. Aŋga kâpwa wa lââ miki uru kao lâ ilo, ande ninde miki muŋga kakai lâ nemi vetâŋa potomule wa ilo-kalo sakamao wa. <sup>26</sup> Miki Parisai tamâta nde matami leva-leva ndo! Kaveta ilomi mbâra-mbâra muŋga lâ, njineŋga kapua kondo kumbu tona, nana ruani ma ipâŋga mbâra-mbâra.

<sup>27</sup> Oyae, mâsi sakamao ndo ma ipânġa pa miki pananâġa tamâta ġana ġgua tukunġa kâ wa miki Parisai tamâta wa! Miki kawami kaporo ġgua kie tonġe, anġa ilomi nde keno piti! Miki katogo kuru tonġe; kuru kulu pa nia yo kâ nde pâne ndo, aku ara pâta ġana tamâta simora kâ. Andeta mateġa tamâta tukanzi wa kelekele rârâni sâmbu ndo nde sipipi lâ ikeno kuru ilo. <sup>28</sup> Aku miki kala kamo mine nâ. Kinzi tamâta simora karaemi nâ, ku situ miki nde tamâta ġana koka Maro Kindeni ne ġgua muli kâ. Andeta mâsi lanġeġa tava mâsi sakamao nde ipipi lâ ikeno ilomi kalomi.”

<sup>29</sup> Yesu iporo ġgua ġine lâ, ġineġa iporo ġgua pinde panzi kilo tu, “Oyae, mâsi sakamao ndo ma ipânġa pa miki pananâġa tamâta ġana ġgua tukunġa kâ wa miki Parisai tamâta wa! Miki kawami kaporo ġgua kie tonġe, anġa ilomi nde keno piti! Miki uru kaveta kuru nia ara ndo panzi ġgua-tulânġa tamâta muġġaġa, aku kaveta siġġara arara nâ kasiġġara kinzi tamâta ara nenzi kuru tona, kinzi ġinde muġġa sipono muli pa Maro Kindeni. <sup>30</sup> Aku miki uru kaporo tu, ‘Ambo tu maka kamo muġġani, lâ timbuma nenzi zo, ande maka ma kasukanzi ġana kakai kazânġa panzi ġgua-tulânġa tamâta ku kapunzi pâta simâte, ande tia ndo!’ <sup>31</sup> Andeta miki nemi ġgua ndainani itula warakami kilalami pwataki tu mikini nde kinzi tamâta ġinde nenzi vâsa, kinzi ġinde muġġa sipunzi ġgua-tulânġa tamâta pâta simâte. <sup>32</sup> Ara mbo, mine kala ġine miki kalâ, aku vetânġa potomule ndia muġġa timbumi siveta marumbu tia yo, ande ġinde miki kalâ kaveta marumbu lâ. <sup>33</sup> Miki nde mwâta sakamao natunzi! Maro Kindeni ma iomi



kalâ pa ne ŋgua nia, ŋinenŋa ma itambirami kalâ pa yââ ŋalae ne mbââ ilo. Miki kakura tu kanŋenŋeana ŋana i ne pareŋa-nia ŋinde kâ, ande tia ndo!

<sup>34</sup> Mine kala miki kaloŋo sondo ŋga. Naŋa ma asupwanzi kinzi ŋgua-tulâŋa tamâta wa ilo-kalo tamwatanzi wa pananâŋa simâ pami. Andeta miki ma kasonanzi pinde sitâra lâ kâi popole tini simâte. Anŋa pinde nde ma kapalilinsi lâ nemi luma ŋana pasauŋa kâ ilo, ŋinenŋa ma kalinzi sikâwa pwapwataki silâ pa lawea pinde. <sup>35</sup> Mine kala Maro Kindeni ma ipare nia pa miki nâ ŋana kinzi tamâta rârâni simo muŋga-muŋga ŋinde nenzi kiesaka kâ, kinzi ŋinde muŋga sikainzi tamâta arara ku sipunzi pâta simâte. Maro Kindeni ma nâna ŋalae ilua mikini ŋana Adam natu Abel ne mateŋa lâ nia ndoyo, aku imâ lee ipâŋga lâ zo ŋinde miki Juda tamâta kapu Berekaia natu Sakaria imâte, lâ patarawâŋa nia ŋga Maro Kindeni ne luma sapâŋa ŋgininzi. <sup>36</sup> Naŋa aporo mao nâ pami; kulu sakamao ŋana vetâŋa potomule muŋgâŋa ŋinde rârâni nde ma imâ ipâŋga pa miki tamâta ŋgu ŋine kala kamo lâ zo ŋine.”

*Yesu kalo sukâŋa ŋananzi tamâta simo Jerusalem  
Luka 13:34-35*

<sup>37</sup> Yesu iporo ŋgua ŋine lâ, ŋinenŋa iporo kilo mine tu, “O, Jerusalem, Jerusalem, miki uru kakai kazâŋa panzi ŋgua-tulâŋa tamâta kala kapunzi pâta simâte. Mao nâ, miki kakainzi tamâta ŋinde Maro Kindeni isupwanzi simâ pami, aku mira nâ kasianzi pâta ku kapunzi simâte. Ikura zo zo naŋa atu agogorami, itogo tatareko tina igogoranzi natu

silâ taitu ku isupinanzi lâ mbani kalo mine. Andeta miki tinimi pwâka. <sup>38</sup> Mine kala kalonjo nga; Maro Kindeni nde ipile nemi luma sapânga ku ilâ lâ, kala luma sapânga ikeno ilo kaa nâ. <sup>39</sup> Naņa apaimi tu miki ma kamora naņa kilo tia lee, ikura lâ zo muli njinde miki ma kaporo tu, ‘Maro Kindeni itu nzâmbe pa koipu njalae njine ikai i ndamwa kala imâ.’ ”

## 24

*Yesu itula ngua tu Maro Kindeni ne luma sapânga ma zavarunja pwapwataki*

*Malaka 13:1-2, Luka 21:5-6*

<sup>1</sup> Yesu ipile Maro Kindeni ne luma sapânga aku iyoka ilâ, njinnga ne pâri-tamâta nde simâ kuku. Kinzi situ situla luma arara ikeno nia sapânga njinde papa. <sup>2</sup> Andeta Yesu ipainzi tu, “Miki kamora luma arara njine, a? Naņa aporo mao nâ pami; kinzi ma sipile luma njine ne mira tonje ikeno mira tonje kulu tia ndo. Kinzi ma sisapira rârâni iyauru bururu ndue lâ.”

*Yesu iporo njana malia kie-kie ma muli ipângga*

*Malaka 13:3-13, Luka 21:7-11*

<sup>3</sup> Yesu ikâki isanona Oliv Tuu kulu, njinnga ne pâri-tamâta simbonzi nâ nde simâ papa ku sika-sonja tu, “Maka katu kasama njine; mâsi njinde ma ipângga lâ zo ndia. Aku mâsi ndia ma ipângga njana itula pwataki tu noko ne zo njana kutaulo kumâ kilo nde imâ laiti lâ, kala tâno njine ne zo nde laiti njana marumbu kê.”

<sup>4</sup> Ande Yesu itula ngua pwataki panzi mine tu, “Miki kapakatona sondo nga. Tia ma tamâta tonje

ilanjemi. <sup>5</sup> Nana tu kinzi tamâta rârâ ma simâ sipatu nana njanju ku ma siporo tu, 'Nanani tamwatangu kala Kirisi', ku ma sikai lanjeņa mine panzi tamâta rârâ. <sup>6</sup> Aku miki ma kaloņo paraņa nalanala ne ndujeņani imâ laiti, aku ma kaloņo ngua nana paraņa nalanala pinde ipannga nia malawae tona. Andeta miki ma tinimi ruru ndimo, nana tu ninde ma imâ ipannga, anga zo nalae nana tâno njine ne zo marumbu kâ nde ma ipannga tia yo. <sup>7</sup> Kinzi tamâta lâ lawea pinde ma simandi sikai kazanja panzi tamâta lâ lawea pinde, anga ngu pinde ma simandi sikai kazanja panzi ngu pinde. Putole nalae ma ipannga lâ tâno pinde, aku ogigi ma iririņo tâno pinde yâti taulo. <sup>8</sup> Mâsi njine rârâni ma ipannga munja, itogo nâna uru ipannga panzi taine kâpwa-kâpwa ku itula tu pagugunja ne zoni nde imâ ipannga laiti lâ.

<sup>9</sup> Lâ zo ninde kinzi ma sikai miki kaika ku siomi lâ ngua nia nana nâna wa malia silami, aku ma sipumi pâta kamâte. Kinzi tamâta rârâni ma ilonzi sakamao ndo nanami, nana tu miki kalomi tawana nana. <sup>10</sup> Lâ zo ninde, kinzi kalo-tawana tamâta rârâ ma sipile nenzi kalo-tawana, aku ma simandi sikai kazanja wa wisi-nâna nalae tina pa nawalanzi, ku ma sionzi silâ kazanja tamâta mbaunzi ilo. <sup>11</sup> Aku ngua-tulanja tamâta lanjeņa rârâ ma simandi ku ma sikai lanjeņa panzi tamâta rârâ. <sup>12</sup> Vetanja potomule ma ipannga more-more nalae tina. Mine kala tamâta rârâ ma sipile mâsi nana tininzi mwasa panzi tininzi pinde kâ. <sup>13</sup> Anja tamâta ea ne kalotawana ikeno mao pa nana, kala ipile ne kalotawana tia, ande Maro Kindeni ma via mao ilua i, kala ma imo via mine ku imo nâ. <sup>14</sup> Aku kinzi

tamâta pinde ma silâ situla pâri ara nana Maro Kindeni ne mâsi nana ikai maro panzi tamâta kâ sikura tâno ndoni, kala tamâta rârâni ma siloŋo lâ. Njineŋga zo nŋalae nana tâno njine ne zo marumbu kâ ma imâ ipânŋa.”

*Vetâŋa sakamao nŋalae tina ma ipânŋa  
Malaka 13:14-23, Luka 21:20-24*

<sup>15</sup> Yesu iporo nŋua njine lâ, njineŋga ipainzi ne pâri-tamâta kilo mine tu, “Miki ma kamora vetâŋa sakamao ndo ipânŋa iveta muso nŋalae lâ Maro Kindeni ne luma sapânŋa ilo. Nŋua-tulânŋa tamâta muŋgânŋa Taneli itula nŋua pwataki nana vetâŋa njinde.” (Noko tamâta ea kuponon nŋua njine, ande kalo nŋgere sonde nana kusama duvi.) <sup>16</sup> “Pa zo njinde, ara nana kinzi tamâta simo Judia tâno ma sikâwa silâ pa nia tuu. <sup>17</sup> Ambo tonŋe imo ne luma mende kulu, ande ara nana i ma indue ku ikâwa nâ ilâ; i ma ilâ luma ilo nana ikai ne kelekele tonŋe ndimo. <sup>18</sup> Ambo tonŋe imo ne tâno ilo, ande i ma itaulo ilâ luma ilo nana ikai ne pasawaŋa luandondo ndimo. <sup>19</sup> Opopo, lâ zo njinde kalosukânŋa nŋalae ma ilâ panzi taine kâpwa-kâpwa wa kinzi taine njinde natunzi simo suu tini yo. <sup>20</sup> Ara nana miki ma kano kaika tu mâsi njinde ma ipânŋa lâ mâo ne zo tia. Aku mine nâ, ara nana miki ma kano tu mâsi njinde ma ipânŋa lâ pwareânŋa ne zo sapânŋa tia. <sup>21</sup> Nana tu lâ zo njinde, malia nŋalae tina ma ipânŋa. Nia ndoyo, lâ zo njinde Maro Kindeni ipulîa samba wa tâno wa kelekele rârâni sipânŋa lâ, aku imâ lee ipânŋa lâ zo njine, ande malia kie-kie mine muŋga ipânŋa tia ndo. Aku muli kala malia kie-kie mine ma ipânŋa kilo, ande tia. <sup>22</sup> Ambo

Maro Kindeni ma io zo luandongo nana malia kie-kie nane, ande kinzi tamâta rârâni ma sipamateteu marumbu lâ. Andeta Maro Kindeni ilo ndo keno panzi tamâta munja ipateanzi nande, kala ma io zo nande mbuku taitu nâ.

<sup>23</sup> Pa zo nande, ambo tamâta tonje ipaimi tu, ‘Kamora nga, Kiriſi imo nai!’, tâku ‘Imo ndai!’, ande miki ma kalomi tawana ngua nande ndimo. <sup>24</sup> Nana tu lâ zo nande, kinzi ‘Kiriſi’ lanjeſa rârâ anja nguatulâſa tamâta lanjeſa rârâ ma simâ sipânja, ku ma siveta mâsi kie-kie pinde sitogo tu silanjenzi tamâta Maro Kindeni munja ipateanzi nande. Andeta kinzi ma sikura tia.

<sup>25</sup> Miki kalonjo nga! Nana aporo atula vetâſa nane pwataki pami lâ, aku mao kanojo, vetâſa nane ma muli ipânja. <sup>26</sup> Mine kala lâ zo nande, ambo kinzi sipaimi tu, ‘Kamora nga, Kiriſi imo nia bilimu ndai!’, ande miki ma kalâ pa nia nande ndimo. Ambo siporo tu, ‘Kamora, Kiriſi ipavea imo luma nande ilo’, ande miki ma kalomi tawana nenzi ngua ndimo. <sup>27</sup> Nana tu miki kasama tu zo nana loloa salaga, ande sinâla nande uru ipânja munja pa wâra kâ, ku ipane nia ilâ walele nâ pa mbwera kâ. Aku nana Tamâta Natu kala ma ayoka pa samba ilo andue amâ mine nâ. Mine nde kinzi tamâta rârâni ma simora ku sisama.

<sup>28</sup> Lâ nia ndia ngoa imâte ku karae sâmbu nâ ikeno, ande kinzi sii malabogi uru sipagona lâ niani ndaina.”

*Mâsi rârâni nande ma marumbu lâ, ninenja Yesu ma imâ ipânja*

*Malaka 13:24-27, Luka 21:29-33*

<sup>29</sup> Yesu iporo ŋgua ŋine lâ, ŋinenḡa iporo kilo tu, “Mâsi wa malia ŋalae tina ŋinde rârâni ma ipânḡa lâ ŋga, ŋinenḡa walele nâ

‘kari mata ma ipânḡa ŋaḡa, aḡga nzimona ma mata ipane nia kilo tia, aḡga pitu ma simbe piti lâ samba tini, aḡga samba ne siḡḡara kaika rârâni ma silâ wa simâ wa.’

<sup>30</sup> Aku lâ zo ŋinde, mâsi tonḡe ma ipânḡa lâ samba tini ŋana itula zo pwataki tu Tamâta Natu ŋga imâ. Aku kinzi tamâta rârâni lâ tâno kulu ma sipataiḡa nâ. Kinzi rârâni ma simora naḡa Tamâta Natu ayoka samba ne take-take kulu amâ apânḡa tava walo ŋalae. Kinzi ma simora nanenḡu sinâla ŋalae, ande kala ma sisama naḡa kilalânḡu pwataki tu naḡa nde Maro Ŋalae. <sup>31</sup> Aku aḡelo tonḡe ma imbana tando ŋalae ilâ nduḡeḡa ŋalae tina, ŋinenḡa naḡa ma aonzi nanenḡu aḡelo simâ siḡ-onanzi nanenḡu tamâta rârâni muḡga apateanzi ŋinde. Mao nâ, kinzi aḡelo ma silâ sikura nia ndoni lâ tâno kulu ŋana sikainzi nanenḡu tamâta rârâni.

*Ŋgua tambirâḡa ŋana kâi pâla-pâla itula zo  
Malaka 13:28-31, Luka 21:29-33*

<sup>32</sup> Miki kalomi ŋgere ŋana kâi pâla-pâla kâ, ŋana tu ŋinde ma isukami ŋana kasama nanenḡu ŋgua ŋine ne duvi. Lâ zo ŋana kâi pâla-pâla irumba ku lau wasaseki ipânḡa, ande ŋinde miki kasama tu kari ne zo ŋga imâ ipânḡa laiti lâ. <sup>33</sup> Aku mine nâ, ambo miki kamora mâsi ŋinde rârâni ipânḡa marumbu lâ, ŋinenḡa miki ma kasama tu tâno ŋine ne zo ŋga laiti ŋana marumbu kâ. <sup>34</sup> Naḡa aporo mao nâ pami; kinzi tamâta lâ zo ŋine ma simâte tia yo, ŋinenḡa mâsi rârâni ŋinde ma imâ ipânḡa. <sup>35</sup> Mao nâ, samba

wa tâno wa ma marumbu lâ, anġa naġa kawânġu nġua nde ma marumbu tia ndo, ma ikeno mine ku imo nâ.”

*Maro Kindeni simbo nâ isama Yesu ne zo nġalae nġana itaulo imâ kilo*

*Malaka 13:32-37, Luka 21:34-36*

<sup>36</sup> Yesu iporo nġua nġine lâ, nġineġa iporo kilo mine tu, “Tamâta tonġe isama zo ndia wa kari tai nġapia naġa ma ataulo amâ kilo, ande tia. Kinzi anġelo lâ samba ilo sisama nġine tia, aku naġa Maro Kindeni Natu tamwatânġu kala asama tia. Mama simbo nâ isama. <sup>37</sup> Nia ndoyo, lâ Noa ne zo, kinzi tamâta sizizâla nġana pondi nġalae laiti nġana ipânġa kâ, aku simo nenzi. Aku mine nâ, kinzi tamâta ma sizizâla nġana nanenġu zo nġana ataulo amâ apânġa kâ. <sup>38</sup> Mao nâ, lâ zo muġġânġa nġinde, pondi nġalae ipânġa tia yo, ku kinzi tamâta nde simo nenzi, sika wa sinu wa sipakâe wa. Siveta mine ku simo lee, nġineġa Maro Kindeni ipai Noa tu ikâki ilâ wânġa nġalae muġġa isape nġinde ilo. <sup>39</sup> Kinzi tamâta nġinde nde sizizâla nġana mâsi ma ipânġa panzi nġinde, ku simo mine lee, nġineġa pondi nġalae ipânġa ku izavarunzi tamâta rârânġi marumbu lâ. Ande kala vetânġa kie taituni nâ ma ipânġa lâ naġa Tamâta Natu nenġu zo nġana amâ apânġa kâ. <sup>40</sup> Kinzi tamâta rua ma simo nenzi tâno ilo, aku Maro Kindeni ma ikai tonġe imâ imo kuku, anġa ma ipile tonġe imo. <sup>41</sup> Kinzi taine rua ma simo simomo kanzi puroġa, aku Maro Kindeni ma ikai tonġe imâ imo kuku, anġa ma ipile tonġe imo. <sup>42</sup> Mine nde miki ma kaka mâsa ku kamo nâ, nġana tu miki kazizâla nġana zo ndia nemi Maro Nġalae ma imâ. <sup>43</sup> Miki kalomi

ngere sondo nga. Ambo luma warika isama munga lâ nana kari tai nopia lâ mbo panawe tamâta ma imâ, ande i ma ika mâsa, kala panawe tamâta ma ikura tu imâ ipu luma pwataki ku imâ ilo, ande tia. <sup>44</sup> Mine nde miki kala kao tinimi ku kamo nâ, nana tu nana Tamâta Natu kala ma ataulo amâ lâ zo tonje miki ilomi patea tu ma amâ tia.”

*Ngua tambirâna nananzi wurâta tamâta rua, tonje ara nga tonje sakamao*

<sup>45</sup> Ninennga Yesu itambira ngua panzi ne pâri-tamâta mine tu, “Ambo koipu tonje imora ne wurâta tamâta tonje tu i tamâta ara, nana tu i uru iveta ikura koipu iporo mine, aku ne ilo-kalo nde sondo; ande koipu ma ipatea tamâta ninde tu ipânga mbâna-mbâna ku ikatonanzi ne wurâta tamâta pinde wa kâpwa ilanzi wa. <sup>46</sup> Ambo koipu ninde ilâ pa nia malawae tonje, ninennga itaulo imâ ku imora wurâta tamâta ninde iveta ne wurâta ara mine nâ, ande wurâta tamâta ninde ikura nana indeka kâ. <sup>47</sup> Nana aporo mao nâ pami; koipu ma ipatea wurâta tamâta ninde tu ikai poe pa i ne kelekele rârâni. <sup>48</sup> Taitu kalonjo nga; ambo wurâta tamâta mbâna-mbâna ninde nde tamâta ara tia, ande i ma iporo lâ ilo tu, ‘Nanengu koipu ma imo songo, ma itaulo imâ walele tia.’ <sup>49</sup> Ninennga i ma imandi nana ipunzi wurâta tamâta, aku ma ika wa inu kunzi tamâta pinde uru sinu rârâ ku sidauda ninde. <sup>50</sup> Ambo mine, ambo koipu itaulo imâ lâ zo tonje wurâta tamâta ninde nandai isama ku io tini nana nga, <sup>51</sup> ande koipu ma izavaru wurâta tamâta ninde ndo, ku ma io imo kunzi tamâta ninde uru kawanzi nâ sipanea Maro Kindeni, andeta ilonzi



keno papa tia. Lâ nia n̄inde, kinzi ma sita p̄ata lâ ku nīonzi giri-giri n̄ana sikai n̄ana k̄a.”

## 25

<sup>1</sup> N̄inēnga Yesu itambira n̄gua panzi ne p̄ari-tamâta mine tu, “Maro Kindeni ne zo n̄ana imâ ikai maro panzi tamâta k̄a, ande itogo n̄ine: Tamâne ton̄ge itu ikai taine ton̄ge itogo kaiwa mine. Aku rua nenzi zo n̄ana sipakâe k̄a nde ip̄ân̄ga lâ, kala taine taipa sān̄ao sikai nenzi lamu ku silâ pa nawalanzi taine n̄inde ne luma. Sip̄ân̄ga lâ, n̄inēnga sis̄an̄ona ku sio tininzi pa pakâēn̄a tamwata n̄inde, n̄ana tu i ma muli imâ ikai taine, ku rua ma silâ pa tamâne ne luma. Kinzi taine sān̄ao n̄inde ilonzi tu ma silâ kunzi ku sika k̄ân̄a-nūn̄a n̄ana nenzi pakâēn̄a k̄a.

### *Yesu itambira n̄gua n̄ananzi taine taipa sān̄ao*

<sup>2-4</sup> Kinzi taine lima nde ilonzi kalonzi ara kōn̄a tia, n̄ana tu sikai nenzi lamu kaa n̄a simâ, aku n̄andai sikai lââ tona n̄ga. An̄ga kinzi taine lima nde simo tava ilonzi kalonzi ara n̄a, n̄ana tu mūn̄ga siwuwu nenzi lââ lâ belo ilo ku sikai tava lamu simâ. <sup>5</sup> Andeta pakâēn̄a tamwata nde imâ walele tia, aku kinzi taine taipa sān̄ao nde sio tininzi lee matanzi matutu, kala sikeno lâ.

<sup>6</sup> Sikeno lee, ku mbo n̄gini-n̄gini, n̄inēnga silon̄o saraw̄ân̄a ton̄ge ip̄ân̄ga mine tu, ‘Ayo, pakâēn̄a tamwata kala imâ lâ, kala miki kamâ kamora ku takai talâ!’ <sup>7</sup> N̄inēnga kinzi taine taipa sān̄ao nde simandi s̄anda ku siveta nenzi lamu son̄do lâ. <sup>8</sup> Kinzi taine taipa lima nenzi lââ tia n̄inde nde sino nawalanzi taine n̄inde tu, ‘Wa, miki lââ nūn̄a mwata kalua maka n̄ga, n̄ana tu maka nema lââ

tia, aku laiti ŋana yââ imâte kâ.’ <sup>9</sup> Andeta kinzi ilo-kalo taine lima ŋinde nde siporo taulo panzi nawalanzi tu, ‘Tia ma! Lââ ŋine nde ikura maka nâ, ma ikura miki tona, nde tia. Ara ŋana miki ma kalâ panzi tamâta ŋana sipako lââ kâ, aku kako ikura warakami nemi nâ.’ <sup>10</sup> Ŋinenŋa kinzi taine lima ŋinde nde silâ ŋana siko nenzi lââ kâ. Silâ lâ, ŋinenŋa pakâeŋa tamwata imâ ipânŋa. Kinzi taine lima muŋga sikai nenzi lââ ŋinde nde silâ kuku, aku silâ luma ilo ŋana sika waiŋa pakâeŋa ne kânŋa-nuŋa kâ. Silâ luma ilo lâ, ŋinenŋa kinzi wurâta tamâta sisae nzâla kaika giri lâ.

<sup>11</sup> Aku muli, ŋinenŋa kinzi taine lima ŋinde sitaulo simâ, aku sita sisarâwa ku sipai tu, ‘Wa, tamâta ŋalae! Tamâta ŋalae! Kumâ pwai nzâla piti pama ŋga!’ <sup>12</sup> Andeta pakâeŋa tamwata iporo taulo tu, ‘Naŋa aporo mao tu naŋa asama miki tia.’ ”

<sup>13</sup> Yesu iporo ŋgua tambirâŋa ŋine lâ, ŋinenŋa ipainzi ne pâri-tamâta tu, “Mine nde miki ma kaka mâsa ku kamo nâ, ŋana tu miki kazizâla ŋana zo wa kari tai ŋapia naŋa ma ataulo amâ kilo.”

*Ŋgua tambirâŋa ŋananzi wurâta tamâta ŋato sika-tona mbaliŋa*

<sup>14</sup> Ŋinenŋa Yesu itambira ŋgua tonŋe panzi ne pâri-tamâta kilo tu, “Maro Kîndeni ne mâsi ŋana ikai maro panzi tamâta kâ, nde itogo ŋine: mbaliŋa warika tonŋe itu iyoka ilâ pa nia malawae kâ. Mine kala isarawanzi ne wurâta tamâta simâ, ku iwae ne mbaliŋa panzi ŋana sikatona kâ. <sup>15</sup> I kalo ŋgere ŋana ne wurâta tamâta taitu-taitu nenzi ilo-kalo wa vetâŋa wa, ŋinenŋa iwae mbaliŋa panzi.

Tamâta tonje nde mbumbu 5,000 ilua, anja tonje nde mbumbu 2,000 ilua, anja tonje nde mbumbu 1,000 ilua. Iveta mine nâ ilanzi lâ, njenga ilâ. <sup>16</sup> Ilâ lâ, njenga wurâta tamâta njinde munja ikai mbumbu 5,000 njinde, nde iveta wurâta lâ tini, aku mbumbu pagugu njalae. Aku ikai mbumbu njinde ne kalulu wasaseki pinde ipanja lâ 5,000 kilo. <sup>17</sup> Anja wurâta tamâta munja ikai mbumbu 2,000 njinde, ande i kala iveta wurâta lâ tini mine nâ. Aku ikai mbumbu njinde ne kalulu wasaseki pinde ipanja lâ 2,000 kilo. <sup>18</sup> Anja wurâta tamâta munja ikai mbumbu 1,000 njinde, ande ilâ iveta wewe njalae lâ tâno ilo, aku ikea tamâta njalae ne mbumbu njinde lâ wewe ilo ikeno.

<sup>19</sup> Zo luandondo lâ, njenga kinzi wurâta tamâta njato njinde nenzi tamâta njalae nde itaulo imâ. Imâ lâ, njenga iveta njua sondu kunzi njana mbumbu kala munja ilanzi njinde. <sup>20</sup> Njenga wurâta tamâta munja ikai mbumbu 5,000 njinde nde imâ ku iporo itula mine, ‘Tamâta njalae, noko munja mbumbu 5,000 kulua naña. Ayo, kumora nga, naña aveta wurâta lâ tini, kala akai mbumbu kalulu 5,000 kilo tona.’ <sup>21</sup> Njenga ne tamâta njalae nde ipai mine tu, ‘Noko nde wurâta tamâta ara ndo. Noko uru kuveta wurâta ara nâ ku pwatona ne wurâta sondu nâ. Noko munja pwatona nanengu mbaliña mota mwata njinde sondu; mine kala naña ma wurâta alano tu pwatona mbaliña njalae tina. Naña ilongu ndeka nâ! Kumâ kundeka kuku naña!’

<sup>22</sup> Njenga wurâta tamâta munja ikai mbumbu 2,000 njinde, ande i kala imâ, ku iporo itula mine, ‘Tamâta njalae, noko munja mbumbu 2,000 kulua naña. Ayo, kumora nga, naña aveta wurâta lâ

tini, kala akai mbumbu kalulu 2,000 kilo tona.’  
<sup>23</sup> Njineŋga ne tamâta ŋalae nde ipai mine tu, ‘Noko nde wurâta tamâta ara ndo. Noko uru kuveta wurâta ara nâ ku pwatona ne wurâta sondo nâ. Noko muŋga pwatona nanenŋu mbaliŋa mota mwata ŋinde sondo; mine kala naŋa ma wurâta alano tu pwatona mbaliŋa ŋalae tina. Naŋa ilonŋu ndeka nâ! Kumâ kundeka kuku naŋa!’

<sup>24</sup> Njineŋga wurâta tamâta muŋga ikai mbumbu 1,000 ŋinde, ande i kala imâ, ku iporo itula mine tu, ‘Tamâta ŋalae, naŋa asama tu noko uru kalo sukâŋa ŋananzi tamâta tia ndo. Noko uru kugona kâpwa lâ tamâta pinde nenzi tâno, andeta noko muŋga kuliŋi kaniŋa vâsa lâ tâno ŋinde ilo, ande tia.’  
<sup>25</sup> Asama ŋine lâ, ande kala naŋa aruru, kala akai noko ne mbumbu 1,000 ŋinde alâ avea lâ tâno ilo. Ande kala ŋai, pwai noko ne mbumbu 1,000 ŋine.’  
<sup>26</sup> Njineŋga ne tamâta ŋalae nde ipai mine tu, ‘Noko nde wurâta tamâta sakamao. Noko wulitia tamwata! Noko kusama tu naŋa uru agona kâpwa lâ tamâta pinde nenzi tâno, andeta naŋa muŋga aliŋi kaniŋa vâsa lâ tâno ŋinde ilo tia, a?’  
<sup>27</sup> Mine nde ŋana sâ kê ŋga noko ŋandai kuo nanenŋu mbumbu lâ pinze ilo, a? Ambo noko muŋga kuveta mine, njineŋga ataulo amâ, ande naŋa ma akai nanenŋu mbumbu 1,000 aŋga kalulu wasaseki pinde tona. Andeta tia.  
<sup>28</sup> Mine kala miki kakai mbumbu 1,000 ŋine saŋe wurâta tamâta ŋine, ku kalua tamâta ŋine muŋga ikai mbumbu 10,000.  
<sup>29</sup> Njana tu tamâta ea uru iveta wurâta ara pa naŋa, ande naŋa ma wurâta ŋalae alua i tu ma iveta, kala i ma imo itogo tamâta ŋalae mine. Aŋga tamâta ea uru iveta wurâta ara tia pa naŋa, ande naŋa ma akai wurâta

ņine saņe, kala i ma imo itogo tamâta kaa nâ mine.  
<sup>30</sup> Ayo, miki kakai wurâta tamâta sakamao ñinde ku katambira ilâ pa nia kondoma. Lâ nia ñgaņe ñinde kinzi ma sita pâta ku niņonzi giri-giri ñana sikai nâna kâ.’ ”

*Tamâta Natu ma itaulo imâ tu ipare nia panzi tamâta rârâni*

<sup>31</sup> Nineņga Yesu ipainzi ne pâri-tamâta kilo mine tu, “Lâ zo muli, naņa Tamâta Natu ma akainzi nanenġu aņelo rârâni ataulo amâ atogo koipu ñalae mine, ñineņga naņa tamwatâņgu ma asaņona koipu ñalae ne saņonâņa nia ñana apare nia panzi tamâta kâ. <sup>32</sup> Naņa ma agonanzi tamâta rârâni muņga simo lâ nia ndoni lâ tâno kulu, aku ma simâ simandi naonġu. Aku ma apateanzi ku awaenzi pwapwataki lâ űgu rua, itogo ‘lama’ nenzi ka-tonâņa ipateanzi lama piti simo lâ űgu tonġe, aņga ‘meme’ simo piti lâ űgu tonġe. <sup>33</sup> Naņa ma aonzi tamâta ñinde muņga sipono muli pa Maro Kindeni silâ simo pa tiniņgu pa wia kâ. Aņga kinzi tamâta muņga sipu mulinzi pa Maro Kindeni, kinzi ñinde ma silâ simo pa tiniņgu pa ñâsi kâ. <sup>34</sup> Nineņga naņa Koipu Nalae ma apainzi tamâta simo pa tiniņgu pa wia kâ tu, ‘Miki kamâ. Naņa Mama ne nzâmbe imo kumi, aku i tamwata ma ikai maro sondo pami. Kamâ kakai nzâmbe ñine Mama nia ndoyo ipatea pami, lâ zo ñinde ipulia samba wa tâno wa. <sup>35</sup> Nzâmbe ñine imâ pami, ñana tu muņga naņa putole ipuna, ande miki kâpwa kalana aka. Naņa arakoņa ñana lââ kâ, ande miki lââ kalana anu. Naņa ayoka lombo amâ pami, ande miki kao naņa lâ nemi luma ilo. <sup>36</sup> Nanenġu lalava tonġe tia, ande

miki lalava kalana apita. Naŋa akai pukonja, ande miki kakatona naŋa. Naŋa amo luma sakamao ilo, ande miki kamâ kakalele naŋa.’

<sup>37</sup> Kinzi tamâta ŋinde muŋga sipono muli pa Maro Kindeni, ande ma sikasonja naŋa tu, ‘Maro Njalae, lâ zo ndia noko putole ipuno kala maka kâpwa kalano. Aku lâ zo ndia noko kurakonja ŋana lââ kâ, kala lââ kalano. <sup>38</sup> Anja lâ zo ndia maka kamora noko pwoka lombo kumâ pama, kala kaono lâ nema luma ilo. Anja lâ zo ndia noko ne lalava tonje tia, kala maka lalava kalano. <sup>39</sup> Anja lâ zo ndia maka kamora noko kupoko kala kakatonano, wa kumo luma sakamao ilo kala kamâ kakalele noko.’

<sup>40</sup> Ninenja naŋa ma aporo taulo panzi mine tu, ‘Naŋa aporo mao nâ pami: kinzi sugorai tamwatanzi ŋine nde simo niŋgu-nambwe wukale. Mine nde vetâŋa rârâni miki muŋga kaveta pa kinzi, ande ŋinde itogo miki kaveta pa naŋa tava.’

<sup>41</sup> Ninenja naŋa ma apainzi tamâta simo pa tininju pa ŋâsi kâ ŋinde mine tu, ‘Miki nde tamâta ŋana kakai Maro Kindeni ne pareŋa-nia kâ! Miki kakâwa kalâ pa yââ njalae ne mbââ ilo! Maro Kindeni muŋgani io yââ nia ŋinde panzi Sadana tavanzi ne aŋelo, aku yââ ŋinde ma imâte tia, ma ikana mine ku imo nâ. <sup>42</sup> Nâna ŋine imâ pami ŋana tu muŋga, naŋa putole ipuna, andeta miki ŋandai kâpwa kalana ŋga. Naŋa arakonja ŋana lââ kâ, andeta miki ŋandai lââ kalana ŋga. <sup>43</sup> Naŋa ayoka lombo amâ pami, andeta miki ŋandai kao naŋa lâ nemi luma ilo ŋga. Nanenju lalava tonje tia, andeta miki ŋandai lalava kalana ŋga. Naŋa

akai pukonja wa amo luma sakamao ilo wa, andeta miki njandai kamâ kakalele nanja nja.’

<sup>44</sup> Njineŋga kinzi kala ma sikasonja nanja mine tu, ‘Maro Njalae, lâ zo ndia maka kamora noko putole ipuno wa, kurakonja njana lââ kê wa, pwoka lombo kumâ pama wa, kumo kaa nâ ne lalava tia wa, pukonja ikaino wa, kumo luma sakamao ilo wa, andeta kakatonano tia, a?’

<sup>45</sup> Njineŋga nanja ma aporo taulo tu, ‘Nanja aporo mao nâ pami; vetâŋa arara ndia miki tinimi pwâka tu kaveta panzi sugorai tamwatanzi njine, ande njinde itogo miki kaveta pa nanja tia mine nâ.’

<sup>46</sup> Njineŋga nanja ma aonzi tamâta njinde silâ njana sikai nenzi pareŋa-nia, kala ma sikai nâna ku simo nâ. Anja kinzi tamâta njinde muŋga sipono muli pa Maro Kideni, ande kinzi ma sikai via mao, ma simo ara mine ku simo nâ.”

## 26

*Kinzi tamâta njalanala sipa njua tu ma sipu Yesu pâta imâte*

*Malaka 14:1-2, Luka 22:1-2*

<sup>1</sup> Yesu nde itula njua njine rârâni pwataki marumbu lâ, njineŋga ipainzi ne pâri-tamâta tu,  
<sup>2</sup> “Miki kasama tu zo rua nâ keno mo naj yo, njineŋga kumbwa njalae Pasova ma ipâŋga. Njineŋga kinzi ma sio nanja Tamâta Natu lâ kazâŋa tamâta mbaunzi ilo, aku ma sisona nanja atâra lâ kêi popole tini.”

<sup>3</sup> Anja kinzi patarawâŋa tamâta njalanala nde sipasau silâ taitu kunzi Isrel nenzi katonâŋa lâ patarawâŋa tamâta kulu-kâmba Kaiafas ne luma.

<sup>4</sup> Kinzi siporo siroto nzâla njana sikai Yesu kaika

lâ nia nḡaḡe tonḡe, ḡana ma sipu pâta imâte kâ.  
<sup>5</sup> Andeta kinzi siporo tu, “Kinda ma taveta ḡine lâ zo sapâḡa tia. Tia ma kinzi tamâta wisinzi nâna ku sinḡoloa paraḡa, ku ma sipara potomule.”

*Taine tonḡe ipaliḡi samimi lâ Yesu kulu  
 Malaka 14:3-9, Yoane 12:1-8*

<sup>6</sup> ḡinenḡa Yesu ilâ pa Betani lawea, aku imo Saimon ne luma. Saimon nde tamâta tonḡe muḡa ikai pukonḡa saga-saga, ḡinenḡa tini mbâra-mbâra kilo. <sup>7</sup> Yesu nde isaḡona peke tini ḡana ika kâ, andeta taine tonḡe ikai ne mira belo ara tonḡe, samimi kuwae ara pâta keno ilo, ku ikai imâ pa Yesu. Samimi ḡinde nde kulu ḡalae tina. Aku taine ipaliḡi samimi ḡinde lâ Yesu kulu. <sup>8</sup> Yesu ne pâri-tamâta nde simora ḡine ku ilonzi kura tia ndo. Kinzi siporo tu, “Opopo, ḡana sâ kâ ḡa ipaliḡi samimi ḡine iyaula kaa nâ, a? <sup>9</sup> Ambo kinda muḡa takai samimi ḡinde talanzi tamâta tu siko tâ, ande kinda ma takura tu takai kulu ḡalae ḡinde, aku mbumbu ḡinde ma talanzi sugorai tamwatanzi. Andeta tia.”

<sup>10</sup> Andeta Yesu isama tu nenzi ilo-kalo mine ikeno panzi, kala ipainzi tu, “ḡana sâ kâ aḡa miki kaveta malia pa taine ḡine, a? Iveta mâsi ara pâta pa naḡa. <sup>11</sup> Kinzi sugorai tamâta ma simo kumi ikura zo zo, aḡa naḡa nde ma amo sonḡo kumi, ande tia. <sup>12</sup> Taine ipaliḡi samimi ḡine ḡana iveta karaḡḡu sondo ḡana alâ pa kuru nia kâ. <sup>13</sup> Naḡa aporo mao nâ pami; lâ tâno ndia muli mbo kinzi ma silâ situla pâri ara ḡana naḡa kâ, ande kinzi ma situla vetâḡa taine ḡine iveta ḡinde tona, ḡana kinzi tamâta ma kalonzi ḡgere ḡana i wa.”



*Judas ipa ngua tu ma io Yesu lâ kinzi patarawâña tamâta mbaunzi ilo*

*Malaka 14:10-11, Luka 22:3-6*

<sup>14</sup> Njine ilâ lâ, njineŋga kinzi pâri-tamâta saŋao kanaŋonzi rua nawalanzi tonje, i ŋa tu Judas Iskar-iot, ande ilâ panzi patarawâña tamâta ŋalaŋala. <sup>15</sup> Aku ikasonŋanzi tu, “Ambo naŋa ma ao Yesu lâ miki mbaumi ilo, ande miki ma sâ kalua naŋa.” Njineŋga mbumbu tamâta taitu kanaŋo saŋao (30) silua. <sup>16</sup> Njineŋga Judas nde ilâ ku iroto zo ŋana ma io Yesu lâ kinzi kazâña tamâta mbaunzi ilo.

*Yesu ika kâña-nuŋa kunzi ne pâri-tamâta*

*Malaka 14:12-21, Luka 22:7-18*

<sup>17</sup> Njineŋga zo sapâña ŋana sika puroŋa ne yisi tia kâ ŋa ipâŋga lâ. Aku kinzi pâri-tamâta nde simâ pa Yesu ku sikasonŋa tu, “Noko ilo tu maka ma kaveta kelekele sondo lâ nia ndia, ŋana ma taka kumbwa Pasova ne kâña-nuŋa.” <sup>18</sup> Yesu nde ipainzi tu, “Miki kalâ lawea ŋalae ilo, ku kalâ pa tamâta tonje imo ndai. Kapai tamâta ŋinde tu, ‘Nema pananâña isupwama ŋana kaporo ngua pano tu i ne zo ŋa imâ ipâŋga lâ. I ma ika kumbwa njine ne kâña-nuŋa lâ noko ne luma ilo, tava maka, i ne pâri-tamâta.’ ” <sup>19</sup> Kinzi pâri-tamâta nde siveta ikura Yesu iporo panzi mine, aku siveta kâña-nuŋa sondo.

<sup>20</sup> Kari indue lala pararai lâ, njineŋga Yesu isaŋona kunzi ne pâri-tamâta saŋao kanaŋonzi rua lâ kâña-nuŋa nia. <sup>21</sup> Kinzi sisaŋona sika yo, ande Yesu ipainzi tu, “Naŋa aporo mao nâ pami; tamâta tonje lâ miki ŋginimi ma io naŋa lâ kinzi kazâña tamâta mbaunzi ilo.” <sup>22</sup> Kinzi pâri-tamâta nde silonjo ngua njine ku ilonzi malia ndo, ku kinzi

taitu-taitu sikasona Yesu tu, “Maro Nalae, tiambo noko kuporo nana nana kâ, tiya?” <sup>23</sup> Yesu nde iporo taulo panzi tu, “Tamâta ninde nde io mbau lâ kondo ilo kuku nana, kala maka rua kaka lâ. Ina ma io nana lâ kinzi kazâna tamâta mbaunzi ilo. <sup>24</sup> Mao nâ, nana Tamâta Natu ma amâte, ikura Maro Kindeni kawa ngua kinzi ngua-tulâna tamâta mungâna singere lâ pepa tini ikeno mine. Andeta vetâna sakamao ndo ma ipânga pa tamâta ninde kala io Tamâta Natu lâ kinzi kazâna tamâta mbaunzi ilo. Ambo nia ndoyo tamâta ninde tina ipagugua i tia tâ, ande ninde ma ara.” <sup>25</sup> Ninennga Judas, ina muli ma io Yesu ilâ kazâna tamâta mbaunzi ilo, ande i tamwata ikasona Yesu tu, “Pananâna, tiambo noko kuporo nana nana kâ, tiya?” Yesu nde itu lâ kawa tu, “Kala nokoni.”

*Yesu wainja ilanzi ne pâri-tamâta*

*Malaka 14:22-25, Luka 22:19-20, 1 Korin 11:23-34, Yoane 13:12-30*

<sup>26</sup> Kinzi sisanona sika yo, ninennga Yesu ikai puroña, kawa ndange pa Maro Kindeni, aku ipwataki ilanzi ne pâri-tamâta. Aku iporo tu, “Miki kakai kaka. Nana kanaanngu kala nîne.” <sup>27</sup> Ninennga ikai kâmba waini kala mine nâ, kawa ndange pa Maro Kindeni, ku ilanzi. Aku ipainzi tu, “Miki rârâni kanu waini ikeno kâmba nîne ilo. <sup>28</sup> Nana seengu kala nîne. Nîne nde Maro Kindeni ne ngua pâna ne kanaan. Nana apalinji nananzi tamâta rârâ, nana izavaru nenzi kiesaka piti lâ tininzi. <sup>29</sup> Nana aporo mao nâ pami; nana ma anu waini kanaan kilo tia lee, ikura lâ zo ninde Maro Kindeni ma ikai

maro panzi tamâta lâ tâno kulu. Njineŋga ma anu waini waseki kuku miki.”

<sup>30</sup> Yesu iporo ŋgua njine lâ, njineŋga siwâŋgi wâŋgiŋa tonje, aku simandi sipile lawea ŋalae ku siyâti silâ pa Oliv Tuu.

*Yesu iporo tu Petero ma ipatimoa i*

*Malaka 14:26-31, Luka 22:31-34, Yoane 13:31-38*

<sup>31</sup> Njineŋga Yesu ipainzi ne pâri-tamâta tu, “Miki ma kamora mâsi ŋalae tonje ipâŋga pa naŋa lâ njine mbo, ande kala miki rârâni nemi kalo-tawana ma imbe. Vetâŋa njine iyoke Maro Kindeni kawa ŋgua ikeno lâ pepa tini mine tu,

‘Naŋa ma apu lama nenzi katonâŋa tamâta, ande kala kinzi lama ma sikâwa pwapwataki silâ.’

<sup>32</sup> Andeta muli ŋga Maro Kindeni ma ipaŋo naŋa amandi amo viâŋgu kilo, njineŋga ma ayoka amuŋga pami alâ Galilaya tâno.” <sup>33</sup> Yesu iporo mine, andeta Petero itu lâ kawa tu, “Ambo kinzi njine rârâni simora mâsi ŋalae ipâŋga pano, kala nenzi kalo-tawana imbe lâ, ande nanenju kalo-tawana ma imbe mine tia ku tia ndo!” <sup>34</sup> Njineŋga Yesu ipai Petero mine, “Naŋa aporo mao nâ pano; ma njine mbo nâ, tatareko ma ita isuŋa kawa tia yo, ande noko ma kuporo kupatimoa naŋa mbwani ŋato tu noko kusama naŋa tia.” <sup>35</sup> Andeta Petero iporo kilo pa Yesu tu, “Ambo kinzi situ sipu naŋa pâta amâte kuku noko, ande naŋa ma aporo apatimoa noko mine tia ku tia ndo kanaŋo!” Aku kinzi pâri-tamâta rârâni kala siporo ŋgua kaŋa taituni mine.

*Yesu ikai nonja lâ Getsemani tâno ilo*

*Malaka 14:32-42, Luka 22:39-46, Yoane 18:1*

<sup>36</sup> Njineŋga Yesu ikainzi ne pâri-tamâta silâ sipâŋga tâno tonje, i ŋa tu Getsemani, aku ipainzi tu, “Miki kasaŋona kamo ŋai, mbo naŋa alâ ndai akai nonja ŋga.” <sup>37</sup> Njineŋga Yesu ikainzi Petero ŋga Sebedi natu rua, aku kinzi ŋato silâ kuku. Njineŋga Yesu kalo sukâŋa ŋalae tina ku isama ilo malia ndo.

<sup>38</sup> Aku ipainzi ne pâri-tamâta ŋato mine tu, “Naŋa kalonju sukâŋa ŋalae tina, aku laiti ŋana iyaula naŋa ndo. Mine nde ara ŋana miki ma kamo ŋaina ku kaka mâsa kuku naŋa.” <sup>39</sup> Njineŋga ilâ tini ku ikeno nao tundu lâ tâno kulu, ku ino mine, “O Mama, ambo noko ilo tu kuveta mine, ande naŋa ilonju tu noko ma pwai kâmba ŋana nâna kê ñine saŋe naŋa. Ambo taitu noko ma kuveta ikura nanenju pateâŋa mine ndimo. Noko ma kuveta ikura noko tamwata nâ ne pateâŋa.”

<sup>40</sup> Njineŋga Yesu itaulo ilâ panzi ne pâri-tamâta ŋato kilo, andeta sikeno. Aku ipaŋonzi ku ikasonja Petero tu, “Mana mana ŋga miki kakura tia ŋana kaka mâsa kuku naŋa ikura kari tai taitu nâ, a?”

<sup>41</sup> Ara ŋana miki ma kao tinimi, ku kano pa Maro Kindeni tu ma isukami ŋana kamandi kaika lâ zo ndia samâŋa imâ ipâŋga pami. Mao nâ, miki ilomi tu kaveta vetâŋa ara, aŋga karaemi nde iveta malia pami.”

<sup>42</sup> Njineŋga Yesu ipilenzi ku itaulo kilo, ku ino mine; “O Mama, ambo kâmba ŋana nâna kê ñine ikura tu inŋenje ŋanana tia, aku noko ilo tu ma anu, ande ara, kuveta ikura noko ne pateâŋa mine.”

<sup>43</sup> Ikai nonja ñine lâ, ñineŋga itaulo ilâ panzi ne pâri-tamâta kilo. Andeta imoranzi sikeno nâ simo, ŋana

tu matanzi matutu pâta. <sup>44</sup> Mine kala Yesu ipilenzi ku itaulo kilo, aku ikai noŋa kilo. I ne noŋa ŋinde nde rege-rege kuku noŋa ikai muŋga ŋinde.

<sup>45</sup> Ino lâ, ŋinenŋa itaulo ilâ panzi ne pâri-tamâta, ku ipainzi tu, “Opopo, miki kakeno kamo ŋai yo kapwarea, a? Kalonŋo ŋga! Zo ŋga ipânŋa lâ, kala ŋine kinzi simâ ŋana sio naŋa Tamâta Natu lâ kinzi kiesaka tamwatanzi mbaunzi ilo. <sup>46</sup> Ayo, kamandi, ku toka talâ panzi. Kamora ŋga, tamâta ŋana ikai kulu-pânŋa ŋana naŋa kê, ande kala imâ ipânŋa laiti lâ.”

*Judas Iskariot itula Yesu panzi kazâŋa tamâta  
Malaka 14:43-52, Luka 22:47-53, Yoane 18:2-11*

<sup>47</sup> Yesu iporo ŋgua ŋine yo, ŋinenŋa Judas, i nde tonŋe lâ Yesu ne pâri-tamâta sanŋao kananŋonzi rua ŋinde, ande imâ ipânŋa lâ. Aku tamâta ŋgu ŋalae tina nde sikai pila ŋana kazâŋa kê wa kêi mbuku wa soka kuku simâ. Kinzi patarawâŋa tamâta ŋalajala wa ŋgu nenzi katonâŋa muŋga sisupwanzi simâ. <sup>48</sup> Ande kulu-pânŋa tamâta ŋinde muŋga ipainzi tu ma iveta mâsi tonŋe pa Yesu. Ipainzi tu, “Naŋa ma anzumwa tamâta tonŋe nao, aku tamâta ŋinde nde Yesuni. Miki kakai i kaika.” <sup>49</sup> ŋinenŋa walele nâ Judas iyoka imâ pa Yesu ku iporo tu, “Pananâŋa, mbo ara.” Aku inzumwa Yesu nao. <sup>50</sup> Yesu nde ipai Judas mine tu, “Ninŋu-nambwe, vetâŋa ndia kala noko kumâ tu kuveta, ande kuveta walele nâ.” ŋinenŋa kazâŋa tamâta pinde simâ, aku mbaunzi ilâ sikai Yesu kaika lâ.

<sup>51</sup> Andeta Yesu ne pâri-tamâta tonŋe mbau nâ ipasu ne pila yâti, ku ipu patarawâŋa tamâta ŋalae ne wurâta tamâta tonŋe, aku pila isalu taŋa motu

piti imbe ndue tâno kulu. <sup>52</sup> Andeta Yesu ipai ne pâri-tamâta ñinde tu, “Noko kulumbwa ne pila taulo kilo tâ! Nana tu tamâta ea kinzi uru sikai pila ñana kazâña kâ, ande pila ma isowe kinzi warakanzi kapwanzi simâte. <sup>53</sup> Opopo, noko kalo ñgere sondo ñga! Ambo naña ma asarâwa pa Mama, ande ikura tu isupwanzi aņelo ñgu ñalae saņao kannaonzi rua simâ ñana sivila naña kâ. Tiambo noko kusama ñine tia, a? <sup>54</sup> Taitu kulonjo ñga; ambo naña ma aveta mine, ande Maro Kindeni ne ñgua kinzi ñgua-tulâña tamâta muņgâña singere lâ pepa tini ñinde ma ipâña kannao tia. Maro Kindeni ne pateâña ikeno tu vetâña rârâni ñine ma ipâña pa naña.”

<sup>55</sup> Ninea Yesu iporo panzi tamâta ñgu ñinde tu, “Nana sâ kâ ñga miki kakai pila ñalalala tava kâi mbuku kamâ ñana kakai naña kâ, a? Tiambo miki katu naña nde panawe tamwatâņgu, a? Ikura zo zo naña uru asañona Maro Kindeni ne luma sapâña ilo ku apanananzi tamâta, andeta miki ñandai kakai naña kaika lâ zo ñinde ñga. <sup>56</sup> Andeta vetâña rârâni ñine ipâña lâ ñana iveta ñgua-tulâña tamâta muņgâña nenzi ñgua ipâña kannao.”

Yesu iporo ñgua ñine lâ, ñinea kinzi pâri-tamâta rârâni nde sipile Yesu ku sikâwa silâ.

*Kinzi sio Yesu ilâ pa ñgua nia*

*Malaka 14:53-65, Luka 22:54,63-71, Yoane 18:12-14,19-24*

<sup>57</sup> Kinzi tamâta ñinde sikai Yesu kaika lâ, ñinea sikai silâ pa patarawâña tamâta ñalae Kaiafas ne luma. Kinzi pananâña tamâta ñana ñgua tukuña kâ aņga kinzi katonâña nde muņga sipasau lâ kala

simo ninde. <sup>58</sup> Anğa Petero nde iyoka Yesu muli ilâ, aku imo malawae mwasa. Iyoka ilâ patarawâña tamâta njalae ne luma ninde ne ngumbi ilo, aku isaņona kunzi sambara tamâta. I ilo tu ma imora vetâña mana ma ipâņga pa Yesu.

<sup>59</sup> Kinzi patarawâña tamâta njalañala anğa kinzi tamâta mbâna-mbâna rârâni nde sisarawanzi tamâta pinde simâ tu ma situla nenzi nğua laņeņa nana Yesu ne vetâña kâ. Kinzi ilonzi tu ma sisânda vetâña soki ndia muņga Yesu iveta tâ, nana sikura tu sipu i pâta imâte kâ. <sup>60</sup> Mine kala kinzi tamâta rârâ nde simâ ku siporo sisowe nğua laņeņa lâ Yesu tini. Andeta kinzi nğandai situla i ne vetâña soki tonđe pwataki nğa. Siveta, siveta lee, ninenğa tamâta rua simâ, <sup>61</sup> aku siporo mine tu, “Tamâta nîne muņga iporo tu, ‘Naņa akura tu asapira Maro Kindeni ne luma sapâña piti, ninenğa anğunu kâki kilo lâ kari nğato nâ.’”

<sup>62</sup> Ninenğa patarawâña tamâta njalae imandi ku ipai Yesu tu, “Wa, noko tini pwâka tu kuporo nğua tonđe lâ kinzi kawanzi, a? Mana mana nana nğua nîne kala kinzi sisowe lâ noko tini, a?” <sup>63</sup> Anğa Yesu nde iporo nğua tonđe tia, kawa buu nâ imandi. Ninenğa patarawâña tamâta njalae ipai tu, “Lâ Maro Kindeni Via Tamwata nğ, naņa aporo kaika tu noko ma kuporo nğua mao nâ. Tiambo noko nde Kirisi, tiya? Tiambo noko nde Maro Kindeni Natu, tiya?”

<sup>64</sup> Ninenğa Yesu itu lâ kawa tu, “Nğuanı kala noko tamwata kuporo lâ, ande mao nâ. Aku naņa apaimi tu lâ zo muli, miki ma kamora naņa Tamâta Natu asaņona Maro Kindeni Walo Tamwata mbau pa wia kâ, aku ma kamora naņa ayoka samba ne

take-take kulu andue amâ.” <sup>65</sup> Patarawâña tamâta ñalae nde ilonjo Yesu ne ñgua ñine, aku marumbu; i wisi nâna ñalae kala isaraka tamwata ne pasawaña lâ tini, ku iporo mine tu, “Oyae, tamâta ñine itu ikai Maro Kindeni nia, aku ñgua kala iporo ñinde nde sakamao ndo lâ Maro Kindeni nao! Kinda ma tasarawanzi tamâta pinde kilo ñana sisowe ñgua lâ tamâta ñine tini, ande tia. Kala ñine nâ iporo ñgua pavaligiña pa Maro Kindeni, aku miki kalonjo lâ. <sup>66</sup> Miki ilomi tu kinda ma taveta mana pa tamâta ñine.” Kinzi nde situ lâ kawa mine, “Ïveta soki ñalae, ande kala ara ñana ma sipu pâta imâte.”

<sup>67</sup> Ninennga kinzi sisupwara Yesu nao, ku singu mbalaunzi sikatu. Anga pinde nde siponza, <sup>68</sup> ku siporo tu, “Wa, noko nde Kirisi, a? Mine nde kuporo ñgua-tulâña tamâta ne ñgua, ku kutula pwataki tu ea ipuno! Kupatu tamâta ñine ña tâ!”

### *Petero ipatimoa Yesu*

*Malaka 14:66-72, Luka 22:55-62, Yoane 18:15-18,25-27*

<sup>69</sup> Anga Petero nde isañona nia yo lâ luma ñinde ne ñgumbi ilo. Imo lee, ñinennga wurâta taine tonje iyoka imâ papa ku ipai tu, “O, noko wa, noko kala muñga kumo kuku Yesu Galilaya tamwata.”

<sup>70</sup> Andeta Petero iporo ipatiâmo lâ kinzi rârâni naonzi, ku iporo tu, “Naña asama ñgua kala noko kuporo ñinde duvi, ande tia.” <sup>71</sup> Ninennga Petero imandi ilâ pa luma ne nzâla kawa ikeno ñgumbi tini. Aku wurâta taine tonje kala imora i, ku ipainzi tamâta simandi laiti tu, “Tamâta ñine nde muñga imo kuku Yesu Nasarete Tamwata.”

<sup>72</sup> Andeta Petero ipatiâmo kilo ku iporo mine tu,



“Mao pa âta, naŋa asama tamâta ŋinde tia ndo.”  
<sup>73</sup> Simo tini nâ, ŋineŋga tamâta pinde nde simâ ku sipai Petero tu, “Mao kanaŋo, noko nde tonŋe lâ kinzi nawalanzi. Noko kawa kaŋa itula noko kilala pwataki lâ.” <sup>74</sup> Ŋineŋga Petero iporo kaika tu, “Ambo naŋa alâŋe, ande naŋa ano pa Maro Kindeni tu ma izavaru naŋa; naŋa asama tamâta ŋinde tia ku tia ndo!” Aku walele nâ tatareko tonŋe isuŋa kawa. <sup>75</sup> Ŋineŋga Petero ne kalo-ŋgere ipâŋga ŋana ŋgua Yesu muŋga iporo tu, “Tatareko ma ita isuŋa kawa tia yo, ande noko ma kuporo kupa-timoa naŋa mbwani ŋato mine tu noko kusama naŋa tia.” Ŋineŋga Petero iyâti ilâ pa nia yo, aku ita pâta kanaŋo.

## 27

### *Sikai Yesu silâ pa Pilata*

*Malaka 15:1, Luka 23:1, Yoane 18:28*

<sup>1</sup> Mbwale pwataki lâ, ŋineŋga kinzi patarawâŋa tamâta ŋalaŋala aŋga Isrel ŋgu nenzi katonâŋa nde siporo sipa ŋgua tu ma sio Yesu lâ Rom koipu mbaunzi ilo, tu ma sipu pâta imâte kê. <sup>2</sup> Mine kala sipa Yesu lâ wâlo kaika, ku sikai silâ sio i lâ Pilata mbau ilo, i tamâta ŋana ikai Rom ndamwanzi ku ikatonanzi tamâta rârâni simo nia ŋinde.

### *Judas imâte lâ*

<sup>3</sup> Judas, ina muŋga itula Yesu panzi kazâŋa tamâta, ande ilonŋo pâri tu kinzi tamâta ŋalaŋala sipa ŋgua lâ ŋana ma sio Yesu ilâ panzi Rom koipu tu ma sipu pâta imâte kê. Ŋineŋga Judas ilo ipâŋga malia ndo, ku ikai mbumbu tamâta taitu kanaŋo saŋao (30) ŋinde imâ, ku ilanzi patarawâŋa tamâta

ɲalanjala sitavanzi katonâɲa taulo kilo. <sup>4</sup> Aku ipainzi tu, “Naɲa aveta kiesaka, ɲana tu tamâta kala atula pami ɲinde, ande i ɲandai iveta soki tonje ɲga. Andeta miki kapa ɲgua tu ma sipu i pâta imâte.” ɲineɲga kinzi situ lâ i kawa tu, “ɲine nde maka nema malia nde tia. Malia nde keno noko tamwata nâ tini.” <sup>5</sup> ɲineɲga Judas isia mbumbu ɲinde ilâ Maro Kindeni ne luma sapâɲa ilo, aku ilâ ipa wâlo kaika lâ tamwata ɲandola, ku isonɲa indue ipayaula tamwata karae kala imâte lâ.

<sup>6</sup> Anɲa kinzi patarawâɲa tamâta ɲalanjala nde sikai mbumbu ɲinde ku siporo imâ warakanzi ɲgininzi tu, “Mbumbu ɲine nde koa ɲana tamâta puɲa kâ. Mine kala ɲgua tukuɲa indi kaika tu kinda ma tao mbumbu ɲine ilâ itogo luma sapâɲa ne mbaliɲa mine ndimo.” <sup>7</sup> Tia ku sipa ɲgua tu ma sikai mbumbu ɲinde ku siko tâno tonje, i ɲa tu “Kulo-Puɲa Tamâta Nenzi Tâno”, aku tâno ɲinde ma ipâɲga itogo kuru nia mine panzi tamâta lombo muɲga soka lawea malawae malawae simo Isrel tâno. <sup>8</sup> Mine kala sipatu tâno ɲinde ɲa wasaseki tu “Tâno See”, aku ɲoa ɲine nde keno mineni lâ zo ɲine. <sup>9</sup> Mine kala ɲgua tonje Maro Kindeni siɲgani io lâ ɲgua-tulâɲa tamâta Jeremaia kawa, ande ipâɲga kanaɲo. ɲgua ɲine nde mine:

“Kinzi Isrel ɲgu sipatea tu tamâta ma iko i lâ mbumbu tamâta taitu kanaɲo saɲao (30). Mine nde sikai mbumbu ndainani nâ, <sup>10</sup> aku siko Kulo-Puɲa Tamâta Nenzi Tâno, ikura tukuɲa Maro Kindeni muɲga itula pa naɲa mine.”

*Yesu imandi Pilata nao*

*Malaka 15:2-5, Luka 23:2-3, Yoane 18:29-38*

<sup>11</sup> Yesu nde imandi Rom nenzi koipu Pilata nao, aku Pilata ikasonja tu, “Noko nde Juda nenzi Koipu Njalae, tiya?” Ande Yesu itu lâ kawa tu, “Noko tamwata kuporo nguani ndaina.” <sup>12</sup> Njineŋga kinzi patarawâna tamâta njalanjala sitavanzi kinzi katonâna nde sisowe nguua kie-kie lâ Yesu tini. Andeta iporo nguua tonje taulo panzi, ande tia. <sup>13</sup> Mine kala Pilata ikasonja Yesu tu, “Tiambo nguua kala sisowe lâ noko tini njinde, ande kulonjo tia tâ, a?” <sup>14</sup> Andeta Yesu iporo nguua tonje tia. Mine kala Pilata ilo rârâ.

*Pilata io Yesu tu ma sipu lâ kâi popole tini imâte*

*Malaka 15:6-15, Luka 23:13-25, Yoane 18:38–19:15*

<sup>15</sup> Aku Rom nenzi mâsi tonje nde mine: ikura mbwera mbwera, lâ Juda nenzi kumbwa njinde, ande Pilata uru iyaute tamâta tonje munja imo luma sakamao ilo iyâti ilâ, ikura kinzi Juda tamâta warakanzi nenzi pateâna mine. <sup>16</sup> Aku lâ zoni ndaina, ande nzanzare tamâta tonje imo luma sakamao ilo, i na mine Barabas. <sup>17</sup> Mine kala kinzi tamâta ngu njalae nde simâ sipasau lâ Pilata ne luma, njineŋga Pilata ikasonjanzi tu, “Miki ilomi tu naŋa ma ayaute tamâta ea imâ pami. Naŋa ma ayaute Barabas, tiya?, ayaute Yesu, tamâta njine siporo tu i nde Kirisi.” <sup>18</sup> Pilata nde isama tu kinzi tamâta njalanjala sipadâda nâ nana Yesu kâ, aku nana duvi njinde kâ sikai i simâ papa. <sup>19</sup> Andeta Pilata isanona nguua nia iporo nguua yo, njineŋga i kaiwa nde ipasupwa imâ papa mine tu, “Noko ma kuveta vetâna tonje pa tamâta sondo njinde ndimo. Munja

mbo, naŋa amora i nao lâ nanenŋu mbupuleŋa tini, aku ŋine iveta naŋa ilonŋu malia ndo.”

<sup>20</sup> Ambo taitu kinzi patarawâŋa tamâta ŋalajala aŋga kinzi katonâŋa nde sisowe kinzi tamâta ilonzi, kala sisarâwa kaika pa Pilata tu ma iyaute Barabas imâ panzi, ku ma io Yesu tu ma sipu pâta imâte. <sup>21</sup> Ŋinenŋa Pilata ikasonŋanzi kilo mine tu, “Miki ilomi tu naŋa ma ayaute ea lâ kinzi rua ŋine imâ pami.” Aku kinzi tamâta sisarâwa mine tu, “Kuyaute Barabas imâ!” <sup>22</sup> Ande Pilata ikasonŋanzi tu, “Mine ŋga ma naŋa aveta mana papa Yesu, tamâta ŋine siporo tu i nde Kirisi.” Ŋinenŋa kinzi rârâni sisarâwa kaika tu, “Kupu lâ kâi popole tini imâte!” <sup>23</sup> Andeta Pilata ikasonŋanzi tu, “Ŋana sâ kâ, a? Iveta vetâŋa soki ndia.” Andeta sisarâwa kaika ndo tu, “Kupu lâ kâi popole tini imâte!”

<sup>24</sup> Pilata isama tu i ikura ŋana itoto nenzi ŋgua, nde tia, aku kazâŋa ŋalae nde laiti ŋana ipâŋga kâ. Mine kala iveta mâsi tonŋe lâ kinzi tamâta naonzi. Ikai lââ ku ipua tamwata mbau, ŋinenŋa iporo tu, “Ambo tamâta ŋine imâte, ande ŋinde ma nanenŋu soki tia. Ŋinde ma miki warakami nâ nemi soki.” <sup>25</sup> Ŋinenŋa kinzi tamâta siporo taulo papa tu, “Ara, soki ndia ŋana i ne mateŋa kâ nde ma ikeno pa maka warakama, aku ma ikeno panzi nema vâsa mine nâ!” <sup>26</sup> Siporo ŋgua ŋine lâ, ŋinenŋa Pilata iyaute Barabas imâ panzi. Aku io Yesu lâ zugu tamâta mbaunzi ilo tu ma sipalili pâta munŋa lâ, ŋinenŋa ma sikai silâ sipu lâ kâi popole tini.

*Kinzi zugu tamâta sisawa koipu ŋalae ne pasawaŋa lâ Yesu tini, ku siporo ŋgua pavaligiŋa papa Malaka 15:16-20, Luka 23:26-32, Yoane 19:16-*

17

<sup>27</sup> Njineŋga Pilata ne zugu tamâta nde sikai Yesu silâ Rom nenzi luma ŋana pasaunja kâ ilo. Njineŋga sisarâwa panzi nawalanzi zugu tamâta rârâni tu ma simâ sinje Yesu. <sup>28</sup> Simâ lâ, njineŋga mbaunzi ilâ sikai Yesu ne pasawaŋa piti lâ tini, aku sisawa pasawaŋa ŋiŋi tonje lâ tini, itogo kinzi koipu ŋalajala uru sipasawa lâ tininzi mine. <sup>29</sup> Njineŋga simwali wâka-wâka tonje ku sisawa lâ Yesu kulu, aku sio taumbwa tuka tonje ilâ pa mbau wia kâ. Siveta mine lâ, njineŋga sipare tukunzi papa, aku siporo ŋgua pavaliginja papa mine tu, “Oe, Juda nenzi koipu ŋalae!” <sup>30</sup> Njineŋga sisupwara Yesu tini, aku sikai taumbwa tuka muŋga sio lâ i mbau ilo ŋinde, aku sipu i kulu mbwaninzi rârâ. <sup>31</sup> Kinzi zugu tamâta siveta vetâna ŋinde ndoni sivaligi Yesu lee, njineŋga sisawa pasawaŋa ŋiŋi ŋinde piti lâ tini, aku sisawa tamwata ne pasawaŋa lâ tini kilo. Njineŋga sikai silâ ŋana sipu lâ kâi popole tini imâte.

*Kinzi sipu Yesu lâ kâi popole tini*

*Malaka 15:21-32, Luka 23:33-43, Yoane 19:17-24*

<sup>32</sup> Kinzi sipile Jerusalem lawea ku soka silâ, njineŋga sipakâtu kuku Sairini lawea warika tonje, i ŋa mine Saimon. Aku kinzi zugu tamâta siveta kaika papa i tu ma ikale Yesu ne kâi popole ilâ kunzi. <sup>33</sup> Aku silâ lee sipâŋga nia ndamwa tonje, i ŋa mine Golgata. Njoa ŋine nde duvi mine tu, “Kulu Kâmba Nia.” <sup>34</sup> Njineŋga kinzi zugu tamâta sigema waini tava lââ makisa pinde, aku silua Yesu tu inu kâ. Aku Yesu itogo nuŋa mwata nâ, andeta tini pwâka, kala inu tia. <sup>35</sup> Njineŋga kinzi zugu tamâta

sipu Yesu lâ kâi popole tini. Aku sipagui mira itogo satu mine ŋana sisama tu ea ma ikai Yesu ne pasawaŋa. Siveta lâ, ŋineŋga siwae i ne pasawaŋa. <sup>36</sup> ŋineŋga sisaŋona niani ndaina, aku sio tininzi ŋana Yesu tu ma imâte. <sup>37</sup> Aku lâ Yesu kulu âta, ande siŋgere ŋgua ŋinde muŋga sio i ilâ pa ŋgua nia ŋana. Siŋgere ŋgua mine tu, “Tamâta ŋine nde Yesu, ina Juda nenzi koipu ŋalae.”

<sup>38</sup> Anŋa lâ Yesu waŋgira, ande sisonanzi nzanzare tamwatanzi rua tona. Tonŋe sipu lâ kâi popole tonŋe tini papa Yesu tini pa wia kâ, anŋa tonŋe nde sipu lâ kâi popole tonŋe tini papa i tini pa ŋâsi kâ. <sup>39</sup> Aku tamâta pinde soka nia ŋinde silâ wa simâ wa, sirurua kakalinzi papa ku siporo ŋgua pavaligiŋa mine tu, <sup>40</sup> “Oe, noko tamâta ŋana kusapira Maro Kindeni ne luma sapâŋa ku kuŋgunu kâki kilo lâ kari ŋato nâ, a? Mine nde ku-pavila tamwata tâ! Noko kutu Maro Kindeni Natu, ande ara, ŋine nâ kupile kâi popole ku kundue kumâ!” <sup>41</sup> Aku kinzi patarawâŋa tamâta ŋalajala anŋa kinzi pananâŋa tamâta ŋana ŋgua tukuŋa kâ anŋa Isrel nenzi katonâŋa, kinzi ŋinde rârâni kala siporo ŋgua pavaligiŋa mine nâ papa. <sup>42</sup> Siporo tu, “Opopo, i muŋga ivilanzi tamâta pinde, andeta ikura ŋana ipavila tamwata kâ, ande tia. I nde Isrel nenzi koipu ŋalae, a? Mine nde mambo ŋine nâ ipile kâi popole ku indue imâ, ande kinda ma kalonda tawana i. <sup>43</sup> Mao nâ, i kalo tawana Maro Kindeni, kala uru iporo tu, ‘Naŋa nde Maro Kindeni Natu.’ Ara mbo, ambo Maro Kindeni ilo papa i, ande ara ŋana ŋaina nâ i tamwata ma imâ ivila i.” <sup>44</sup> Aku kinzi nzanzare tamwatanzi rua kala sitâra lâ kâi popole simo Yesu waŋgira

ņinde, ande kinzi kala siporo ņgua pavaligiņa kaņa taituni nâ pa Yesu.

*Yesu imâte lâ*

*Malaka 15:33-41, Luka 23:44-49, Yoane 19:30-37*

<sup>45</sup> Kari ikâki imâ ņgini lâ, ņinenņa kondoma ņalae itura tâno ndoni. Ikeno mine lee lala lâ, ikura kari tai ņato. <sup>46</sup> Aku kari tai ņato lâ, ņinenņa Yesu isuņa kawa ņalae kâki isarâwa mine tu, “Eli, Eli, lema sabatani!” ņgua ņinde nde duvi mine, “Neņgu Maro, neņgu Maro, ņana sâ kâ ņga kupu muli pa naņa!” <sup>47</sup> Aku tamâta pinde simandi tini laiti nde siloņo Yesu ne ņgua ņinde, andeta siloņo soki, ku siporo tu, “Ayo, isarâwa papa Ilia!” <sup>48</sup> Aku walele nâ nenzi toņge ipalilu ilâ ikai nzomo toņge, ku ipatuku lâ waini makisa ilo. ņinenņa isenņe lâ lumbi-lumbi toņge tini ku isuņa kâki ilâ papa Yesu kawa tu ma indomo kâ. <sup>49</sup> ņinenņa tamâta pinde siporo tu, “Ara, mambo tamora ņga. Tiambo Ilia ma imâ ivila i, tiya?” <sup>50</sup> Andeta Yesu nde isarâwa kawa ņalae kilo, ņinenņa imâte lâ.

<sup>51</sup> Aku ndainani nâ lalava matatola ņalae kala uru itâra Maro Kindeni ne luma sapâņa ilo ņinde nde ipwa pwataki pa âta ku indue papa lâmbu mo rua lâ. Aņa ogigi ririņo kala mira ņalaņala sipakâtu warakanzi. <sup>52</sup> Aku kuru rârâ kawanzi pareņge lâ, aku Maro Kindeni ipaņonzi ne pateâņa tamâta rârâ, kinzi ņinde muņga simâte ku karaenzi ikeno kuru ilo, ande kala simandi sânda simo vianzi kilo, <sup>53</sup> aku sipile kuru siyâti simâ. Aku muli, lâ zo ņinde Yesu imandi imo via kilo, ņinenņa kinzi tamâta ņinde nde silâ Jerusalem lawea ilo, aku tamâta rârâ simo lawea ņinde nde simoranzi.

<sup>54</sup> Aku kinzi zugu tamâta sitavanzi nenzi koipu, kinzi ñinde muŋga sio tininzi pa Yesu tu imâte kê, ande simora mâsi ñinde rârâni. Simora ogigi ririŋo ku simora mâsi kie-kie ñinde ipâŋga lâ, kala siruru pâta. Aku siporo mine tu, “Mao kanaanjo, tamâta ñine nde Maro Kindeni Natu!”

<sup>55</sup> Aku taine rârâ kala simo nia ñinde tona, kinzini muŋga sipile Galilaya tâno ku soka kuku Yesu sikai kuleŋa papa. Kinzi taine ñinde nde simandi malawae mwasa ku simora mâsi ñinde rârâni. <sup>56</sup> Aku taine ñato nde simo kunzi taine ŋgu ñinde: tonje nde Maria, i Makdala lawea taine; anja tonje nde i nuwaka Maria, ina Yamesi ku Yosepe rua tinanzi; anja tonje nde Sebedi natu rua tinanzi.

*Kinzi sio Yesu karae lâ kuru ilo*

*Malaka 15:42-47, Luka 23:50-56, Yoane 19:38-42*

<sup>57</sup> Kari indue lala lâ, ñineŋga mbaliŋa warika tonje lâ Arimatea lawea, i ña mine Yosepe, ande imâ ipâŋga Pilata ne luma. I muŋga ipono muli pa Yesu. <sup>58</sup> Imâ ipâŋga lâ, ñineŋga ino Pilata tu ma ikai Yesu karae, ñana ma ilâ ikeka kê. Pilata nde isâu papa ku ipainzi ne zugu tamâta tu Yesu karae ma silua Yosepe. <sup>59</sup> Ñineŋga Yosepe ikai lalava pâne tonje ku ilita lâ Yesu karae. <sup>60</sup> Ilita lâ, ñineŋga ikai Yesu karae ilâ ku io lâ i tamwata ne kuru wasaseki ilo. Kinzi muŋga siveta kuru ñinde lâ nia mira. Ñineŋga Yosepe itambumbua mira ñalae tonje ilâ ipono kuru ñinde kawa. Iveta mine lâ, aku ilâ. <sup>61</sup> Anja Maria, i Makdala taine ñinde, kuku nuwaka Maria rua nde sisaŋona kuru ñinde nao kala simo.



*Kinzi zugu tamâta sio lâ kuru kawa tini*

<sup>62</sup> Yesu nde imâte lâ wurâta lima, lâ zo ñinde kinzi Juda tamâta uru siveta kelekele sondo ñana pwareâña ne zo sapâña kâ lâ wurita. Aku mbwale kilo, ñineñga kinzi patarawâña tamâta ñalañala sitavanzi tamâta pinde lâ Parisai ñgu nde silâ ñana siporo ñgua pa Pilata kâ. <sup>63</sup> Sipasau kuku Pilata lâ, ñineñga sipai mine tu, “Tamâta Ñalae, maka iloma ikai ñgua tonje muñga lañeña tamwata ñinde imo via yo mbo iporo ñine. Iporo mine tu, ‘Kari ñato lâ, ñineñga naña ma amandi amo viâñgu kilo.’” <sup>64</sup> Mine nde maka kano pano tu kuonzi ne zugu tamâta tu sika mâsa ku simandi lâ kuru ñinde kawa tini laiti ikura kari ñato marumbu lâ. Tia ma ne pâri-tamâta simâ sipanawe i karae silâ tâ, aku ma sipainzi tamâta mine tu, ‘Imandi lâ matera nianzi imo via kilo!’ Ambo siveta mine, ande ñgua lañeña wasaseki ñinde nde ma ipole ñgua lañeña muñga iporo ñinde.” <sup>65</sup> Ñineñga Pilata ipainzi tu, “Ara, miki kakainzi zugu tamâta pinde ku kalâ kaveta kuru sondo, ñana tamâta tonje ma ikura tu ipanawe i karae, ande tia.” <sup>66</sup> Ñineñga kinzi silâ ku siveta mâsi tonje lâ kuru ne kawa mira tini, ñana itula tu tuña kaika keno ñana kuru ñinde kâ. Aku sionzi zugu tamâta tu simandi lâ kuru ñinde kawa tini laiti tona.

## 28

*Yesu imandi sânda imo via kilo*

*Malaka 16:1-14, Luka 24:1-49, Yoane 20:1-23*

<sup>1</sup> Juda nenzi pwareâña ne zo sapâña marumbu lâ ñga. Aku wurita kilo, lâ sânda, mbwale pwataki lâ, ñineñga Maria, i Makdala taine, nde ikai nuwaka

Maria, aku rua silâ nana simora Yesu ne kuru kâ. <sup>2</sup> Andeta walele nâ ogigi ririño nalaie tina, nana tu Maro Nalae ne anjelo tonje iyoka pa samba indue imâ pa kuru ninde, ku itambumbua mira piti lâ kuru kawa. Itambumbua piti lâ, ninenga isanona mira ninde kulu. <sup>3</sup> Anjelo ninde tini nde sinala nia itogo loloa salaga mine, anja ne pasawanja nde pâne ndo. <sup>4</sup> Aku kinzi zugu tamâta kala sikatona kuru ninde nde simora anjelo ninde, ku siruru pâta kanaanjo. Tininzi ruru, aku patanzi sindue sikeno tâno kulu, sitogonzi mateja tamâta mine.

<sup>5</sup> Ninenga anjelo nde ipainzi taine rua tu, “Miki rua karuru ndimo. Naja asama tu miki kamâ tu kamora Yesu, ina munja itâra lâ kâi popole tini ku imâte lâ. <sup>6</sup> Taitu i nde imo naji tia; imandi sânda lâ kala imo via kilo, ikura ngua munja iporo ninde. Miki rua kamâ kamora nia kala munja sio karae ndue ikeno njine. <sup>7</sup> Ayo, miki walele nâ kalâ kapainzi ne pâri-tamâta mine tu, ‘Imandi lâ mateja nianzi imo via kilo, kala imunja pami ilâ Galilaya tâno. Miki kalâ ma kasânda i kulu lâ niani ndaina.’ Naja amâ nana atula ngua njine pami, kala atula pami lâ.”

<sup>8</sup> Anjelo iporo ngua njine panzi taine rua marumbu lâ, ninenga walele nâ kinzi rua sipile kuru nia ku sipalilu silâ tu siporo ngua ninde panzi Yesu ne pâri-tamâta. Tininzi ruru, andeta ilonzi ndeka pâta lâ. <sup>9</sup> Soka nzâla sipalilu silâ yo, ninenga walele nâ Yesu tamwata ipakâtu kunzi ku iporo tu, “Maro Kindeni ne nzâmbe imâ pami.” Ninenga kinzi rua sipare tukunzi papa aku mbaunzi ilâ sikale Yesu kie kaika, aku sipanea i. <sup>10</sup> Ninenga

Yesu ipainzi tu, “Miki karuru ndimo. Kalâ kaporo panzi ninḡu-nambwe tu mambo silâ Galilaya tâno, ande ma simora naḡa lâ nia ḡinde.”

*Kinzi zugu tamâta nenzi ḡgua laḡeḡa*

<sup>11</sup> Taine rua ḡinde nde silâ yo, ḡinenḡa kinzi zugu tamâta pinde muḡga simandi Yesu ne kuru kawa laiti ḡinde, ande silâ Jerusalem lawea ilo ku sitapâri panzi patarawâḡa tamâta ḡalaḡala ḡana vetâḡa rârâni muḡga ipâḡga panzi ḡinde. <sup>12</sup> ḡinenḡa kinzi patarawâḡa tamâta ḡalaḡala sipasau kunzi Isrel ḡgu nenzi katonâḡa, aku sipa ḡgua tu ma mbumbu ḡalae tina silanzi zugu tamâta ḡinde. <sup>13</sup> Mbumbu silanzi lâ, ḡinenḡa sipainzi tu, “Miki ma kaporo ḡgua mine: ‘Lâ mbo, maka kakeno utu lâ, ḡinenḡa Yesu ne pâri-tamâta sipavea nâ simâ ku sikawea i karae silâ lâ.’ <sup>14</sup> Ambo Rom nemi koipu ḡalae iloḡo ḡgua ḡine, ande maka ma kaveta ḡgua sondo kuku i, ande kala miki ma kasânda malia tonḡe kulu, ande tia.” <sup>15</sup> Mine kala kinzi zugu tamâta sikai mbumbu ḡinde aku silâ siveta ikura Juda tamâta ḡalaḡala nenzi ḡgua mine. Aku tapâriḡa laḡeḡa ḡine nde ilâ isala nia lâ, kala lâ zo ḡine kinzi Juda tamâta pinde uru sitapâri tapâriḡa ndainani nâ.

*Yesu ionzi ne pâri-tamâta tu ma silâ situla pâri ara  
Malaka 16:15-18, Luka 24:46-48, Yoane 17:18,  
20:21*

<sup>16</sup> Aku muli, ḡinenḡa Yesu ne pâri-tamâta saḡao kanaḡo taitu nde soka silâ pa Galilaya tâno. Soka lee sipâḡga tuu ḡinde Yesu muḡga ipainzi tu ma silâ papa ḡinde. <sup>17</sup> Aku matanzi ilâ simora Yesu, ḡinenḡa sipare tukunzi papa ku sipanea i. Aḡga

kinzi pinde nde ilonzi rua-rua. <sup>18</sup> Njineŋga Yesu imâ tininzi laiti, aku ipainzi tu, “Maro Kindeni walo ndoni ilua naŋa lâ, kala naŋa akai Maro pa kelekele rârâni lâ samba ilo wa tâno kulu wa. <sup>19</sup> Mine kala miki kalâ kakura nia nia, aku katu pâri ara panzi tamâta simo tâno ndoni, ŋana kinzi ma kalonzi tawana naŋa kâ. Kalilinzi lâ Tama ŋa, aŋga Natu ŋa, aŋga Koroani Sapâŋa ŋa. <sup>20</sup> Aku kapanananzi ŋana sipaveta kuku ŋgua rârâni naŋa muŋga atula pami ŋinde. Mao kanaŋo, naŋa ma amo kumi ikura zo rârâni lee, tâno ŋine ne zo marumbu lâ.”

**MARO KINDENI KAWA NGUA**  
**The New Testament and Psalms in the Sio Language of**  
**Papua New Guinea**  
**Nupela Testamen long tokples Sio long Niugini**

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

---

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f